



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonComercial
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

ՊԱՐԳ ԿԵԱՆՔԸ

ՀԱՐԼ ՎԱԿՆԵՐ

171

Ա-12

29 JUL 2009

171

4-12

ՀԱՐԼ ՎԱԿՆԵՐ

ՊԱՐԳ ԿԵԱՆՔԸ

ԱՆԳԼԻԵՐԻՆՔ ԹԱՐԳՄԱՆԵՑ

ՅՈՒՂԱՆՆԵՐ Ս. Մ. ԼԻԿՈՎՍԿՈՎԻՆ



Հ. ՊՈԼԻՍ
ՏՊԱԳՐՈՒԹՅՈՒՆ Յ. ՄԱՏԹԵՈՍԵԱՆ

1906

07.08.2013

5074

ԵՐԿՈՒ ԽՈՍՔ

Շարլ Վակնէրի այս հոչակաւոր գիրքին թարգմանութիւնը արդէն մաս առ մաս երեւցաւ Բիւզանդիոնի մէջ : Անոր գտած ջերմ ընդունելութիւնը, ինչպէս նաեւ մեր սա համոզումը թէ այս հատորիկը օգտակար պիտի ըլլայ մեր համայնքին, թելադրեցին մեզ զայն իրբ գիրք հրատարակելու ձեռնարկել :

Եթէ հարկ ըլլար ՊԱՐՁ ԿԵՄՆՅԼԻ ին արժանիքին նկատմամբ բան մը ըսել, բաւ պիտի համարէինք հոս դնել ինչ որ Ամերիկայի Միացեալ Նահանգներու Նախագահը ըսած է գրքոյկիս հեղինակին . —

«Բու գիրդ կը խարզեմ հայրենակիցներուս:»

Կը կարծենք թէ այս գիրքը կարդացողները պիտի տեսնեն որ արդարացի կերպով համարուած է ան «Դարուն մեծագոյն գիրքերէն մին:»

Հայուհեաց Վարժարան
Աշարակար

ԹԱՐԳՄԱՆԻՉԸ

2 նոյ., 1906



63831-67

معارف عموميہ نظارت جلیلسنک ۱۵ شعبان ۳۲۴ و ۱۹ ایول
۲۲۲ تاریخی و ۲۴۲ نومرسی رخصتامہ سیله طبع اوپنیشدر

ՀԵՂԻՆԱԿԻՆ ՆԱՄԱԿԸ ԹԱՐԳՄԱՆԻՉԻՆ ՈՒՂՂՈՒԱԾ

ՏԻԱՐ ՅՈՎՀԱՆՆԵԼՍ Ա. Ա. ԽԻԹՍՍ. ՆԵՍ. Ն

Հայուհեաց Վարժարան

Ա. ՏԱՐԱՆ. Ա. Խ.

Տէր.

Այն շահագրգութիւնը զոր ծեր համայնքը ինծի կը ներշնչէ,
մեծ ուրախութեան պատճառ կ'ըլլայ ինծի սա մտածումովս թէ զիրքս
ծեր լեզուին պիտի թարգմանուի:

Ոչ թէ միայն սիրայօժար կ'արտօնիմ ծեզ որ զանիկս թարգմա-
նէք, այլ նաև ծեր թարգմանութիւնը առիթ մը կը համարիմ իմ այս
տողերուս միջոցով սրտագին մաղթանքներս ուղղելու ամէն անոնց
որոնք այս զիրքը պիտի կարդան:

Իցիւ թէ այս զիրքս օգնէր իրենց տւելի պարզ ու աւելի օգ-
տակար կերպով ապրելու կեանքին ամէն շրջաններուն եւ վիճակնե-
րուն մէջ:

Բարիզ

27 Մայիս, 1906

ՏԱՐԼ ՎԱԿՆԵՐ

ՅԱՌԱԶԱԲԱՆ

Հիւանդկախ անձը, տենդէն հիւծած և ծարաւէն մարած վիճակին մէջ, կերազէ իր քունին մէջ սառնորակ վասակ մը, ուր կը լոգանաց, կամ վճիտ աղբերակ մը, ուրկէ լիառատ կ'ըմպէց: Այսպէս ալ արդի կեանքին եռուզեռքին ու բարդ վիճակներուն մէջ վաստակաբեկ հոգիները պարզութիւն կ'երագին: Արդեօք պարզութիւնը, որուն «օրհնութիւն» գեղեցիկ անունը կու ասնք, անհետացած է իսպատ: Չեմ կարծեր: Եթէ բացառիկ պարագաներու յատուկ բան մը ըլլար ան, կամ հազուագէպ ժամանակներու մէջ միայն ծանօթ՝ զայն ծեռք ձգելու յոյսէն կրնայինք հրաժարիլ: Չենք կրնար քաղաքակրթութիւնը ետ տանիլ հոն՝ ուրկէ ծագում առաւ, ինչպէս չենք կրնար յաղթաջուր, արագանոս գետերը ետ զրկել այն հանդարտ ձորակին ուր լաստենիի ճիղերը ակին վրայ կը խնարհին զիրար գրկած: Բայց պարզութիւնը ու և մասնաւոր անսեռական կամ ընկերային վիճակներէ կափում չունի: Սնիկա յաւէտ ոգի մըն է որ կրնայ իրարմէ բոլորովին տարբեր եղող կեանքերը կենդանացնել եւ եղանակաւորել: Ես կը հաստատեմ թէ կրնանք զայն մեր որոշումներուն առարկան, և մեր գործնական կորովին նպատակն ընել:

Պարզ կեանքի մը ըղձալ՝ մարդկային բարձրագոյն կոչումին կատարման ըղձալ է: Մարդկութեան բոլոր ձգտումները դէպի լոյս և արդարութիւն՝ եղած են, միեւնոյն ատեն, ձգտումներ դէպի պարզագոյն կեանք մը: Եւ արտեսաներու, կենցաղավարութեան և գաղափարներու հաւանդ պարզութիւնը միայն այն պատճառաւ անբաղդասելի արժէք մը ունի մեզ համար որովհետեւ հգօր աղդակ մը հանդիսացած է կարգ մը էական զգացումներու և հաստատուն ճշմարտութեանց: Պէտք է սիրենք այդ պարզութիւնը և պահպանենք զայն եր-

կիւզածօրէն։ Այն անձը որ իրերու արտաքին ձևերուն միայն յարած կը մնայ, և ոգին ըմբռնելու ջանք չըներ՝ իր կեսաքի ընթացքին մէկ հարիւրերորդ մասը միայն կատարած պիսի ըլլայ։ Սրդարև, անկարելի է մեզի մեր նախահայրերուն պարզութիւնը ունենալ ամէն բանի մէջ։ Մենք ուրիշ ուղիներէ կը յառաջանանք, բայց մարդկութեան նպատակակէտը էապէս նոյնն է։ Հիւսիսային լուսաւորն է որ նաւորդին կ'առաջնորդէ միշտ, հոգ չէ եթէ առագաստանաւով նաւարկէ այն կամ շոգենաւով։ Այս նպատակակէտին դիմել մեր արամադրութեան տակ գըտնուած բոլոր միջոցներով, ահա ամէնէն կարեւոր բանը այսօր, ինչպէս ասկէ առաջ։ Եւ անոր համար մեր կեանքերը բարդ և կնճռուտ հանգամանք մը առած են որովհետեւ շեղած ենք յաճախ մեր ուղիղ ընթացքէն։ Եթէ պարզութեան այդ ներքին գիտութիւնը յաջողէի ուրիշներուն ընդունիլ տալ ինձի պէս, այս մասին կատարած աշխատութիւնս ապարդիւն պիտի չսեպէի։ Ումանք կը ռնան մտածել թէ այս տեսակ գաղափար մը դաստիարակութեան և կենցաղի մէջ պէտք է մարմին ստանայ։ Անոնք կը բաւականանան գոնելով մէկ քանին միայն այն ունակութիւններէն որոնք մեզ մարդ ըլլալէ կ'արգիւն։ Բայց բազմաթիւ խափանարար ոչնչութիւններ կան որ մեզ կը հեռացնեն ճշմարտութեան, արդարութեան և մարդամիտութեան մեր գաղափարականէն, ինչ որ մեր սրտերը պէտք էր տաքցնել և վերակենդանացընել։ Այդ բովանդակ մացցառուտը, բարակ ճիւղերը, որ իբր թէ մեղի և մեր երջանկութեան պատուպարան կը հանդիսանան, մեր արեւը սքօղելու միայն կը ծառային։ Այսքան բարդ և ամուլ կեանքի մը խաբուսիկ փորձութեանց դիմադրելու քաջութիւնը պէտք է ունենանք իմաստունին պէս պատասխանելով,

«Արեւս մի՛ խափաներ»։

ՊԱՐԶ ԿԵԱՆՔԸ

ԳԼՈՒԽ Ա.

ԲԱՐԴ ԿԵԱՆՔԸ

Պլանշարներու տան մէջ մեծ իրարանցում մը կայ, եւ իրաւացի պատճառով։ Մտածեցէք անգամ մը. Օր. իրենէ յառաջիկայ երեքշարթի պիտի պսակուի, եւ այսօր Ուրբաթ է։

Անվերջանալի տողանցում մը կայ այցելուներու՝ ընծաներով ծանրաբեռնեալ. Կայթայթիշներու երկարածիգ շարք մը՝ իրենց բեռներուն տակ կքած։ Սպասարներուն վրայ այլեւս գրեթէ հոգի չէ մնացած։ Գալով ծնողքին եւ սիրակցորդ զոյգին, անոնք կարծես անգոյ են եւ մնայուն տեղ մը չունին. ցերեկը կը գտնուին դերձակուհին, գլխարկավաճառին, գոհարավաճառին, կահաւորիշներուն քով, կամ իրենց յարկաբաժիշները՝ ուր կ'աշխատին նկարիշները եւ կահագործները։ Հոնկէ կ'ելլեն եւ կը փութան գործի մարդերու գրասենեակները, ուր իրենց կարգին կը սպասեն, որպէս զի մթին սենեակ-

Ներուն մէջ աշխատող գրագիրները իրենց գործն ալ տեսնելու կարող ըլլան:

Այնուհետեւ հազիւ ժամանակ կը մնայ իրենց սենեակները վերադառնալու եւ պատրաստուելու համդիսաւոր հացկերոյթներուն, — նշանախօսութեան հացկերոյթ, ներկայացման հացկերոյթ, ամուսնական պայմանագրութեան ստորագրման հացկերոյթ, ընդունելութիւնները եւ պարահանդէսները: Կէսգիշերին տուն կը վերադառնան չարաշար յոգնած եւ քայքայուած վիճակի մէջ, եւ կը գտնեն ղրկուած վերջին ծրարները, նամակներու դէզ մը, որոնց մէջ կան շնորհաւորականները, հրաւիրեալներու շնորհակալութեան նամակները, հիւրամեծարներու կամ հարսնաքոյրերու մերժման կամ ընդունելութեան նամակները, ինչպէս նաև ապսպրուած բաները հասցնելու անկարող եղող վաճառորդներու չքմեղանքներուն նամակները: Ապա կան վերջին վայրկենին պատահած արգելքները, — յանկարծական մահ մը, որ հարսանեկան թափօրը կազմող անձնաւորութեանց շարքը կը խանգարէ, անպատեհ ցրտառութիւն մը, որ արգելք կ'ըլլայ նշանաւոր բարեկամ երգչուհիի մը՝ եկեղեցոյ պաշտօնին ատեն երգելուն: Այս ամէնը պէտք է նորէն կարգադրել: Խեղճ Պլանշարներ. կարծես թէ երբեք պիտի չկրնան պատրաստուիլ, մինչ կը կարծէին թէ ամէն բան նախատեսած էին: Եւ ամբողջ ամիսէ մը ի վեր այս վիճակին մէջ են, վայրկեան մը իսկ ժամանակ ոնցոցած չեն շունչ առնելու. Ժամ մը ոնցոցած չեն հանդարտ ու խաղաղ անցընելու, քիչ մը

մտածելու եւ կամ մտերմական խօսք մը փոխանակելու համար: Ո՛չ, ասիկա կեանք չէ: Բարեբախտաբար, մեծ մայրին սենեակը կայ: Մեծ մայրը գրեթէ ութսուն տարեկան է: Երկար ատեն աշխատած եւ շատ տառապած ըլլալով հասած է անանկ կէտի մը, ուրկէ իրերը կրնայ տեսնել՝ բարձր իմացականութիւն եւ սիրող սիրտ մը ունեցող մարդու խաղաղաւէտ վստահութեամբ: Գրեթէ միշտ բազմած իր թիկնաթոռին վրայ՝ անհիկա կը սիրէ մտածութեան լոիկ եւ երկար ժամերը: Ուստի այն եռուզեռքը, որ կը տիրէ բոլոր տանը մէջ, երկիւղածութեամբ կը հանդարտի անոր դրան առջեւ: Այդ խաղաղ ապաստանարանին սեմին վրայ ձայները կը մեղմանան եւ քայլերը կը թեթենան: Եւ երբ դեռահաս սիրահարները լոիկ ու հանդարտ վայրկեանի մը կարօտը կը քաշեն, մեծ մօրը սենեակը կ'ապաստանին :

«Խեղճ զաւակներս», կ'ըսէ այն ատեն, «որքան յոգնած էք: Վայրկեան մը հանգիստ ըրէք հոս եւ զիրար վայելեցէք: Գլխաւոր բանը այդ է, ուրիշ ամէն բան արժէք մը չունի, եւ արժանի չէ որ ձեր բոլոր կրովը սպառէ:»

Եւ այս դեռահաս զոյգը լաւ գիտէր մեծ մօր տուած այս խրատին արժէքը: Վերջին բանի մը շաբաթներու միջոցին քանի քանի անգամներ կարեւորութիւն չտուին կարգ մը ձեւակերպութեանց եւ պայմանադրական ձեւերուն եւ ոչչութեանց, որպէս զի իրարու սէր վայելին: Բայց վերջապէս ստիպուած էին տառապիլ այդ անխուսափելի ձեւակերպութիւններէն, որոնք իրենց

կեանքին այս վճռական վայրկենին իրենց միտքը կը դարձնէին անդադար՝ միակ էական բանէն, որպէս զի լեգէոն մը երկրորդական մտածութիւններու տեղ եւ ժամանակ տային։ Եւ ուստի մեծ յօժարութեամբ համամիտ էին իրենց մեծ մօր այս կարծիքին, զոր համբոյրի մը եւ ժպիտի մը մէջտեղ յայտնեց անոնց. — «Տղաքս, աշխարհ չափազանց բարդ հանգամանք մը կը ստանայ, իրաւ որ, — եւ այս վիճակը մարդիկը աւելի երջանիկ ընելու չի նպաստեր. — ընդհակառակը։»

* * *

Ես ալ մեծ մօրը կարծիքէն եմ։ Որորանէն մինչեւ գերեզման այժմէական անձն իր պէտքերուն, ինչպէս իր հաճոյքներուն, աշխարհի եւ իր անձին նկատմամբ ունեցած իր ըմբռնումին համար կը մաքառի բազմաթիւ բարդ վիճակներու բաւիղի մը մէջ։ Ոչինչ պարզ է հիմա, ոչ խորհուրդը, ոչ գործքը, ոչ զրօսանքը եւ ոչ իսկ մահը։ Ֆրանսացիքս մեր իսկ ձեռքերովը դժուարութեանց երկարածիգ շղթայ մը աւելցուցած ենք մեր գոյութեան վրայ, եւ զրկած ենք ինքողինքնիս բազմաթիւ հաճոյքներէ։ Համոզուած եմ թէ այս վայրկենիս իսկ իմ ընկերակիցներէս հազարաւորներ կը տառապին՝ ծայրայեղօրէն արուեստակեալ կեանքի մը երեսէն։ Ասոնք մեծապէս երախտապարտ պիտի մասն անոնց որոնք իրենց այս դժբախտ կացութիւնը հասկնալով՝ ջանք կ'ընեն ուրիշներուն ալ յայտնել, եւ կը քաջալերեն զա-

նոնք այն պարզութեան որուն իրենք կ'ըղձան գաղտնապէս։

Նախ թուենք այն շարքը իրողութիւնց որ մեր ապացուցանել ուզած ճշմարտութիւնը երեւան կը բերեն։ Կեանքին բարդ հանգամանքը մեր նիւթական պէտքերուն ստուարաթիւ ցանկին մէջ կ'երեւի։ Ընդհանրապէս ընդունուած երեւոյթ մըն է թէ այս երկրին մէջ (ֆրանսա) մեր պէտքերը զոյգ կ'ընթանան մեր նիւթական կարողութեան եւ միջոցներուն հետ։ Ասիկա ինքնին չարիք մը չէ։ Արդարեւ կարգ մը պէտքերու ծնունդը յառաջդիմութիւն մը կը մատնանշէ։ Զարգացումի, գերիվերութեան նշան մըն է լոգանքի, մաքուր ճերմակեղին հագնելու, առողջապահիկ պայմաններով օժտուած տուներու մէջ բնակելու եւ միտքը մշակելու պէտքն զգալ։ Բայց եթէ կան պէտքեր որոնց ծնունդը բաղձալի է եւ որոնք գոյութեան իրաւոնք մը ունին, ճշմարիտ է նաեւ թէ կան ուրիշներ ալ որոնք վնասաբեր ազդեցութիւն մը ի գործ կը դնեն, եւ մակարոյժներու պէս՝ կ'ապրին մեր իսկ վնասով։ Այս կարգի պէտքերուն թիւը եւ տիրական հանգամանքն է որ հիմա մեր միտքերը կը զբաղեցնէ։ Եթէ մեր նախահայրերուն ըսուէր թէ պիտի գար օր մը երբ մարդկութիւնը իր տրամադրութեան տակ պիտի ունենար իր նիւթական գոյութիւնը պահելու եւ պաշտպանելու ամէն հնարք ու գործիք, այն ատեն անոնք պիտի եզրակացնէին թէ այդ պարագային երջանկութիւնը պիտի աւելնար. եւ երկրորդ՝ կեանքի համար անհրաժեշտ եղող բաներու մա-

սին մրցումը զգալի կերպով պիտի նուազէր : Ներելի պիտի ըլլար անոնց համար մտածել թէ՝ կեանքին աւելի պարզ հանգամանք մը ստանալը , որ գործելու աւելի կատարելագործեալ միջոցներու գոյութեան անմիջական արդինքը պիտի ըլլար , բարձրագոյն բարոյականութին մը իրագործելու պիտի ծառայէր : Եւ սակայն ասանկ եղած չէ : Ոչ երջանկութիւնը , ոչ ընկերային խաղաղութիւնը , ոչ ալ բարին համար ոյժը աւելցած չէ : Նախ , կը կարծէք թէ ձեր ընկերակիցները , իբր ամբողջութին , իրենց նախահայրերէն աւելի գոհ վիճակ մը եւ վաղուան համար աւելի ապահովութին եւ վստահութին ունին : Հարցումս այն չէ թէ ասանկ ըլլալն ուղիղ է կամ ոչ , այլ թէ՝ իրողութիւնը այս է թէ ոչ : Երբ կը տեսնեմ ընկեր արարածներս եւ կը դիտեմ անոնց կեանքը , ինծի կը թուի թէ անոնց մեծամասնութիւնը իրենց վիճակին դժգոհ են եւ պաշարուած՝ վաղուան հոգերովը : Ուտեստի եւ բնակարանի ինսդիրը երբեք ասկէ աւելի սուր հանգամանք մը առած չէ , թէեւ հիմա ուրիշ ո՞ւ է ժամանակէ աւելի լաւ բնակարաններու մէջ կ'ապրինք : Այն անձը որ կը կարծէ թէ «ի՞նչ պիտի ուտենք , ի՞նչ պիտի խմենք , եւ ի՞նչ պիտի հագնինք» հարցումը աղքատներուն միայն կը ներկայանայ , ինքինքը կը խարէ : Աղքատներուն համար , որոնք հացի , բնակարանի չգոյութեան պատճառաւ վաղուան հոգերուն ենթարկուած են , բնական է այս հարցումը , եւ սակայն ճիշտ այս դասակարգին է որ ամէնէն պարզ կերպով կը ներկայանայ այդ իմսդիրը : Մարդ անգամ մը եր-

թալու է քիչ թէ շատ բարեկեցիկ կեանքով ապրիլ սկսողմերուն տուները , տեմսելու համար թէ՝ իրենց վայելածին համար ունեցած գոհոնակութիւննին կը թունաւորուի իրենց չունեցածին համար զգացած դժգոհութեան զգացումներով : Եւ եթէ կ'ուզես նիվթական ապագայի մասին գոյութիւն ունեցող անձկութիւնը տեսնել պերճանքի եւ շոայլութեան այս օրերուն , դիտէ «բարեկեցիկները» եւ մանաւանդ հարուստները : Մէկ զգեստ միայն ունեցող կիսերը չեն որ աւելի յաճախ կը հարցնեն թէ ի՞նչ պիտի հագնին , ոչ ալ ամէնէն խիստ ինայողութեամբ ապրիլ ստիպուղներն են որ կը խորհին թէ վաղն ի՞նչ պիտի ուտեն . իբր անհրաժեշտ հետեւութիւն մը սա օրէնքին թէ «պէտքերը կ'աճին որքան որ կը գոհացովին» , կը տեսնենք թէ «Մարտ արքա շատ առաջաւագ ունենայ , այսուան էւ իւրանէն նև առեւմբն կը կարուէ :»

Որքան շատ ապահովութիւն ունենայ վաղուան նկատմամբ , այնքան կ'աւելնայ իր խորհուրդը թէ ի՞նչպէս պիտի ապրի , եւ թէ ի՞նչպէս իր զաւակներուն ապագան պիտի ապահովէ : Ոչ ոք կընայ նկարել բարեկեցիկ մարդու մը՝ ապագային նկատմամբ ունեցած վախերուն թիւր , սաստկութիւնը եւ անոնց նորին երանգները : Այս բոլորին արդինքը սա եղած է տարբեր դասակարգերու մէջ տարբեր աստիճանով՝ թէ մարդիկ ստացած են միտքի աւելի անհանդարու վիճակ մը , եւ բռնուած՝ աւելի բարդ կենցաղավարութեան մը հոսանքէն , ինչ որ կընայ բաղդատուիլ միայն շփացած տղաքներու տրամադրութեան , որոնք յանկարծ կ'ողողուին բազմաթիւ

ընծաներով. Եւ սակայն տակաւին դժգոհ կը մնան, եւ աւելին կ'ուզեն :

* * *

Ֆրանսացիքս աւելի երջանիկ կամ աւելի խաղաղ եւ եղբայրասէր եղած չենք : Շփացած տղաք յաճախ եւ անառակաբար կը կռուին : Մարդ որքան աւելի պէտքեր եւ բաղձանքներ ունենայ, իր ընկերակիցներուն հետ այնքան աւելի վէճեր եւ կոիններ ունենալու առիթ կը գտնէ, եւ այս հակառակութիմները այնքան աւելի ցաւառիթ եւ դառն կ'ըլլան, որքան քիչ արդարութիւն եւ իրաւունք կենայ խնդրոյն մէջ : Կեանքի մէկ անհրաժեշտ պէտքին՝ հացի համար կրուիլը Բնութեան մէկ օրէնքն է : Ասիկա կրնայ անսամական երեւիլ . բայց չքմեղանք մը ունի իր դառն եւ դժուարին հանգամանքին համար, եւ ընդհանրապէս այս կոիւը տարրական անգիտութեանց սահմանէն անդին չանցնիր : Մնացածը բոլորովին աւելորդին համար մղուած պայքար մըն է, այսինքն՝ փառասիրութեան, առանձնաշնորհումի, քմահաճոյքի, նիւթական յաջողութեան եւ հաճոյքի համար : Միայն անօթութիւնը՝ մարդը երբեք իջեցուցած չէ այն բրտութեան եւ գձձութեան աստիճանին ուր փառասիրութիւն, ագահութիւն կամ վատառողջ հաճոյքներու համար մարդուն ունեցած ծարաւը կ'իջեցնեն զմարդ : Եսութիւնը հրբան նրբացած ձեւի տակ ներկայանայ՝ այնքան աւելի վնասաբեր ու կործանարար կ'ըլլայ : Ուստի մեր օրերուն մէջ ականատես կ'ըլլանք թշնամական

ոգիին զօրացման, եւ ֆրանսայի մէջ սիրտերը հիմա նուազ խաղաղասէր են :

Անօգուտ է հարցնել թէ աւելի բարի եղած ենք ասկէ առաջ :

Զէ որ «բարութեան ջիղը» արմատ կ'առնէ մարդուն՝ իր անձէն դուրս բան մը սիրելու ընդունակութենէն : Եւ որքան տեղ կը մնայ մարդուն սրտին մէջ իր դրացիին համար, երբ այդ սիրտը նուիրուած է նիւթական հոգերու, ամենամեծ մասսամբ արուեստակեալ պէտքերու, փառասիրութեանց եւ քմահաճոյքներու գոհացումին : Այն մարդը որ ինքզինքը բոլորովին կը նուկիրէ իր ախորժակներուն յագեցումին՝ այնքան արագօրէն կը զօրացնէ եւ կը բազմապատկէ զանոնք որ շուտով իրմէն աւելի ուժով կ'ըլլան : Ասիկա ներքին անկարգութեան մը տուած է ինքզինքը, որմէ վերջապէս արտաքին եւ տեսանելի վատթարացում մը պիտի ծնի : Բարոյական կեանքը իր անձը կառավարելու մէջ կը կայանայ : Անբարոյութիւնը մեր անձերը՝ մեր պէտքերով եւ կիրքերով կառավարելն է : Այսպէս, կամաց կամաց, բարոյական կեանքի կրուանները կը քանուին եւ դատողութեան օրէնքը ուտնակոխ կ'ըլլայ :

Բազմապիսի եւ խստապահանջ պէտքերու գերին եղող մարդուն համար բարձրագոյն բարին՝ ստանալն է, որմէ ծագում կ'առնեն ուրիշ ամէն լաւ բաները : Ճշմարիտ է թէ ստացումի կատաղի մաքառումին մէջ կը սկսինք ատել զանոնք որ ստացուածքի տէր են, եւ



կ'ուրանանք ստացուածքի իրաւոնքը, երբ այդ իրաւոնքը ուրիշի մը ձեռքին մէջն է եւ ոչ թէ մեր: Բայց ուրիշներու ունեցածին վրայ մարդուն ըրած յամաց յարձակումը նոր ապացոյց մըն է նոյն ինքն ստացուածքին մեր ընծայած տարապայման կարեւորութեան: Իրեր եւ մարդիկ կը չափուին իրենց արժէքով եւ անոնցմէ գոյացած շահով: Ինչ որ ոչինչ կը շահի ոչինչ կ'արժէ: Ուղղամիտ աղքատութիւնը ամօթ ըլլալու վտանգին կ'ենթարկուի, եւ նոյն իսկ աղտոտ դրամը արժանիքի տեղ անցնելու համար մեծ դժուարութիւն չի կրեր:

«Ուստի,» առարկէ մէկը թերեւս, «արդի յառաջդիմութիւնը կը դատապարտես ամբողջովին, եւ մեզ կ'ուզես ետ տանիլ հին բարի ժամանակներուն, եւ թերեւս՝ ճգնաւորութեան:» — Այենեւին: Իւղորիաներու ամէնէն վտանգաւորը եւ ապարդիւնն է անցեալը յարուցանելու բաղձալ. եւ ուղիղ կերպով ապրելու արուեստը կեանքէն քաջուելուն մէջ չի կայանար: Բայց մեր բաղձանքն է երեւան բերել, անոր համար դարման մը գտնելու նպատակով, մին այն սխալներէն որոնք ամէնէն ծանր կը կշռեն ընկերային յառաջդիմութեան վրայ, եւ այդ սխալը սա է թէ մարդ աւելի երջանիկ եւ բարի կ'ըլլայ իր արտաքին միջոցները աւելցնելով: Ոչինչ այս առածէն աւելի սխալ է: Ընդհակառակը: Երջանիկ ըլլալու ընդունակութեան նուազումը, եւ իրենց հակագիւռ չունեցող նիւթական յաջողութեանց պատճառով նկարագրի վատթարացումը, իրողութիւններ են զորս

առձեռն գտնուած հազարաւոր օրինակներ կարող են հաստատել: Քաղաքակրթութեան արժէքը անոր կեղրոնը գտնուող մարդուն արժէքովը կը չափուի: Երբ այդ մարդը բարոյական ուղղութիւն չունի, ամէն յառաջդիմութիւն ուրիշ բանի չի ծառայեր բայց միայն չարիքը աւելի վնասաբեր ընելու եւ ընկերային հարցերը աւելի կնճուտելու:

* * *

Այս սկզբունքը կրնայ հաստատուիլ նիւթական յաջողութեան սահմաններէն դուրս ուրիշ սահմաններու մէջ ալ: Յիշենք ասոնցմէ կրթութիւնը միայն: Կը յիշենք այն ժամանակները երբ իբր գուշակ նկատուող անձեր կը յայտարարէին թէ ամայի երկիր մը դրախտի վերածելու համար կը բաւէր տղիտութիւնը եւ թշուառութիւնը վերցնել: Ուրիշ գուշակներ ալ այսօր նոյն կանխասացութիւնը կ'ընեն: Տեսանք թէ թշուառութեան բարձումը մարդը ոչ աւելի բարի եւ ոչ ալ աւելի երջանիկ ըրած է: Ուսուցման համար նովիրուած գնահատելի ջանքերէն յառաջ եկած է արդեօք այս արդիւնքը: Ճիշտ հիմա այդպէս չերեւիր, — եւ ասիկա մտահոգութիւն, պիտի ըսէի՝ յուսահատութիւն պատճառած է այն անձերուն, որոնք ինքզինքնին մեր ազգային դաստիարակութեան գործին նովիրած են: Ուստի պէտք է որ անամնացնենք մարդիկը, վերցնենք ընդհանուր դաստիարակութիւնը, — փակենք գպրոցները: Բնաւ: Բայց դաստիարակութիւնը, մեր քաղաքակրթութեան գիտե-

րուն նման, գործիք մըն է վերջապէս։ Ամէն բան կախում ունի զայն գործածող գործատրէն։

* * *

Եթէ մարդ քննէ այն պատճաները որոնք մեր ընկերային կեանքը կը խոռվեն եւ անոր բարդ հանգամանք մը կուտան, այդ պատճաներուն ինչ անուն ալ տրուի, բոլորն ալ ետ կ'երթան մէկ ընդհանուր պատճառի մը, որ է՝ երւուրահանը ետիւն հետ շնորհ։ Նիւթական բարեկեցութիւնը, դաստիարակութիւնը, բովանդակ քաղաքակրթութիւնը պատկերին շրջանակը կը կազմեն. բայց շրջանակը պատկերը չէ, ինչպէս որ սքեմը կրօնաւորը չէ եւ համազգեստը՝ զինուորականը։ Պատկերը հոս մարդը ինքն է իր բոլոր ունեցածովը, — իր ստացուածքը, խիղճը, նկարագիրը եւ կամքը։ Եւ շրջանակը զարդարելու, գեղեցկացնելու իրենց ջանքին մէջ, մոռցած, զանց ըրած եւ եղծած են բուն պատկերը։ Այսպէս ծանրաբեռնուած ենք արտաքինով եւ հոգեկան կեանքով աղքատացած։ Ճոխաբար կը վայելենք անանկ բաներ առանց որոնց կրնայինք ապրիլ՝ եթէ հարկ ըլլար, եւ անհունապէս աղքատ ենք միակ անհրաժեշտ եղած բանով։ Եւ երբ մեր էութեան լաւագոյն մասը կ'արթնայ սիրելու եւ իր ճակատագիրն իրագործելու յոյսին պէտքով, ողջ ողջ թաղուած մարդու մը տառապանքը կը զգայ։ Կը կքի, շնչահեղձ կ'ըլլայ երկրորդական բաներու բեռին տակ, որոնք իր վրայ կը ճնշեն եւ զինքը օդէն ու լոյսէն կը զրկեն։

Պէտք է իրական կեանքը փնտուենք, եւ իր դիրքին ու պատիկին մէջ վերահաստատենք զայն։ Ամէն բանի իր պատշաճ դիրքն ընծայենք, եւ յիշենք թէ մարդկային յառաջդիմութեան կեղրոնը բարոյական աճումին մէջ է։ Ո՞րն է լաւ լամբարը. ամէնէն զարդարունը, ամէնէն գեղաքանդակը կամ ամէնէն թանկագին մետաղին շինուածը չէ։ Լաւ լամբարը լաւ լոյս տուողն է։ Այսպէս ալ մենք մարդ եւ քաղաքացի ենք ոչ թէ մեր ունեցած ստացուածքով կամ հաճոյքներով, ոչ թէ մեր իմացական եւ գեղարուեստական կրթութեամբ, ոչ իսկ մեր վայելած պատիւվ եւ անկախ դիրքով, բայց մեր բարոյական հիւսկէններուն տոկունութեամբ։ Եւ ասիկա ոչ թէ այսօրուան այլ ամէն դարու եւ ժամանակի ճշմարտութիւնն է։

Ոչ մէկ դարու մէջ արտաքին վիճակներ, զորս գիտութիւն եւ ճարտարութիւն ապահովեր են, ազատ կացուցած են մարդը իր ներքին կեանքին համար ունենալիք հոգին։ Աշխարհ մեր շուրջը փոխուելու վրայ է, գոյութեան իմացական եւ նիվթական ազդակները կ'եղանակաւորուին։ Ոչ ոք կրնայ արգիլել այս ընկերային, տնտեսական, ամենօրեայ փոփոխութիւնները, որոնց բիրտ նկարագիրները յաճախ վտանգաւոր են։ Բայց էական կէտը սա է թէ մարդ, այս յարափոփոխ պարագաներուն մէջ, պէտք է մարդ մնայ, պէտք է իր կեանքը ապրի եւ պէտք է դիմէ իր բարոյական կոչումին։ Արդ, այս նպատակակէտին համնելու համար ճամբորդը ինչ ուղիներէ ալ անցնելու ըլլայ, պէտք չէ մոլորի իր ճամբէն ու պէտք չէ անօգուտ բեռներով ծանրաբեռնէ

ինքզինքը : Թող աչալրջութեամբ հսկէ իր ուղղութեան , իր ոյժերուն եւ իր պատիկին վրայ եւ լաւագոյն կերպով նուիրէ ինքզինքը էականին , որով իր բեռը թեթեցուցած կ'ըլլայ , հոգ չէ թէ այսպէս ընելու համար հարկ ըլլայ նոյն իսկ կարգ մը գոհողութիւններ ընել :

ԳԼՈՒԽ Բ

Պ Ա Ր Զ Ո Ւ Թ Ե Ա Ն Ո Գ Ի Ն

Ցոյց տալէ առաջ թէ գործնականի մէջ ինչ կը նշանակէ պարզութեան վերադառնալ , որուն կ'ըրջանք , անհրաժեշտ է սահմանել թէ ինչ է պարզութիւնը իր բուն էութեան եւ ոգույն մէջ : Քանզի ասոր նկատմամբ ալ մարդիկ նոյն սխալմունքը կը գործեն , ինչ որ արդէն դատապարտեցինք , այսինքն՝ երկրորդականը էականին եւ նիւթը ձեւին հետ շփոթել : Մարդիկ կը փորձուին հաւատալ թէ պարզութիւնը կը ներկայացնէ կարգ մը արտաքին յատկանիշեր , որոնցմով կրնայ ճանչցուիլ , եւ որոնցմէ կախում ունի : Պարզութիւն եւ խոնարհ դիրք , համեստունակ զգեստ մը , պարզուկ տուն մը , միջակութիւն եւ աղքատութիւն , կը կարծովի թէ միատեղ կ'ընթանան : Եւ սակայն իրողութիւնը այս չէ : Քիչ մը առաջ ճամբուս վրայ երեք մարդոց հանդիպեցայ , որոնց մին

կառք նստած էր , միաը հետի կ'ընթանար , եւ երրորդը բոկոտն էր : Այս վերջինը երեքին ամէնէն պարզը չէր անհրաժեշտապէս : Կրնայ ըլլալ որ կառքին մէջ բազմող անձնաւորութիւնը , հակառակ իր բարձր դիրքին՝ պարզ էր , եւ իր հարստութեան գերին չէր : Կրնայ ըլլալ որ հետի գացող մարդը չի նախանձիր կառքին մէջ բազմողին եւ չարհամարհեր փոշիին մէջէն բոկոտն ընթացող իսեղճը , եւ կարելի է որ երրորդ մարդը ատելութիւն մը ունի պարզութեան , աշխատութեան եւ չափաւորութեան դէմ , եւ կ'երազէ միայն հեշտ , հաճելի եւ անգործ կեանք մը : Մարդոց ամէնէն քիչ պարզութիւն ունեցողներու դասակարգին մէջ պէտք է դասենք արհեստով մուրացիկները , ճամբաններու այդ պահապանները , մակարոյծները , եւ սկնակալէզներու , շողոմարարներու եւ նախանձուներու այն ցեղը , որոնց տենչանքին առանցքն է միայն յափշտակել մեծագոյն պատառը այն որսին զոր երկրի բախտաւորները կը սպառեն : Եւ նոյն դասակարգին կը պատկանին , հոգ չէ թէ ինչ դիրք ունին կեանքի մէջ , փառամոլները , խորամանկները , կնամարդիկները , կծծինները եւ բարձրամիտները : Արտաքին փայլը կուտ մը չարժեր . պէտք է միրտը տեսնել : Ոչ մէկ դասակարգ կրնայ պարզութիւնը իր մենաշնորհն ընել . ոչ մէկ տարազ , որքան ալ խոնարհ ըլլայ երեւոյթով , պարզութեան ապահով նշանը կրնանք համարիլ : Պարզութեան բնավայրը անհրաժեշտապէս ձեղնայարկը կամ ճգնաւորին որջը չէ , ոչ ալ խրճիթը , եւ ոչ իսկ ամէնէն աղքատ ձկնորսին հիւղակը : Կեանքի

ամէն ձեւերու տակ, ընկերային ամէն խաւերու մէջ, սանդուկին ամէնէն վարի աստիճանէն ամէնէն բարձրին վրայ, մարդիկ կան որոնք պարզ են եւ ուրիշներ՝ որոնք պարզ չեն: Ասով ըսել չենք ուզեր թէ պարզութինը արտաքին նշան, սովորութիւններ, յատկանշական ճաշակներ եւ որոշ ընթացք չոնի, բայց պէտք չէ շփոթենք այս ձեւերը, որոնք ի հարկին կրնան փոխ առնուիլ: Պարզութիւնը բոլորովին ներքին աղբիւրէ մը ծագում կ'առնէ:

Պարշ-Ռէ-Նը Հայութ Հէ Վահան է: Անոր արմատն է այն գլխաւոր նպատակը որ մեզ գործունէութեան կը դրդէ: Մարդ հը պարու եւ երբ եւ բարձրագոյն բարձրանու եւ ըլլաւ ինչու եւ հայութ եւ ըլլաւ: Այս նույն ըլլաւ արդարագոյն և արդարագոյն է: Ասիկա ոչ մեր երեւակայածին չափ պարզ ոչ ալ այնչափ անկարելի է: Թող ծաղիկը ծաղիկ ըլլայ, ծիծեռնակը՝ ծիծեռնակ, ժայռը՝ ժայռ, եւ մարդը՝ մարդ, եւ ոչ թէ աղորէս կամ նապաստակ, կամ գիշատիչ թրոցուն մը կամ խոզ մը: Ամէն բան ասոր մէջ կը բովանդակուի: Ուստի հոս պէտք է բանաձեւենք մարդուն գործնական իտէլը: Ամէն տեսակ կեանքի մէջ կը տեսնենք մամնաւոր քանակութեամբ ոյժեր, եւ նիւթեր որոնք միացած են մէկ նպատակի համար: Աւելի կամ նուազ հում նիւթեր հոն կը ձեւափոխուին եւ գործարանաւորութեան մը բարձրագոյն աստիճանին կը վերածուին: Մարդուն կեանքը այս օրէնքէն շեղում մը չէ: Մարդ-հայն էրեւաւ պէտք ըլլայ բարձրագոյն ոչ՝ հետու բարձրագոյն և ըստագոյն բանէ ոչ յէ-ահուելու: Մարդուն կեանքը կրնայ

բաղդատուիլ հում նիւթի: Այդ նիւթը ինքնին ի՞նչ է, մեծ կարեւորութիւն չունի. էականը այն է թէ անկէ ի՞նչ կարելի է շինել: Արուեստի գործի մը մէջ, ինչ որ մարդիկ կը գնահատեն, արուեստագէտին գործածած նիւթը չէ, այլ անոր արտադրած արդինքը: Այսպէս է նաեւ մարդուն կեանքը:

Մեզի հետ այլ եւ այլ ընդունակութիւններ եւ տաղանդներ աշխարհ կը բերենք: Մէկուն բերածը ուսկի է, միւսինը՝ կրանիդ, երրորդի մը՝ մարմարիոն, մեծագոյն մասինը միայն փայտ կամ կաւ է: Մեր գործն է այս նիւթերը ձեւակերպել: Ամէն մարդ գիտէ թէ կրնայ ամէնէն թանկագին նիւթը աւրել, բայց գիտէ նաեւ թէ կրնայ անարժէք նիւթէ մը անմահ հրաշակերտ մը արտադրել: Արուեստը կը կայանայ տեսական գաղափար մը ժամանակաւոր ձեւի մը վերածելուն մէջ: Իրական կեանքը կը կայանայ բարձրագոյն առաքինութիւնները — սէր, արդարութիւն, ճշմարտութիւն ու բարոյական կորով, — մեր առօրեայ գործերովը իրականացնելուն մէջ, ինչ որ ալ ըլլան այս գործերուն դիրքը կամ արտաքին ձեւը: Եւ այս տեսակ կեանք մը կարելի է ընկերային ամէնէն զանազանակ վիճակներուն մէջ, եւ ամէնէն անհաւասար բնական տաղանդներով: Հարստութիւնը կամ անձնական առաւելութիւնները չեն որ կեանքին արժէքը կ'որոշեն, այլ՝ զանոնք արդինքի մը վերածելը: Ոչ անունը եւ ոչ ալ տարիներու երկարութիւնը ինքնին բան մը կ'արժէ: Կարեւորագոյնը որակն է:

* * *

Պէտք է ըսել թէ առանց ո եւ է մաքառումի եւ ջանքի չէ որ մարդ կրնայ համնիլ այս հայեցակէտին։ Պարզութեան ոգին ժառանգական տաղանդ մը չէ, այլ տաժանքով ձեռք ձգուած յաղթանակ մը։ Ամէն մարդ գիտէ թէ գիտութիւնը կը կայանայ հոյլ մը այլազան իրերէ ընդհանուր օրէնքներ հետեւցնելուն մէջ։ Բայց որքան մթին սենեակներ, վերջին հպումներ եւ մասնաւր ուսումնասիրութիւններ են որ վերջապէս այդ օրէնքները ի յայտ կը բերեն։ Յաճախ ամբողջ դարերու հետազօտութիւնները խտացած են մէկ սկզբունքի մէջ որ մէկ տող միայն կը գրաւէ։ Բարոյական կեանքը այս կէտին մէջ նմանութեան աշքառու եզր մը կը հանդիսանայ գիտական կեանքին։ Ա՛ն ալ տարտամութեամբ կը սկսի, կը ջանայ, կը բաղձայ ինքինքը ճանչնալ եւ յաճախ կը խարուի։ Բայց շարունակական գործոննէութեամբ, եւ իր բոլոր արարքները վերջին ծայր անկեղծութեամբ քննութեան եւ հաշիվ բովէ մը անցընելէ վերջ միայն մարդ վերջապէս կը յաջողի իր կեանքը լաւագոյնս հասկընալ։ Այն ատեն է միայն որ օրէնքը կը յայտնուի իրեն եւ այդ օրէնքն այս է, — Կառաջ է լուսաւութե։ Ով որ ինքնքինքը այս նպատակը իրականացնելէ զատ ուրիշ բանի կը նուիրէ, կը կորսնցնէ նոյն իսկ այն պատճառը որուն համար կեանք ունի։ Այսպէս կը կազմուին եսամոլները, հաճոյասէրները եւ փառամոլները։ Անոնք կը սպառեն իրենց գոյութիւնը, ինչպէս երկրագործ մը որ կրնայ ցորենը ուտել դեռ մատղաշ խոտ մը եղած ատեն։ Անոնք արգելք կը հանդիսանան կեանքին բնական արդիւնա-

բերութեան։ Անոնց մոլութիւնները կորսուած կեանքեր են։ Ընդհակառակը այն անձը որ իր կեանքը կը ծառայեցնէ իրմէ բարձր բարիքի մը համար, կը փրկէ զայն՝ կորսնցուցած ատեն իսկ։ Բարոյական կանոնները, որոնք կամայական կը թուին ըլլալ ծանծաղամիտներուն աչքին, եւ իբր թէ հնարուած ըլլան մեզի տաղտուկ պատճառելու եւ կեանքին հաճոյքները պղտորելու համար, մէկ նպատակ միայն ունին, եւ այդ է պաշտպանել զմեզ՝ պարապ տեղը ապրելու վտանգէն։ Այդ պատճառաւ է որ անոնք միշտ կ'առաջնորդէն մեզ նոյն ուղղութեան, եւ մէկ իմաստ միայն ունին։ «Կեանքդ մի վատներ. արդիւնաւորէ, պտղաբեր ըրէ զայն։ Սորվէ այնպէս ապրիլ որ չըլլայ թէ զայն կորսնցնես։»

Ասոր մէջ ամփոփուած է մարդկութեան փորձառութիւնը։ Այս փորձառութիւնը, զոր ամէն մարդ ստիպուած է ունենալ իր անձին համար, այն համեմատութեամբ թանկագին կ'ըլլայ մարդուն որքան սուղի որ կը նստի իրեն։ Այդ փորձառութեան լոյսէն լուսաւուած՝ իր բարոյական յառաջդիմութիւնը աւելի ապահով կ'ըլլայ։ Անիկա հիմա իր կողմնացոյցը ունի որ ցոյց կուտայ թէ ինչ կերպով կը նայ ուղել բոլոր անստոյգ երեւցած բաները, եւ ինչ որ կնճուտ ու բարդ է, պարզ եւ յստակ կ'ըլլայ։ Մշտագոյ ազդեցութեամբը նոյն օրէնքին, որ իր ներմն ալ կը տիրէ, եւ առօրեայ արարքներով փորձի կ'ենթարկուի, իր դատողութեան եւ ունակութեանց մէջ այլափոխութիւն մը յառաջ կուգայ։ Այն անձը, որ իրական կեանքին գեղեցկութենէն եւ վսե-

մուլթենէն կը հմայուի, եւ կը դիւժուի այն բաներէն, որոնք մարդկութեան՝ ճշմարտութեան, արդարութեան եւ բարութեան համար ունեցած մաքառումին մէջ կ'երեւին, այդ անձը իր սրտին մէջ բարոյական այդ օրէնքին համար հիացում մը, զմայլանք մը կը զգայ: Եւ ամէն բան բոլորովին բնական կերպով կը հպատակի այդ ամենազօր եւ տեւական օրէնքին: Էականն է որ կը հրամայէ, եւ երկրորդականը կը հնազանդի, եւ այդ պարզութենէն կարգ ու կանոնն է որ երեւան կու գայ: Մարդուն ներքին կեանքին կազմակերպութիւնը կարելի էր բաղդատել բանակի մը կազմակերպութեան: Բանակ մը իր կարգապահութեամբն է որ զօրաւոր կ'ըլլայ. եւ կարգապահութիւնը կը կայանայ ստորադասին՝ իր պետին հրամանները յարգելուն՝ եւ ամէն ոյժ մէկ նպատակի համար կեղրոնացնել ջանալու մէջ: Երբ կարգապահութիւնը կը թուշնայ, բանակը կը տուժէ: Տասնապետը զօրապետին հրամայելու չէ: Ուշի ուշով քննէ քու եւ ուրիշներուն կեանքը: Ամէն անգամ որ խանգարում մը, անկարգութիւն մը յառաջ կու գայ, զիտցիր թէ տասնապետը զօրապետին հրամայած է: Երբ սրտին մէջ պարզութիւնը մուտ կը գտնէ, անկարգութիւնը հոն այլ եւս տեղ չունի:

Ես յուսահատած եմ պարզութիւնը նկարագրելէ իրեն արժանի եղանակով մը: Աշխարհի բոլոր ոյժն ու գեղեցկութիւնը, անոր բոլոր իրական բերկութիւնը, ամէն ինչ որ մթին ուղիներու վրայ զուարթարար լոյս մը կը սփուէ, եւ մեր ողորմելի կեանքերուն մէջ վսեմ նպա-

տակ մը եւ անճառելի ապագայ մը մատնանիշ կ'ընէ, ասոնք ամբէնը մեզի կու գան պարզ էակներէ, որոնք եսականութեան եւ ունայնամտութեան վաղանցիկ գոհացումէն տարբեր բաղձանկներ ունին, եւ որոնք սորված են թէ՝ կեանքին գիտութիւնը՝ կեանքը իր կոչումին համեմատ գործածել գիտնալուն մէջ կը կայանայ:

ԳԼՈՒԽ Գ

Պ Ա Ր Զ Խ Օ Ս Ք Ը

Լեզուն այն մեծ գործիքն է որ միտքը կը յայտնէ, առաջին տեսանելի ձեւը գոր միտքին կու տայ: Ինչպէս է խորհուրդը, անանկ ալ է լեզուն: Պարզութեան մասին մեր կեանքը բարեկարգելու համար, պէտք է ուշադիր ըլլանք խօսքին ու գրիչին: Թող խօսքն ալ խորհուրդին պէս պարզ ըլլայ. ունչ-նեամք նունե, անկեղծ-նեամք նունե:

Ընկերային յարաբերութեանց հիմը փոխադարձ վըստահութիւնն է, եւ այս վստահութիւնը անկեղծութեամբ կը սնանի: Անկեղծութիւնը նուազածին պէս, վստահութիւնը կը փոխուի, յարաբերութիւնները կը ցրտանան, եւ անվստահութիւն կը ծնի: Ասիկա իրողութիւն մըն է թէ նիւթական թէ բարոյական շահերու ասպարէզին մէջ: Շատ դժուար է վաճառականութիւն

կամ առեւտուր ընել այն մարդոց հետ, որոնց վրայ շարունակ կը կասկածինք. նոյնքան դժուարին է այս տեսակ անձերու հետ գիտական ճշմարտութիւն մը հետագօտել, կրօնական հասկացողութեան մը հետապնդել, կամ արդարութիւն իրագործել: Երբ երկուստեք ստիպուած են հակաշոռել բառերն ու դիտումները, եւ գործել ըստ այն սկզբունքին թէ ինչ որ գրուած կամ ըսուած է քու պատրանքներուդ պիտի ծառայէ փոխանակ ճշշմարտութեան, այս պարագային մէջ կեանքը տարօրինապէս բարդ հանգամանք մը կը ստանայ:

Ամէնուս համար ասանկ է: Մարդիկ կան, «դիւանագէտներ», որ խաղեր կը խաղան, զիրար խաբել կը նկրտին. այս պատճառաւ է որ այնքան հոգ կը տանին ալէնէն պարզ բաներուն վերահասու ըլլալու, պարզ բաներ՝ որոնք սակայն մեծ կարեւորութիւն ունին իրենց համար: Շեշտենք այս կէտը եւ օրինակներով բացատրենք:

Ուրիշ դարերու մէջ մարդիկ իրարու հետ հաղորդակցելու համար անբաւական միջոցներ միայն ունէին: Բնական էր մտածել թէ տեղեկութեանց միջոցները բազմապատկելով եւ կատարագործելով աւելի լոյս պիտի սփռէին: Զիրար լաւագոյնս ճանչնալով սորվեցան զիրար սիրել: Միեւնոյն երկրին քաղաքացիները աւելի սերտ կապով զօդուեցան, եւ իրենց սովորական կեանքին վերաբերեալ գործերուն մէջ աւելի ալէկ լուսաւուած էին: Երբ տպագրուած գործերը ստեղծուեցան, գոչեցին «Եղիցի լոյս», եւ աւելի մեծ պատճառ ունեցան այսպէս գոչելու՝ երբ ընթերցանութեան սովորու-

թիւնը եւ թերթերու ճաշակը ծաւալեցան: Բայց իրենց տրամարանութիւնը հիմնեցին գործիքներուն վրայ եւ հաշիվ չառին մարդկային տարրը, որ ամենուրեք կարեւորագոյն ազդակն է: Եւ եղաւ որ բոլոր իմաստակները, խորամանկները, բոլոր անոնք որոնք հետև է մարդէ աւելի լաւ գիտեն բառերու հետ խաղալու արուեստը, չարաշահութեան գործածեցին խորհուրդը տարածելու եւ բազմապատկելու բոլոր միջոցները: Մեր բոլոր ժամանակակիցները իրենց անձնական գործերուն վրայ ճշշմարտութիւնը գիտնալու համար ամէն դժուարութիւն ունեցան: Եւրոպեան ու ամերիկեան քանի մը թերթերու դէմ, որոնք միջազգային խաղաղութիւնը կը մշակեն իրենց դրացիներուն անաշառութեամբ բան սորվեցնելով, քանի թերթեր կան, որոնք փոխադարձ անվտահութիւն կը սերմաննեն եւրոպեան ու ամերիկեան երկիրներուն մէջ: Հանրային կարծիքին մէջ որքան արուեստակեալ հոսանքներ կը ստեղծուին, իրողութիւններու թիւր մեկնութիւններ տալով: Մեր ֆրանսական ներքին գործերուն մասին ալ օտար երկիրներու մասին մեր ունեցած տեղեկութիւններէն աւելի ճշգրիտ տեղեկութիւններ չունինք: Նմանապէս դժուար է անշահինդիքի տեղեկութիւն ստանալ վաճառականական, ճարտարարուեստի կամ երկրագործական հարցերու, նաեւ ընկերային ձգտումներուն եւ հանրային մարդոց նկատմամբ: Մեր մէջ մարդ որքան շատ թերթ կարդայ, գործերը այնքան աւելի ազօտ կը տեսնէ կարծես: Օրեր կան երբ թերթերը կարդալէ վերջ, եւ ընդունելով թէ

մարդ կը հաւատայ անսոնց, Ընթերքողը պիտի ստիպուի սա եզրակացութեան յանգիլ. «Իրաւ որ Եւրոպայի եւ Ամերիկայի ամէն կողմ միմիայն դիմակաւոր մարդիկ կան»: Քրոնիկագիրներէն զատ, ուղղութեամբ եւ ան-կեղծութեամբ գրող մարդ չկայ: Բայց քրոնիկագիրներն ալ զիրար կ'ուտեն: Ընթերքողը իր աչքերուն առջեւ պիտի ունենայ տեսարան մը որ շատ պիտի նմանի «Վիշապներու կոփր» կոչուած ծաղրանկարին ներկա-յացուցած տեսարանին: Երկու վիշապները իրենց շուրջը գտնուած ամէն բան կլլելէ վերջ իրաւու վրայ կը յար-ձակին, եւ կը սկսին զիրար կլլել, այնպէս որ ռազ-մաղաշտին վրայ ի վերջոյ երկու պոչեր միայն կը մնան:

Եւ սովորական մարդը չէ միայն որ այս կացութեան մէջ շուարած կը մնայ. ուսեալներն ալ եւ գրեթէ ամէն մարդ նոյն դիրքին մէջ են: Ելեմուտքի, առեւտուրի, մինչեւ իսկ գիտութեան, արուեստներու, գրականութեան եւ կրօնքի մէջ ամէն տեղ կեղծիքներ ու մեքենայութիւններ կան: Ֆրանսայի մէջ իսկ առածի կարգ անցուցեր ենք թէ արտածման համար տարրեր տեսակ ճշմարտութիւն կայ եւ ուրիշ տեսակ ճշմարտութիւն մը ներածման համար: Արդիւնքը այն կ'ըլլայ որ ամէն ոք կը խաբուի, եւ անոնք որ ուրիշը կը խաբէն ճարտարութեամբ, իրենց կարգին կը խաբուին, երբ ուրիշի մը անկեղծութեան վստահելու պէտք ունին:

Այս տեսակ ընթացքի մը հետեւանքով մարդկային լեզուն կը վատթարանայ, կ'իյնայ: Կը վատթարանայ նաև անոնց աշքին առջեւ, որոնք զայն կը գործածեն իբր

անսարգ գործիք մը : Խօսքը յարգ կամ պատիւ չունի վի-
ճաբանողներուն , խծրողներուն եւ իմաստակներուն եւ
ամէն անոնց առջեւ , որոնք ուղիղին կողմն ըլլալու երեւոյ-
թով բարկութեան կը գրգուին , կամ անոնց համար , որոնք
այնպէս կը ձեւացնեն թէ իրենց շահերը միայն ուղիղ եւ
յարգելի են : Իրենց պատիմն է՝ ուրիշներն ալ դատել
ստիպուիլ ճիշդ նոյն օրէնքով որուն իրենք կը հետեւին .
այսինքն՝ բայց նույն շահութեր է , և ուրիշ նույն ուղիղ է :

Եւ անոնք որ միտքի այս տրամադրութիւնը ու-
նին, այլ եւս ո եւ է մարդու չեն կրնար վստահիլ: Միտքի
ինչ տխուր վիճակ մըն է այս՝ սոյն դասակարգին պատ-
կանող գրողներուն, խօսողներուն եւ ուսուցանողներուն
համար: Արդեօք որքան կ'անարգեն ու կ'ատեն իրենց
ունկնդիրներն ու ընթերցողները՝ միտքի այս տրամադր-
ութեամբ անոնց ներկայացած ատեննին: Այս անձին
համար որ ուղղամտութեան կռուան մը ունի իր սրտին
մէջ, ոչինչ այնքան ընդվկեցուցիչ է քան գրչի եւ լեզ-
ուի այս ճամարտակներէն արձակուած հեգնանք մը:
Մէկ կողմէ կայ անկեղծութիւն, համակերպութիւն, միտ-
քերը լուսաւորելու ըղձանք, միւս կողմէ՝ անբարոյու-
թիւն եւ խարէութիւն որ հանրութիւնը կը հեգնեն: Բայց
խարեբան չի գիտեր թէ ողքան կը խարէ ինքզինքը:
Այս դրամագլուխը, որով կ'ապրի, վստահութիւնն է եւ
ոչինչ կը հաւասարի հանրութեան վստահութեան: Հան-
րութիւնը քիչ մը ատեն մտիկ կ'ընէ եւ կը հետեւի պար-
զութիւնը շահագործող այս շահատակներուն. բայց ատկէ
վերջ այդ հլու, զգօն, անսացող, հետեւող տրամադ-

րութինը պժգանքի կը փոխուի. այն դուռները որ լայ-նարձակ կը բացուէին այդ մարդոց առջեւ, հիմա խուզ, անողոք, անկարեկիր դէմքեր կը դառնան, եւ հիմակ ալ խցուած են այն ականջները, որոնք ժամանակ մը բաց էին։ Աւաղ, ոչ թէ միայն շարիքին առջեւ կը փակուին ասոնք, այլ նաև ուղիղին եւ ճշմարիտին առջեւն ալ գոց դոներ կը համդիսանան։ Եւ լեզուն ծոռող, վատթարացնող մարդոց ոճիրը ասոր մէջ կը կայանայ։ Անոնք ընդհանուր վստահութինը կը խախտեն։ Դրամին շարաչար գործածումը, վատթարացումը մեծ աղէտ մը կը սեպենք, քանզի ատով արժեթուղթերը կ'ինան, մարդոց վարկը կը կոտրի եւ պարկեշտ մարդիկ կը կործանին։ բայց վստահութեան կորուստը մեծագոյն աղէտ մըն է, քանզի ատիկա կը նշանակէ կորուստը բարոյական վարկին, զոր ուղղամիտ մարդիկ իրարու կը շնորհեն, եւ որ խօսքն ընթացիկ դրամի նման շրջաբերութեան կը հանէ։

Կը հասկցուի թէ որքան անհրաժեշտ է որ ամէն մարդ զգաստ ըլլայ իր լեզուին, զսպէ իր գրիչը եւ պարզութեան բաղձայ։ Թող վերնան խեղաթիւրումները, խօսիլ հարկ եղած տեղը լրելը, եւ խուսափողական խօսքերը։ Ասոնք կը շփոթեն մարդը։ Մարդ ըլլանք, մէկ խօսք ունենանք։ Մէկ ժամուան պարզութինը աւելի կը նպաստէ աշխարհի բարօրութեան, քան տարիներու խարեպատիր ընթացք մը։

* * *

Խօսք մըն ալ զարդարուն եւ նկարագեղ ոճի եւ լեզուի վրայ։ Անշուշտ պէտք չէ այպանենք զանոնք որ հաճոյք կը զգան ընտիր, պճնեալ խօսքերէ, եւ փափկագեղ գրականութենէ մը։ Ես այն կարծիքէն եմ թէ չենք կրնար երբեք մեր ըսելիքը պէտք եղածէն աւելի գեղեցիկ եւ լաւ կերպով ըսել։ Բայց ասկէ չի հետեւիր թէ ամէն լաւ կերպով ըսուած եւ խօսուած բաները ամէն անգամ աշխատութեան ու պատրաստութեան եւ արուեստի արդինք են։ Բառերը պէտք է իրողութեանց ծառայեն, եւ ոչ թէ անոնց տեղը բոնեն, եւ զարդարանքն ու արուեստը իմաստը կորսնցնելու կամ սքօղելու չեն։ Այենամեծ խօսքերը անոնք են որ ամենամեծ օգուտը յառաջ կը բերեն պարզութեամբ ըսուած ըլլալնուն համար, որովհետեւ իրենց իսկութեամբ կ'երեւին անոնք։ Անոնց վրայ գեղեցիկ բառերու թափանցիկ քօնն իսկ չեն ձգեր, ոչ ալ այն ստուերը՝ այնքան մահարեր ճշմարտութեան՝ որ հեղինակին կամ ճարտասանին ունայնամտութինը կը կոչուի։ Ոչինչ աւելի զօրեղ եւ համոզկեր է քան պարզութինը։ Մրբանուէր յոյզեր, մեծ նուիրումներ, յուզումնալից խանդավառութիններ կան զորս մէկ ակնարկ, մէկ շարժուձեւ, կամ մէկ աղաղակ աւելի պարզ եւ յստակ կերպով կ'արտայայտէ քան ամէնէն գեղեցիկ ոճերը եւ ասացուածքները։ Մարդկային սրտին ամէնէն թանկագին ստացուածքը ամէնէն պարզ եղանակովը կը ցուցնէ ինքզինքը։ Համոզելու համար մարդ անկեղծ ըլլալու է, եւ կարգ մը ճշմարտութիններ կան որոնք ամէնէն լաւ կերպով կը հասկցուին երբ

պարզ կամ նոյն իսկ դողըոջ շուրթներէ կ'ելլեն։ Այս օրէնքները ամէն մարդու համար ճշմարիտ են առօրեայ կեանքին մէջ։ Ոչ ոք կը շահայ երեւակայել թէ մարդ ինչ օգուտ կը շահի իր բարոյական կեանքին համար երբ այս սկզբունքին կը հետեւի անդադար, — այսինքն ըլլալ անկեղծ, լուրջ, պարզ՝ իր զգացմանց եւ համոզումներոն արտայայտութեանց մէջ, առանձին ըլլայ թէ ուրիշներու հետ, երբեք չափէն չանցնիլ, մեր սրտին մէջ եղածը հաւատարմօրէն թարգմանել, եւ ամէն բանէ աւելի՝ յիշել։ Այս է գլխաւոր բանը։

Որովհետեւ գեղեցիկ խօսքերը վտանգ մը ունին. անոնք այն նշանաւոր սպասարկներն ու հետեւորդներն են, որոնք իրենց տիտղոսներն ու պաշտօնները կը պահեն, բայց իրենց գործը չեն կատարեր։ «Լաւ խօսեցար, լաւ գրեցիր»ը մարդիկ բաւական կը սեպէն։ Որքան մարդիկ կան, որոնք կը գոհանան խօսելով եւ այնպէս կը հաւատան թէ իրենց խօսիլ՝ գործելու պարտականութենէն ազատ կը կացուցանէ զիրենք։ Եւ անոնք որ այդ խօսողներուն մտիկ ըրած են, մտիկ ընելով կը գոհանան, եւ մարդիկ յաճախ այնպէս կ'ըմբռնեն թէ կեանքը, վերջապէս, կը բաղկանայ քանի մը լաւ ճառեր, քանի մը պատուական գիրքեր եւ կամ կարգ մը թատրերգութիւններ գրելէ։

Գալով իրենց այդքան հեղինակօրէն եւ տիրաբար ըսած բաներուն գործադրութեան, ատոր վրայ հազիւ կը խորհին։ Եւ եթէ հանճարի մարդոց շրջանակէն անցնինք ստորևագոյն խաւերուն, հոն այդ մթին թոհ ու բոհին մէջ, պիտի տեսնենք որ գործի վրայ են անոնք

որ կը կարծեն թէ մենք, բարձր շրջանակներու մարդիկս, ստեղծուած ենք միայն խօսելու եւ մտիկ ընելու համար, անհուն խումբ մը ճոռոմախօսներու եւ բարբանջողներու որ կը ճառախօսեն, կը բացագանչեն, եւ բոլոր ճամարտակութիւններէն վերջ կը կարծեն թէ տակաւին պէտք եղածին չափ խօսած չեն։ Եւ այդ պատուական մարդիկը կը մոռնան թէ ամէնէն քիչ ձայն համողն է ամէնէն շատ գործ տեսնողը համայնքին կրթութեան ու բարելաւութեան համար։ Այն վայրաշարժը որ իր շոգին կը գործածէ սովելու համար միայն, անհիները դարձնելու շոգի չունենար։ Զայնէն, աղմուկէն եղած յապաւումը, հանումը, գործի եւ ազդեցութեան վրայ յաւելում է։

* * *

Այս մտածումները մեզ կը բերեն յարակից նիւթի մը, որ ան ալ արժանի է մեր խորին ուշադրութեան։ Կ'ուզեմ խօսիլ այն նիւթին վրայ որ լեզուի չափազանցութիւն կը կոչուի։ Երբ մարդ ուսանի եւրոպեան կամ ամերիկեան երկրի մը զանազան տարրերը, կը տեսնէ անոնց մէջ խառնուածքի զանազանութիւններ, որոնց հետքերը լեզուին մէջ կ'երեւին։ Հոս մարդիկ աւելի աւշային են եւ հանդարտաբարոյ, եւ կը գործածեն նուազական իմաստ ունեցող, ինչպէս նաեւ երկնցուած բառեր։ Ուրիշ տեղ մարդոց խառնուածքը հաւասարակշիռ է։ Հոն կը լսենք բառեր, որոնք ճշգրտապէս յարմարցուած են իրին։ Աւելի հեռուն, սակայն, արեւին, օդին եւ գինիին ազդեցութեամբ թերեւս աւելի տաք արին մը

կը հոսի երակներուն մէջ, եւ մարդիկ բոլորովին տարբեր լեզու մը կը գործածեն. գերադրականները կը կիտուածեն լեզուն, եւ ամէնէն պարզ բանն ըսելու համար ամէնէն զօրաւոր բառերը կը գործածեն:

Եթէ լեզուն գործածումը կը տարբերի կլիմային համեմատ, կը տարբերի նաեւ զանազան դարերուն համեմատ: Բաղրատեցէք մեր օրերուն խօսուած եւ գորուած լեզուն ֆրանսական պատմութեամ ուրիշ ժամանակամիջոցներու շրջանին հետ, եւ տարբերութիւնը աչքառու պիտի գտնէք: Լեզուն հիմակ աւելի պարզ ձեւ մը ունի. այլեւս կեղծամ չունինք հիմա եւ ժանեկազարդ թեզանիքներ չենք գործածեր. բայց նշան մը կայ որ մեզ կը տարորոշէ գրեթէ մեր բոլոր նախնիքներէն, — մեր ջղայնութիւնը, որ մեր բոլոր չափազանցութեանց ակն է եւ աղբիւրը: Ջղային այս յուգումնալից դրութեան տակ — որ քիչ մը հիանդաբոյր դրութին մըն է, եւ Աստուած գիտէ թէ ջղային ըլլալը դադրած է այլեւս ազնուապետականներու մասնաւոր մէկ առանձնաշնորհումն ըլլալէ — բառերը նոյն ազդեցութիւնը ի գործ չեն դներ ինչպէս բնական առողջ մարդուն վրայ կը գործեն: Եւ խոտորնակ համեմատութեամբ, ջղային մարդուն համար պարզ բառը չի բաւեր իր զգացածը բացատրելու համար: Սովորական եւ հանրային կեանքի մէջ, գրականութեան ինչպէս նաեւ թատրոնի մէջ, լուրջ եւ հանդարտ լեզուն տեղի տուած է չափազանց բուուն եւ արուեստակեալ լեզուի մը: Այս միջոցները, զորս վիպագիրներն ու կատակերգակները գոր-

ծածած են հանրային ուշագրութիւնը բոնի հրաւիրելու, կ'երեւին տարրական վիճակի մէջ, մեր ամէնէն սովորական խօսակցութեանց, նամակագրութեան ոճին եւ ամէնէն աւելի՝ մեր հակածառութեանց մէջ: Լեզուի մեր եղանակները այնպէս կը համեմատին լուրջ եւ ազդեցիկ մարդու մը ոճին, ինչպէս մեր գրուածները մեր հայրերուն գրութեան: Յանցանքը պողպատ գրիչներուն կը վերագրուի: Երանի թէ այնպէս ըլլար: Այս ատեն սագերը կրնային ազատել մեզ: Բայց չարիքը ատէկտ աւելի խորարմատ է, եւ Դր մէջն է: Մեր գրիչները թուղթին վրայ վրդովեալ եւ տենդայոյգ բնաւորութեանց հետքերը կը թողուն, մինչ մեր հայրերուն գրիչները թուղթին վրայէն կը սահէին անյօղդողդ, հանդարտ եւ անվրդով եղանակով մը: Հոս դէմ առ դէմ կը գտնուինք արդինքներուն հետ արդի կեանքին, որ այսքան բարդ է, եւ մեր կորովը կը սպառէ զարհուրելի չափով մը: Մեզ կը ձգէ անհամբեր, հեւքոտ եւ շարունակական դողի եւ եռուզեռքի վիճակի մը մէջ: Մեր գրականութիւնն ալ մեր լեզուին պէս ազդուած է այս վիճակէն եւ մեզ կը մատնէ: Այս արդինքն ուրեմն վերադառնանք պատճառին, եւ այս եղանակով մեզ եղած ազդարարութիւնը հասկնանք: Լեզուի չափազանցութեան այս ունակութենէն ինչ օգուտ կարելի է յուաալ: Մեր տպաւորութեանց անհաւատարիմ թարգմանները եղող այս չափազանցութեանց պատճառաւ, մեր ընկերակիցներուն եւ նոյն իսկ մեր հօգին կը ծանրաբեռննենք, ու կը կրինք: Այս մարդիկը որ շարունակաբար կը չափազանցեն, ալ չեն կըր-

նար զիրար հասկնալ : Անգուսպ, բուռն եւ չափազանցեալ լեզուի մը արդինքը կ'ըլլայ տրամադրութիւնները գրգոել, բուռն եւ ամուկ վէճեր, գահավէժ եւ խիզախ դատումներ, եւ դաստիարակութեան եւ ընկերային յարաբերութեանց մէջ ծանրակշիռ սիսալմունքներ :

* * *

Թոյլ տուէք ինձ, պարզ լեզուի համար ըրած այս կոչիս մէջ, բանաձեւելու բաղձանք մը, որուն իրականացումը ամէնէն բարերար արդինքը, պիտի ոնենար : Կը ջատագովեմ պարզ գրականութիւն մը, ոչ միայն իբր լասագոյն դարման մը մեր վաստակաբեկ հոգիներուն՝ տարօրինակութեանց պատճառաւ քայքայուած եւ շնչասպառ, այլ նաեւ իբր չափ մը, աղբիւր մը ընկերային միութեան : Հրաւէք կ'ուղղեմ նաեւ պարզ արուեստի մը : Մեր արուեստներն ու գրականութիւնը վերապահեալ են հարստութեամբ եւ դաստիարակութեամբ առանձնաշնորհեալներուն : Սակայն, միտքս լաւ կերպով բացատրեմ որպէս զի սիսալ չհասկցուիմ : Չեմ ըսեր որ բանաստեղծները, վիպագիրները եւ արուեստագէտները վար իջնեն իրենց բարձունքէն եւ միջակութեամբ գոհանան : Ընդհակառակը թող աւելի բարձրերը սաւառնին : Ժողովրդականը այն չէ որ ընկերութեան մասնաւոր մէկ դասակարգին հաւանութեան կ'արժանանայ . հապա այն՝ որ հասարակաց է ամէնուն եւ բոլորը կը միացնէ : Ներշնչումի այն աղբիւրները, որոնցմէ պարզ արուեստ մը կրնայ ծնիլ, մարդկային սրտին խորու-

թեանց մէջ կը գտնուին, կեանքի յակիտենական իրականութեանց մէջ, որոնց առջեւ ամէն մարդ հաւասար է : Եւ ժողովրդային լեզուի աղբիւրները պէտք է որոնել պարզ եւ զօրաւոր ձեւերու այն փոքր թիւին մէջ, որոնք կը բացատրեն տարրական զգացումները եւ մարդկային ճակատագրին կարկառուն գիծները : Ատոր մէջ կը կայանան ճշմարտութիւնը, վսեմութիւնն ու անմահութիւնը : Այս տեսակ գաղափարականի մը մէջ չկայ արդեօք ֆրանսայի նորահաս սերունդները խանդավառելու միջոցը, որոնք այս գեղեցիկ ու սրբանուէր կրակին ջերմութիւնն զգալով կարեկցութիւնը կը ճանչնան, եւ «Odi profanum vulgus» (Կ'առաջ առաջի բարունքներ) արհամարհու յանկերգէն կը նախընտրեն՝ աւելի մարդկային ու կարեկից բացատրութիւնը լատին մոտքին՝ «Misereor super turbam» (Կը էռքամ առեւ ճառաւլուրեն քը) :

Գալով ինձ, ես գեղարուեստական հեղինակութիւն չունիմ, բայց այն ժողովրդեան մէջ ուր կ'ապրիմ, իրաւունք ունիմ ձայնս բարձրացնելու տաղանդ ունեցող մարդոց եւ ըսելու անոնց, «Աշխատեցէք խեղճերուն համար : Խոնարհագոյն խափի պատկանողներուն հասկնալի ըրէք ինքզինքնիդ . այսպէս ընելով խաղաղութեան եւ բարութեան գործ մը կատարած պիտի ըլլաք : Այսպէս ընելով պիտի վերաբանաք այն աղբիւրները, ուրկէ հին վարպետները ծծեցին իրենց ներշնչումները, այն մեծ վարպետները, որոնց ստեղծագործութիւնները դարերուն վրայ արհամարհանքով նայած են, քանզի անոնք գիտցան իրենց հանճարը պարզութեամբ զգեստաւորել :»

ԳԼՈՒԽ 7

ՊԱՐԶ ՊԱՐՏԱԿԱՆՈՒԹԻՒՆ

Երբ տղոց կը խօսինք այն տեսակ նիկթերու վրայ որոնք անոնց ձանձրառիթ կը թուլին, այն ատեն կը սկսին ձեզ ցոյց տալ տանիքի վրայ աղանձին, որ իր ձագուկները կը կերակրէ, կամ կառապան մը՝ որ փողոցին մէջ իր ձիերը չարաշար կը ծեծէ։ Երբեմն ալ չարաճհօրէն կը հարցընեն ձեզ մին այն խորունկ խնդիրներէն, որոնք ծնողքներուն միտքերը կը չարչարեն, եւ վերջապէս իրենց ու ձեր ուշադրութիւնը այն տաղտկալի նիկթէն հեռացնելու համար ամէն հնարք կը գործածեն։ Կը վախնամ թէ մենք ալ մեր բարոյական պարտականութեանց հանդէպ սոսկ պղտիկ տղաքներ ենք, եւ երբ պարտականութիւն մը կատարելու խնդիրը մէջ-տեղն է, անկէ խուսափելու պատրուաւեներ կ'ողոնենք:

Բազմաթիւ են այն պատրուակները, որոնք մեզ՝ ֆրանսացիներս՝ մեր պարտականութենէն կը հեռացնեն։ Բայց կարելի է երեք դասակարգի վերածել այն պարտականութիւնները որոնցմէ կ'ուզենք խուսափիլ, — առաջ պարտականութիւնը, ու պարտականութիւնը եւ հայուսական պարտականութիւնը։ Պարտաճանաչ մարդ մը ըլլալ եւ իր ընթացքին, իր առնելիք քայլին նկատմամբ տարակոյսի մէջ մնալ եւ ինքոյնքո մութին

մէջ զգալ իր բարոյական պարտականութեան մասին,
տարբեր պարտականութիւններուն հակասական պա-
հանչքներուն մէջտեղը գտնել իր անձը, կամ դէմ առ
դէմ գտնել ինքզինքը պարտականութեան մը հետ որ
մեր ոյժերը կը գերազանցէ, ըսէք տեսնեմ, ասոնցմէ
դժուարին ի՞նչ կայ: Նատ հազուադէպ բան է որ այս
տեսակ դժուարին, իրարու հետ բախում ունեցող պա-
րագաներուն մէջ բարոյական պարտականութիւնը ունէ
լոյս մը սփոէ: Անիկա պէտք է միտքէն ցոլանայ: Ոչ
ոք զարմանալի կը գտնէ երբ ճամբորդ մը անծանօթ
ուղիի մը վրայ գիշեր ատեն կը գլորի, կամ երբ զինուոր
մը երկու կրակի մէջ մնացած ատեն կը յաղթուի, եւ
ոչ ոք պէտք է դատապարտէ զանոնք, որ այս տեսակ
գերմարդկային մաքառումներու մէջ եւ ծանրածանը ըն-
կերային պարտականութիւններու տակ կը կքին ու կը
պարտուին: Թիւի առաւելութեան եւ դժուարութեանց
մեծութեան առջեւ տեղի տալը երբեք անպատուութիւն
չի սեպուիր ընկերային մարդուն համար:

Ուստի իմ ձեռքս կ'երկնցնեմ անոնց , որոնք բարդ եւ հակասական պարտականութեանց ետեւ ամրացուցած են ինքզինքնին : Քանզի այսօր այդ տեսակ պարտականութիւնները չեն որ մեր միտքերը կը գրաւեն : Պարզ պարտականութեան , կրնամ ըսել նոյն իսկ՝ դիւրին պարտականութեան վրայ խօսիլ կ'ուգեմ :

* * *

Ամէն տարի երեք կամ չորս նշանաւոր տօնական օրեր ունինք, եւ բազմաթիւ սովորական օրեր: Անոնց նման միայն քանի մը մթիս ու դժուարին պարտականութիւններ կան, եւ բազմաթիւ պարզ եւ որոշ պարտականութիւններ: Արդ, իրողութիւնը սա է թէ մեր մեծամեծ պարտականութեանց հանդէպ մինչդեռ մեր կարողութիւնը բաւարար է, ճիշդ փոքր աննշան պարտականութեանց մէջ է որ կը տկարանանք ու կը թերանանք: Ուստի, առանց վախնալու թէ իմ խորհուրդներուս նորորինակ, հակասական ձեւ մը տուած պիտի ըլլամ, պիտի յայտարարեմ թէ՝ էականն է պարզ պարտականութիւնը կատարել, եւ անձը նուիրել տարրական արդարութեան: Ընդհանրապէս այս անձերը, որոնք իրենց հոգիները կը կորսնցնեն, դժուարին պարտականութիւնները չկատարենուն կամ անկարելիութիւնները չկրնալ ի գլուխ հանենուն համար չէ, այլ իրենց պարզ պարտականութիւնները զանց ընելնուն համար:

Այս ճշմարտութիւնը օրինակներով բացատրենք: Ան որ կը ջանայ մտնել ֆրանսայի ստորին եւ խոնարհ դասակարգին մէջ, շուտով անոնց մէջ ֆիզիքական ու բարոյական թշուառութիւններ պիտի նշարէ: Որքան կը մօտենայ այդ կեանքին՝ այնքան աւելի վէրքեր կը տեսնէ հոն, այնպէս որ թշուառներու այդ շըջանակը կը թուի իրեն ըլլալ անհոն, մթիս ստեղծագործութիւնն մը, որոնց առջեւ անհատը սփոփանքի իր ողորմելի պաշարովը բացարձակ անկարողութեան մատնուած ըլլալ կը թուի: Իրաւ, անձկալից՝ կ'ուզէ անոնց երթալ,

բայց միեւնոյն ժամանակ կը մտածէ, «ի՞նչ օգուտ ունի:» Այս տեսակ պարագաներ յայտնապէս շատ տագնապալից են, այնպէս որ խեղճերուն ու թշուառներուն օգնելու փափաք ունեցողներէն շատեր, թշուառութեան մեծութիւնը տեսմելով, եւ իրենց կարողութեան ողորմելի վիճակին գիտակցելով յուսահատաբար կ'որոշեն բան մըն ալ չընել: Ուստի անգործ կը մնան, ոչ կարեկցութեան ոչ ալ բարի դիտաւորութեանց պակասէն: Եւ ասոնք կը սխալին այսպէս խորհելով: Յաճախ մարդ բարեգործութեան հրապարակին վրայ մեծաքանակ գործ ընելու միջոցը չունի, բայց կրնայ փոքրաքանակ գործ տեսնել: Բազմաթիւ են այն մարդիկ, որոնք ո եւ է գործ չըն ըներ, քանզի իրենց կարծիքով ընելիք խիստ շատ գործ կայ: Այս տեսակ անձեր պէտք է հրաւիրուին պարզ պարտականութեան: Մեր ուշադրութեան առարկայ եղած այս պարագային մէջ պարզ պարտականութիւնը այն է որ ամէն մարդ իր միջոցներուն, իր պարապոյ ժամերուն եւ կարողութեանց չափով բարեկամութիւն մշակէ բնութենէն ժառանգագործ այս մարդոց հետ: Մարդիկ կան, որոնք քիչ մը կամքի ոյժ գործածելով ինքզինքնին կը ներմուծեն բարձր շրջանակի մէջ: Ուրեմն ինչո՞ւ ամէն ֆրանսացի ծանօթութիւն չհաստատէ խեղճերուն հետ, եւ աստիճան մը բարեկամական յարաբերութիւններ չմշակէ պարզ աշխատաւորներուն հետ, որոնք կեանքին էական պէտքերուն մասին կարոտութեանց մէջ են: Անգամ մը ճանչցիր քանի մը ընտանիքներ, տեղեկացիր անոնց պատմութեանը, սորվէ

անոնց նախնիքը եւ դժուարութիւնները, եւ ահա մեծապէս օգտակար պիտի ըլլաս պարզապէս կրցածդ ընելով, եւ բարոյական ու նիւթական օգնութեան ձեւին տակ բարեկամութիւն մշակելով։ Իրաւ է թէ այսպէս ընելով աշխարհի կարօտեալներուն եւ թշուառներուն մէկ պզտիկ մասին օգնած պիտի ըլլաս, թշուառութեան մէկ փոքր մասին վրայ յարձակած պիտի ըլլաս, բայց այդպէս ընելով կրցածդ ըրած պիտի ըլլաս, եւ թերեւս քու այդ ընթացքդ պիտի դրդէ ուրիշ մըն ալ որ ան ալ իր կրցածն ընէ։ Քու այս ընթացքովդ փոխանակ պարզապէս յայտարարելու թէ աշխարհի մէջ շատ թշուառութիւն, մոլութիւն, ատելութիւն կը տիրեն, անոր մէջ քիչ մը աղէկութիւն, բարիք ալ ներմուծելու միջոց պիտի ըլլաս։ Եւ որքան ալ չնչին ըլլայ քու բարութիւնդ, քու գործած բարիքդ, այդ բարիքը պիտի աճի եւ չարիքը պիտի նուազի։ Բայց եթէ նոյն իսկ առանձին մնաս քու այդ ընթացքիդ մէջ եւ քեզի հետեւող չունենաս, վկայ ունիս թէ միակ բանաւոր ընթացքին հետեւած ես, կատարելով պարզ, մանկական պարտականութիւնը որուն կատարմանը հրաւիրուած էիր։ Արդ, այդպէս ընելով ուղիղ կենցաղավարութեան գաղտնիքներէն մին երեւան հանած ես։

Մարդկային փառասիրութիւնը հսկայ ծրագիրներ կը յղանայ, բայց շատ հազուադէպ կերպով պատեհութիւն կը տրուի ֆրանսացիներուս մեծ գործեր կատարելու. Եւ նոյնիսկ ստոյգ եւ վաղահաս յաջողութիւնները անմիջական բաներ չեն, այլ համբերատար ոգիի արդիւնք։

Պզտիկ բաներու մէջ հաւատարմութիւնը ամէն պանծալի եւ մեծ գործերու հիմը կը կազմէ։ Այս պարագան յաճախ կը մոռնանք։ Եւ սակայն եթէ կայ էական ճշմարտութիւն մը, այն ալ ասիկա է։ Նաւաբեկութեան մը ատեն մարդ ինքզինք կրնայ ազատել կոտրած գերանով մը, թիակով մը եւ կամ տախտակի կտորով մը։ Կեանքի մրցումին մէջ ալ երբ ամէն բան հիւէի վերածուիլ կը թուի, յիշէ թէ այս ողորմելի հիւէներէն մին կրնայ փրկութեան լաստն ըլլալ։ Բարքի խանգարումը այս փոքրիկ բեկորները արհամարհելուն, մէջ կը կայանայ։

Նիւթապէս կործանեցար, կամ մեծ վիշտ մը ունեցար, կամ թերեւս աշքերուդ առջեւը տեսար քու երկար աշխատութեանդ պտուղին կորուստը։ Անկարելի է քու հարստութիւնդ վերակազմել, կամ քու մեռեալդ ողջնցնել, կամ քու կորուսեալ աշխատութիւնդ փրկել։ Եւ այս անդարմանելիին առջեւ թեւերդ կը թուլնան։ Անկէ վերջ ալ հոգ չես տանիր քու անձիդ, քու տանդ, կամ քու զաւակներուդ։ Այդ ընթացքը ներելի է, եւ որքան լաւ կը հասկնանք։ Բայց խիստ վտանգաւոր է։ Այդպէս ձգել ինքզինքդ յոռիկին՝ յոռեգոյնին փոխակերպիլ կը նշանակէ։ Դուն որ կը կարծես թէ ալ բան մը չունիս կորսնցնելու, քու այդ ընթացքովդ պիտի կորսնցնես այն բանը, որ փակալին քեզի կը մնայ։ Քու ստացուածքիդ բեկորները հաւաքէ — մնացածին համար ծայրայեղ զգուշութիւն ըրէ — եւ ահա այդ քիչ մը բանը քեզ պիտի միսիթարէ։ Ի գործ դրուած ճիգը մեր

օգնութեան կը համսի, մինչդեռ զանց առնուած ճիգը մեզի դէմ կ'ելլէ։ Եթէ ճիւղ մը կը մնայ որուն փարած կը մնաս, փարէ այդ ճիւղին։ Զրհեղեղէն վերջ քանի մը մարդեր երկիրը լեցուցին, կ'ըսէ Ս. Գիրքը։ Թող պատմութիւնը եւ Բնութիւնը քեզի ներշնչում տան։ Երկուքն ալ աշխատալի բարեշրջումներով քեզի կենսապարգեւ դասեր պիտի սովորեցնեն։

1813-1814ի աղետալի նահանջին ժամանակ, մինչդեռ գրեթէ անկարելի եղած ըլլալու էր ո՞ւ է բանի մէջ կարգ եւ կանոն պահել եւ հոգ տանիլ անձնական երեւոյթի, եւայլն, չեմ յիշեր ո՞ր զօրապետն էր որ առտու մը նաբոլէն Ա. ին ներկայացաւ. սքանչելի երեւոյթով, կոկիկ, մաքուր եւ դեռ նոր ածիլուած վիճակի մէջ։ Կայսրը իր այս զօրավարին անստգիւտ վիճակը տեսնելով տիրող կացութեան մէջ, որ իբր թէ զօրահանդէսի մը երթալու պատրաստութիւն տեսած ըլլար, այնքան մաքուր եւ անստգիւտ երեւոյթ մը ունէր ան, ըսաւ անոր։

«Զօրավար, դուն քաջարի մարդ մըն ես։»

*
* *

Պարզ պարտականութիւնը ամէնէն մօտիկ պարտականութիւնն է։ Խիստ սովորական տկարութիւն մը արգելք կը հանդիսանայ շատ մարդոց գտնել իրենց ամէնէն շահագրգուական բանը։ Հեռատորը կը գրաւէ զանոնք եւ կը հրապուրէ։ Այսպէս անօգուտ կերպով կը վատնուի բարի կամեցողութեան առասպելային գումար

մը։ Անոնք կը խանդավառին, կը բոցավառին մարդկութեան համար, հանրային բարօրութեան, հեռաւոր թօշուառութեանց համար, եւ կը քալեն կեանքին մէջէն սեւուարի այն զարմանահրաշ առարկաներուն, որոնք զմեզ կը գերեն հեռակայ հորիզոններուն վրայ, մինչդեռ իրենց ընթացքին մէջ անցորդներուն ոտքերուն վրայ կը կոխեն կամ կը հրմշտկեն զանոնք առանց նշմարելու։ Ասիկա եզական տկարամտութիւն մըն է, որ չի թողուր քեզ տեսնել քու մօտդ գտնուողները։ Շատ մարդիկ շատ բան կարդացած են, երկար ճամբորդութիւններ ըրած են, բայց իրենց քաղաքացիները, մեծ կամ պզտիկ, չեն ճանչնար։ Այս դասակարգի մարդիկ կ'ապրին մրցակցութեան շնորհիւ այն բազմաթիւ գործատորներուն, որոնց ճակատագրերուն անտարբեր են, եւ ասոնք բանգէտ կարծեցեալ անձերն են։ Ոչ իսկ անոնք որոնք այս դասակարգին ուսուցիչներն եղած են, կառավարած մեծցուցած են զանոնք եւ անոնց ծառայած են, կերակրած եւ մեծցուցած են, երբեք այս դասակարգին ուշադրութեան առարկայ եղած չեն։ Ասոնց ուղեղին մէջ իսկ չի մտներ թէ ո եւ է ապերախտութիւն կամ տգեղ ընթացք մը ունեցած կ'ըլլան եթէ չճանչնան իրենց գործատորները, ծառաները կամ այն կարգ մը էակները որոնք անխուսափելի կերպով ընկերային յարաբերութիւն ունին մեզի հետ։ Ուրիշներ աւելի հեռուն կ'երթան։ Կիսեր կան որոնց համար իրենց ամուսինները անծանօթներ են, եւ փոխադարձարար։ Ծնողքներ կան որ իրենց զաւակները չեն ճանչնար։ Անոնց զարգացումը,

խորհուրդները, վտանգները, անոնց փայփայած յոյսերը կնքուած գիրքեր են իրենց համար։ Շատ զաւակներ ալ կան, որ իրենց ծնողքը չեն ճանչնար, երբեք գուշակած չեն անոնց վիշտերը, եւ տառապանքներն ու մաքառումները, եւ ոչ ալ թափանցած են անոնց նպատակներուն։ Եւ պէտք է ըսել թէ խօսքս զատուած ընտանիքներու վրայ չէ, այն տիրահոչակ տուներուն վրայ, ուր յարաբերութիւնները կեղծուած են, այլ պարկեցտ ընտանիքներու վրայ, որոնց անդամները պատուական ու բարի մարդիկ են։ Ամէն մէկը այլուր ունի իր շահագրգութեան առարկան, որ իր ամբողջ ժամանակը կը գրաւէ։ Հեռաւոր պարտականութիւնը՝ հզօրապէս քաշողական՝ չեմ ուրանար, զիրենք գլխովին գրաւած է եւ աւելի մօտի պարտականութեան անգիտակ են։ Կը վախնամ որ ընդունայն վատնում մը ըրած կ'ըլլան իրենց այս ընթացքով։ Ամէն մարդու բարոյական եւ հոգեւոր գործունէութեան խարիսխը իր անմիջական պարտականութեան շրջանակին մէջ կը գտնուի։ Զանց ըրէ, մոռցիր այդ հիմը եւ ահա քու ստանձնած այդ բոլոր բաներդ պիտի վտանգուին։ Ուստի պատկանէ նախ քու երկրիդ, քու քաղաքիդ, քու տանդ, քու եկեղեցիիդ, քու խանութիդ, անսկէ վերջ, եթէ կը ընաս, ուրիշ տեղ ալ գնա։ Այդ է պարզ եւ բնական քայլը։ Մէկը որ ասոր հակառակը կ'ընէ, եւ հակառակ եզրէն կը սկսի, մեծ սխալ մը կը գործէ եւ վնասը կը հասնի իրեն եւ ուրիշներուն։ Ինչ որ ալ ըլլայ, պարտականութեանց այսքան տարօրինապէս խառնակուած

վիճակի մը արդինքը սա պիտի ըլլայ որ շատեր իրենց վրայ պիտի առնեն այն տեսակ պարտականութիւններ, որոնք իրենց չեն վերաբերիր բնաւ, եւ չեն կատարեր այն պարտականութիւնները որոնք իրենց կը պատկանին։ Ամէն ոք կը զբաղի իրեն անպատկան բաներով եւ հեռու մնալով իր գիրքէն, իր գործն ալ կը կաղայ։ Եւ սակայն խիստ պարզ բան մը պիտի ըլլար եթէ ամէն ոք նախ իր գործին միայն նայէր։

* * *

Պարզ պարտականութեան մէկ ուրիշ ձեւն ալ։ Երբ վնաս մը յառաջ կու գայ, ովք պէտք է դարմանէ զայն։ Բնականաբար այն անձը որ պատճառ եղաւ։ Ուղիղ է, բայց հայեցողութիւն մըն է սոսկ։ Եւ այդ հայեցողութեան հետեանքը այն պիտի ըլլար որ թոյլ պիտի տայինք չարիքին գոյութիւն ունենալ, մինչեւ որ գործողը գտնուէր եւ վնասը դարմանել տրուէր։ Բայց ի՞նչ պիտի կրնայինք ընել եթէ հեղինակը չգտնուէր, կամ եթէ չուզէին կամ չկրնային դարմանել։ Կոտրած կղմինտը մը կայ տանիքիդ վրայ եւ անձրեւը գլխուտ վրայ կու գայ, կամ կոտրած ապակիէ մը հովը ներս կը խուժէ։ Կը սպասէն միթէ որ նախ ապակին կամ կը դմինտը կոտրողը գտնես եւ ամսկէ վերջը գործաւոր մը կանչես նորոգել տալու համար։ Այլանդակ բան պիտի ըլլար այդ, այնպէս չէ։ Եւ սակայն ասիկա շատ սովորական ընթացք մըն է։ Տղաք կը պոռան զայրագին, «Այդ բանը գետինը նետողը ես չէի. ուստի ես չեմ

վերցներ :» Եւ մարդոց մեծամասնութիւնը նոյն կերպով կը տրամաբանէ : Իրաւ, տրամաբանական է այդ, բայց այդ տեսակ տրամաբանութեամբ չէ որ աշխարհ կը դառնայ :

Ընդհակառակը պէտք է վերահասու ըլլալ սա իրողութեան, ինչ որ կեանքը ամէն օր կը կրկնէ, թէ ոմանց գործած վնասը ուրիշները կը դարմանեն : Ոմանք կը փլցնեն, ուրիշները կը կառուցանեն : Ոմանք կ'աղտեղնեն, ուրիշները կը մաքրեն . ոմանք վէճեր կը յարուցանեն, ուրիշները կը խաղաղեցնեն . այսպէս ոմանք կը լացնեն, ուրիշները կը միսիթարեն . ոմանք չարութեամբ կ'ապրին, ուրիշները արդարութեան համար հոգի կու տան : Եւ ապահովութիւնը այս դառնակսկիծ օրէնքին գործադրութեան մէջ կը կայանայ : Այս ալ տրամաբանութիւն է, բայց այն տեսակ տրամաբանութիւն մը, որ հայեցողութեանց տրամաբանութեան մատ խածնել կու տայ : Եզրակացութիւնը տարակոյս չի վերցներ : Պարզասիրտ մարդը սապէս կ'եզրակացնէ .— Տրուած ըլլալով չարիք մը՝ կարեւոր բանն է դարմանել զայն եւ անմիջապէս գործի սկսիլ : Աւելի աղէկ եթէ չարիքը հասցնողները իրենք ալ աշխատին դարմանելու զայն, բայց փորձառութիւնը կը խրատէ մեզ անոնց գործակցութիւնը հաշիւի չառնել :

* * *

Պարտականութիւնը որքան ալ պարզ ըլլայ, մարդ տակափն պէտք ունի զայն կատարելու գորութեան :

Այս զօրութիւնը ինչի՞ մէջ կը կայանայ, ուր կը գտնուի : Պարտականութիւնը որքան ատեն որ արտաքին ստիպում մը նկատուի, մարդուն համար թշնամի մըն է, եւ ձանձրառիթ թշնամի մը : Երբ անիկա ներս մտնէ դոնէն, մարդ պատուհանէն կը փախչի, եւ եթէ պատուհանները գոցէ, այն ատեն մարդը ծխնելոյգէն խոյս պիտի տայ : Որքան որոշ կերպով տեսնուի անոր գալը, այնքան դիւրին կ'ըլլայ անկէ խոյս տալ : Ուստի, որպէս զի մարդ կարող ըլլայ կատարել, իր պարտականութիւնը, պէտք է ուրիշ հոգեւոր զօրութեան մը ձեռքն իյնայ, եւ ոչ թէ այն զգացման որ կ'ըսէ . « Մա ըրէ, նա ըրէ, սա մի ըներ, նա մի ըներ . եթէ ոչ դուն գիտես : »

Մէրն է այս ներքին զօրութիւնը : Երբ մարդ իր արհեստը կամ գործը կ'ատէ, կամ անփութօրէն կը կատարէ զայն, բոլոր յորդորները չեն կրնար իր այդ գործը կատարել տալ հաճութեամբ : Բայց ան որ իր գործը կը սիրէ՝ յառաջ կ'երթայ, կը կատարէ զայն առանց ուրիշին պէտք ունենալու, եւ կը կատարէ հաճոյքով ու բարի կամեցողութեամբ : Այսպէս է ամէն մարդու համար : Մեծ բանն է զգացած ըլլալ զայն որ մեր ճակատագրին մէջ ամէնէն սուրբ եւ անմահօրէն գեղեցիկն է . այդ բանն է՝ սովորած ըլլալ՝ կարգ մը փորձառութիւններով՝ սիրել այս կեանքը իր ցաւերուն, դժուարութիւններուն եւ ակնկալութեանց համար, մարդկային ազգը սիրել իր ազնուութեանց եւ դժուարութեանց համար, եւ մարդկութեան պատկանիլ, սրտով, իմացականութեամբ եւ կարեկցութեամբ : Այն ատեն հոգեւոր

զօրութիւն մը կը գրաւէ զմեզ, ինչպէս հովը կ'ուռեցնէ նաւուն առաջաստներն ու կը քշէ զմեզ դէպի կարեկցութիւն եւ արդարութիւն։ Եւ այս զեփիւուին անդիմադրելի զօրութեան յանձնուելով կ'ըսենք. «Ուրիշ կերպ չեմ կրնար ընել. ինձմէ զօրաւոր է։»

Այսպէս ըսելով ամէն դարու եւ ամէն երկրի մարդը մատնանիշ կ'ընէ հոգեւոր զօրութիւն մը որ մարդէն բարձր է, բայց անոր սրտին մէջ կը բնակի։ Եւ ինչ որ ազնիւ եւ բարձր է՝ կ'երեւի իբր յայտնութիւնը այս գաղտնիքին, զոր հասկնալ մեր կարողութենէն վեր է։ Մեծ զգացումները, մեծ խորհուրդներու եւ մեծ գործերու նման, ներշնչման գործեր են։ Երբ ծառը կ'աճի ուռճազարդ եւ իր պտուղը կու տայ, պատճառը այն է որ հողէն կ'առնէ իր կենսական զօրութիւնը եւ արեւէն լոյս եւ ջերմութիւն կը ստանայ։ Եթէ մարդ իր խոնարհ շրջանակին մէջ անխոսափելի սխալանքներու եւ տգիտութեան մէջտեղ ինքզինքը անկեղծօրէն կը նուիրէ իր առօրեայ գործին, այդ կը նշանակէ թէ բարութեան յափիւնական Աղբիւրին հետ յարաբերութեան մէջ է։ Այս ոյժը ինքզինքը հազարումէկ ձեւերով կը յայտնէ։ Երբեմն անզուսպ կորով մըն է, երբեմն փաղաքուշ գորով մը, մայրական հոգատարութիւն մը, որ կը գտնէ ու կը ինսամէ ջախջախուած ու մոռցուած կեանք մը ճամբուն վրայ ինկած, ուր յաճախ կը կորսուի. երբեմն ալ երկարատեւ խուզարկութեանց եւ հետազօտութեանց համբերատար ոգին։ Բայց բոլոր այն բաները, որոնց կը հպի բարութեան այս ոգին, անոր դրոշմը կը կրէն,

եւ այն մարդիկը, որ անով կ'ոգեւորուին, կը զգան թէ անով է որ կան եւ կ'ապրին։ Մառայելը՝ իրենց երջանկութիւնը եւ վարձքն է։ Կը բաւէ որ Արարիչին գործիքներն ըլլան, եւ ալ հոգ չեն ըներ կեանքի մէջ իրենց գործոննէութեան արտաքին շրջարջուն երեւոյթին, գիտնալով թէ մեր կեանքն ու գործերը բան մը չեն արժեր, եթէ բարութեան այս ոգով ներշնչուած եւ տոգորուած չըլլան։

ԳԼՈՒԽ Ե

ՊԱՐՁ ՊԵՏԵՐԸ

Երբ թոշնավաճառէն թոշուն մը գնենք, բարի մարդուկը կ'ըսէ մեզ թէ ինչպէս հոգ տանելու ենք մեր այս նոր գիշերօթիկին։ Իր բոլոր հրահանգը — առողջապահութիւնն, ուտեստ եւ հանգիստ — քանի մը բառէ միայն կը բաղկանայ։ Քանի մը հակիրճ ցուցումներ ալ բաւ են նոյնպէս ամփոփելու համար մարդոց մեծագոյն մասին էական պէտքերը։ Անոնց օրէնքը առհասարակ վերջին աստիճան պարզ է, եւ որքան ատեն որ այդ օրէնքին համակերպին, Մայր Բնութեան հնազանդող տղող պէս, պատուական առողջութեան տէր կ'ըլլան։ Անգամ մը շեղեցան անկէ, կնճուտութիւնները կը հաս-

նին, առողջովմինը կը տուժէ, զուարթովմինը կ'անհետի: Պարև ւ- բնական էւանդն է որ կընայ ապահովել էութին մը՝ կատարեալ իր բովանդակ կորովով: Այս տարրական սկզբունքը չյիշելնուս համար տարօրէն զարտուղովթեանց մէջ կ'ինանք:

Մարդ ինչի՞ կը կարօտի նիւթական կեանքին համար, որ ըլլայ լաւագոյն՝ կարելի պայմաններով: — Սննդարար ուտեստ, առողջապահիկ պայմաններով բնակարան, օդ եւ մարմնամարզ: — Առողջապահովթեան մանրամասնովթեանց մէջ պիտի չմտնեմ, ոչ ալ ճաշցուցակներ պիտի ներկայացնեմ, կամ մատնանիշ ընեմ թէ ինչ տեսակ տուներու մէջ բնակինք. միտք չունիմ նաեւ հագուստի ձեւերը ներկայացնել: Նպատակս է ցոյց տալ ուղղովթին մը եւ ըսել թէ ինչ առաւելութին եւ օգուտ ունի կեանքը պարզ ոգուվ մը կառավարելը: Ապացուցանելու համար թէ մեր արդի ընկերային կեանքին մէջ այդ պարզ ոգին չի տիրապետեր, բաւ է տեմնել թէ այլ եւ այլ դասակարգի մարդիկ ինչ-պէս կ'ապրին: Կեանքի տարրեր խաւերուն մէջ ապրող տարրեր անհատներու հարցուր թէ «Ապրելու համար է՞ն ւ բանի աւետու անէն:» Պիտի լսես իրենց պատասխանը, որմէ աւելի հրահանգիչ կամ հետաքրքրաշարժ բան չի կընար ըլլալ:

Կարգ մը բնատոհմիկ Բարիզեաններու համար, քանի մը ծառուղիներով (Պովաններով) շրջագծուած քաղաքային սահմաննն դուրս ապրիլը, կեանք վարելը անկարելիովթին է բացարձակ: Հնն է միայն ուր օդը շըն-

չելի է, լոյսը՝ պայծառ, բարեխառնովթինը՝ բնորոշ. Հնն կան միայն դասական խոհանոց եւ ուրիշ այն ամէն բաները, առանց որոնց գրեթէ հազիւ պիտի արժէր ապրիլ մեր այս հողագունտին վրայ, զոր աշխարհ կը կոչենք:

Միջակորեար կեանքին սանդուղին տարբեր աստիճաններուն վրայ գտնուղներուն եթէ հարցնենք նոյն հարցումը, անոնք ալ պիտի պատասխաննն իրենց ունեցած փառասիրովթեան եւ դաստիարակովթեան համեմատ. եւ դաստիարակովթին ըսելով մարդիկ շատ անգամ կը հասկնան կեանքին արտաքին ունակովթինները, — օթեւանելու, կերակրուելու եւ հագուելու կերպերը. դաստիարակովթին մը որ բոլորովին մակերեսային է: Երբ մարդ կ'ունենայ սաշափ եկամուտ, թոշակ կամ շահ, այն ատեն կեանքը կարելի կ'ըլլայ: Այդ չափէն վար անկարելի է: Տեսած ենք մարդիկ, որոնք անձնասպան եղած են, որովհետեւ իրենց ապրուստի միջոցները այս ինչ նուազագոյն չափէն պակաս եղած են: Ասոնք նախապատիւ սեպեցին անհետանալ քան ինք-զինքնին չափաւորել: Դիտեցէք սակայն թէ այս նուազագոյն չափ ըսուածը նուազ խստապահանջ պէտքեր ունեցողներուն խիստ ընդունելի պիտի ըլլար, եւ չափաւոր ճաշակներ ունեցողներուն ալ՝ նոյն իսկ նախանձելի:

Լեռներու մէջ բուսականովթինը բարձրովթեան համեմատ կը փոխուի: Կան սովորական մշակովթեան, անտառներու, արօտներու, ինչպէս նաեւ լերկ ժայռերու

Եւ սառնարաններու գաւառները։ Մասնաւոր գօտիէ մը վեր ալ ցորեն չենք տեսներ, բայց այգիները կ'ուոճանան։ Բաղդատաբար ցած մակարդակի մը վրայ կաղնին կը դադրի աճելէ, եւ եղեւինը աւելի կը սիրէ բաւական բարձրութիւն։ Մարդկային կեանքը իր այլազան պէտքերով բուսականութեան այս բներեւոյթները կը յիշեցնէ։

Հարստութեան մէկ մասնաւոր բարձրութեան մէջ կը տեսնենք սեղանաւորին, ինչպէս նաեւ Ակումբի մարդուն, աշխարհիկ անձերուն, մէկ խօսքով ամէն անոնց յաջողութիւնը, որոնց համար խստապահանջ պէտքեր կը նշանակեն մասնաւոր թիւով ծառաներ, հետեւորդներ եւ կարասիներ, եւ քաղաքին մէջ եւ քաղաքէն դուրս քանի մը բնակարաններ։ Յետոյ կու գանք քաղքենիներուն, իրենց մաքուր վարքով եւ ունակութիւններով։ Ուրիշ բնագաւառներու մէջ կը տեսնենք որ հանգստութեամբ կը բարգաւաճին միջակ, կամ չափաւոր, կամ խիստ անհաւասար պիտոյքներ ունեցող դասակարգերը։ Ապա կու գան խոնարհ դասու մարդիկը, գործառները, գիւղացիները, եւ արդարեւ այն մեծ զանգուածները որոնք շատ դժուարութիւն ունին իրենց ապրուստին համար, եւ քիչով կը գոհանան, լեռներու կատարը գտնուող նրբացօղուն փափուկ բոյսերուն նման, ուր բուսական դասակարգութեան մեծամեծ նմոյշները մնունդ չեն կրնար գտնել։ Ասոնք կ'ապրին ընկերութեան ամէնէն տարբեր բնագաւառներուն մէջ։ Եւ հոս մեծցողներն ալ միւսներուն պէս մարդ են։ Զարմանալի կը թուի

որ ընկեր արարածներու մէջ պէտքերու մասին այսպան արտաքոյ կարգի տարբերութիւններ գտնուին։ Եւ հոս մեր բաղդատութեան եզրը մեզ կը լքանէ։ Նրյն ընտանիքին պատկանող բոյսերն ու կենդանինները նոյն պէտքերու ոնին։ Մարդկային կեանքը բոլորովին ներհակ երեւոյթներ կը ներկայէ մեզ։ Ասկէ ի՞նչ կրնանք եզրակացնել ուրեմն, եթէ ոչ սա թէ՛ մեր պէտքերուն թիւին եւ բնութեան մէջ բաւական առածգականութիւն կայ։

* * *

Անհատին եւ ընկերութեան զարգացման եւ երջանկութեան օգտակար եւ նպաստաւոր է որ մարդ այսպան բազմապիսի պէտքեր ունենայ եւ զանոնք յագեցնելու տայ ինքզինք։ Բայց նորէն առնենք մեր բաղդատութեան եզրը, ստորնագոյն էակները։ Երբ անգամ մը անոնց էական պէտքերը կը յագենան, անոնք կ'ապրին գոհ վիճակով մը։ Մարդուն համար ալ այսպէս է։ — Ո չ։ Ամէն շրջանի մէջ դժգոհութեան կը հանդիպինք։ Հոս բոլորովին դուրս կը հանեմ զանոնք որ կեանքին էական պէտքերէն զրկուած են։ Արդարութիւն պիտի չըլլար դժգոհներու դասակարգին մէջ զնել զանոնք որոնցմէ ցուրտը, անօթութիւնն ու թշուառութիւնը հառաջներ կը խլէն։ Կ'ուզեմ խօսիլ միայն այն բազմութեանց վրայ, որոնք ինքզինքնին հոգալու պայմանները ապահոված են։ Ասոնց դժգոհութեան աղբիւրը ի՞նչ է։ Ինչո՞ւ դժգոհութեան այս զգացումին կը հանդիպինք ոչ թէ միայն անոնց մէջ, որոնց կեանքի պայ-

մանները թէեւ չափաւոր՝ բայց բաւական են. բայց նաեւ, քիչ ու շատ տարբերութեամբ, մինչեւ մեծահարուստներուն եւ ընկերային կեանքին բարձրագոյն կատարները գտնուող մարդոց մէջ։ Կենդանին կը յագենայ, որովհետեւ կերած է. կը պառկի ու կը քնանայ։ Մարդն ալ կրնայ քիչ մը ատեն պառկիլ ու քնանալ, բայց ատիկա շատ երկար չի տեւեր. կը վարժեցնէ ինքզինք իր բարեկեցութեան, կը ձանձրանայ անկէ եւ աւելիին կը բաղձայ։ Մարդուն ախորժակը իր կերակուրովը չի մեղմանար, այլ ուտելովը կը գրգոռի։ Ասիկա արտառոց կրնայ թուիլ, բայց բացարձակ ճշմարտութիւնն է։

Եւ որովհետեւ ամէնէն շատ գանգատողները գրեթէ միշտ ամէնէն աւելի գոր ըլլալու պատճառ ունեցողներն են, որոց երեւան կու գայ թէ երջանկութիւնը կախում չունի մեր պէտքերուն քանակէն եւ զանոնք գոհայնելու մեր յարատեւ ջանադրութենէն։ Ամէն մարդ շահ ունի այս ճշմարտութեան անձամբ թափանցելու եւ վերահասու ըլլալու մէջ։ Եթէ հոգ չտանի սանձ մը դնելու իր պէտքերուն խստապահանջութեան, անվերջ ըղձանքներու հոսանքին անձնատուր ըլլալու վտանգին կ'ենթարկէ ինքզինք։

Այս անձը որ կ'ապրի ուտելու, խմելու, քնանալու, հագուելու, ճամբորդելու եւ, մէկ խօսքով, բոլոր կարելին իր անձին տալու համար, այս տեսակ անձ մը թէ ըլլայ արեկին մէջ պառկող մակարոյծ մը, խման գործատոր մը, միջակորեար մը, իր ստամոքսին գերին, խելքը միտքը իր զարդարանքին վրայ ընող կին մը, ստորնագոյն դասակարգին պատկանող հաճոյամոլ մը,

կամ նշանաւոր աշխարհիկ զբոսասէր մը, կամ թէ պարզապէս ըլլայ գուեհիկ եպիկուրեան մը, այս տեսակ անձ մը, կ'ըսենք, ճամբայ ելած է փափաքներուն հոսանքին վար երթալու, եւ այդ հոսանքը մահաբեր է։ Անոնք որ վար կ'երթան, հակեալ մակարդակէն վար գլորող մարմիններու օրէնքին կը հպատակին։ Որս մը իրենց պատրանքին որ անդադար կը նորոգուի՝ այս մարդիկ կ'ըսեն իրովի։ «Միայն քանի մը քայլ եւս, եւ ապա կանգ կ'առնենք։» Բայց յարածուն թափը զանոնք յառաջ կը մղէ։ Որքան հեռու որ երթան, այնքան քիչ կրնան դիմադրել։

Այդ է մեր ժամանակակիցներէն շատերուն տենդայոյգ վիճակին եւ խօլ վազքին ու կենցաղավարութեան գաղտնիքը։ Իրենց կամքերը իրենց ախորժակներուն գերին ըրած ըլլալով, իրենց գործերուն ալ պատիժը կը կրեն։ Անձնատուր կ'ըլլան վայրագ եւ անողոք բաղձանքներու, որոնք իրենց միսը կ'ուտեն, ոսկորները կը ջախջախեն, եւ երբեք չեն կշտանար։ Վերացական քարոզ մը չէ տուածս։ Ես ունին կը դնեմ կեանքին լեզուին, իմ անցքիս մէջ մտիկ ընելով քանի մը ճշմարտութեանց, որոնք կ'արձագանգեն զիրար խաչաձեւող ամէն փողոցէ։

Արդեօք ալքոլամոլութիւնը, որ այնքան նոր ոգելից ըմպելիներ կը հնարէ, ծարաւը յագեցնելու միջոց մը գտած է։ Ոչ, ընդհակառակը կարելի է կրչել զայն՝ ծարաւը պահպանելու եւ զայն անմարելի ընելու արուեստը։ Միթէ անամօթութիւնը մեր զգայարանքներուն

խթանը կը բթացնէ՛ երեկք։ Բնաւ. ընդհակառակը կը զայրացնէ զայն եւ բնական՝ բաղձանքը ախտաժէտ կախարդումի մը, սեւեռեալ գաղափարի մը կը վերածէ։ Թող անգամ մը պէտքերը տիրապետեն քու վրադ, եւ զանոնք փայփայէ, պիտի տեսնես որ անոնք կը բազմապատկուին, ինչպէս միջատները՝ արեւին մէջ։ Որքան շատ տաս, այնքան աւելի պիտի ուզեն։ Պակասամիտ է այն ամձը որ կը կարծէ թէ երջանկութիւնը բարեկեցիկ վիճակի մը մէջ է։ Դանայեան տակառը լեցնել ձեռնարկելու պէս գործ մը պիտի ըլլար երջանկութիւնը ատոր մէջ վնտոել։ Միլիոն մը հարստութիւն ունեցողը ուրիշ միլիոնի մըն ալ պէտքը կը զգայ։ Հազար ունեցողը՝ երկրորդ հազարի մը։ Ուրիշներ կան որոնք քսան ֆրանքնոցներու պէտք ունին, եւ ուրիշներ՝ միայն ու-երու։ Երբ սանին մէջ վառեակ մը ունին, սագ մը կ'ուզեն։ Երբ սագ ունին՝ այն ատեն հնդկահափ կը բաղձան, եւ այսպէս շարունակաբար։ Երեք պիտի չկրնան լիովին ըմբոնել թէ որքան ահարկու միտում մըն է այդ։ Քազմաթիւ պղտիկ մարդիկ կան որոնք մեծերուն նմանիլ կ'ուզեն։ բազմաթիւ գործաւորներ՝ որոնք միջին դասուն կը հետեւին կապկօրէն։ Հասարակ ժողովուրդին պատկանող աղջիկներ կան որոնք կը ջանան դեռահաս տիկիններու նմանիլ։ բազմաթիւ գրագիրներ, վաճառատան պաշտօնեաններ, որոնք Ակումբի անդամներ կամ Սէօբան ըլլալ կը ձեւացնեն, եւ բարեկեցիկներու եւ հարուստներու շրջանակին մէջ բազմաթիւ անձնաւորութիւններ կան, որոնք կը մոռ-

նան թէ իրենց ունեցածը ամէն տեսակ հաճոյքներու համար տալէ լաւագոյն բանի համար կրնար գործածուիլ։ Մեր պէտքերը մեզ ծառայ ըլլալու տեղ տէրեր եղած են միշտ, անկիրթ, դժուարահաճ եւ անհանդարտ տէրեր։

Իր պէտքերուն գերին եղող մարող կը նմանի քիթէն օղակ մը անցուած արջու մը, զոր ուզած ատեն-նին կը խաղցնեն։ Նմանութիւնը պատուաբեր չէ, բայց ընդունեցէք թէ ճշմարիտ է։ Քազմաթիւ մարդիկ կան որոնք չեն կրնար քայլ մը առնել առանց հարցնելու թէ արդեօք այդ քայլը պիտի նեղացնէ իրենց տէրերը — պէտքերը։ Քանի մարդիկ եւ կիներ կան որոնք հետզհետէ, քայլ առ քայլ, յառաջ գացած են մինչեւ խարդախութիւն եւ անհաւատարմութիւն, սա միակ պատճառով որ խիստ շատ պէտքեր ունէին եւ չեն կրնար պարզ կերպով ապրելու համակերպիլ։

* * *

Ինձ ծանօթ բարի մարդու մը պատմութիւնն ընեմ ձեզ։ Սա իր կինն ու զաւակները գորովագին կը սիրէր, եւ ֆրանսայի մէջ կ'ապրէր իր աշխատութեան վաստակով՝ հանգիստ վիճակի մը մէջ, բայց իր վաստակը հեռի էր բաւելէ իր կնոջ մեծածախ պէտքերուն։ Որովհետեւ մարդը միշտ դրամի նեղութիւն ունէր, մինչդեռ քիչ մը աւելի պարզութեամբ ապրելով խիստ հանգիստ միսիթարական կեանք մը կրնար ունենալ, վերջապէս ուղեւորեցաւ հեռաւոր գաղթավայր մը, ուր շատ ստակ կը շահի, իր ընտանիքը մայր երկրին — ֆրան-

սայի — մէջ թողած : Զեմ՝ գիտեր թէ ինչ կը խորհի այդ դժբախտ մարդը այդքան հեռաւոր տեղ մը, բայց իր ընտանիքը աւելի շքեղ յարկաբաժին մը, աւելի մեծագին հանդերձներ եւ լաւագոյն կարասիներ ունի : Առ այժմ իրենց գոհոնակովթինը կատարեալ է . բայց շուտով պիտի վարժուին այս շոայլութեան, որ վերջապէս տարրական է : Քիչ ատենէն տիկինը իր կարասիները շատ հասարակ պիտի գտնէ, եւ իր կառքը՝ ողորմելի : Եթէ այդ մարդը կը սիրէ իր կինը, եւ տարակոյս չոնճինք թէ կը սիրէ, մինչեւ լուսինը պիտի երթար գաղթել, աւելի շատ դրամ շահելու համար : Ուրիշ տեղեր դերերը կը փոխուին, եւ կինն ու զաւակներն են որ կը գոհուին անյագ պէտքերուն ընտանեկան պիտին, որուն անկանոն կեանքը, խաղամոլութինը եւ ուրիշ մեծածախ յիմարութինները իր պարտականութինները կը մոռցնեն : Իր ախորժակներուն եւ իր հայրական դիրքին միջեւ ըրած ընտրութեան մէջ կշիռ առաջինին կողմը կը հակի, եւ յամրաբար այլ ստուգապէս կը քշուի դէպ ամօթալի եսամոլութինը :

Արժանապատուութեան այս կամայական մոռացումը, ազնիւ զգացումներու այս յառաջդիմական անդամալուծութիննը մեծահարուստ դասակարգին մէջ չէ միայն որ կը գտնուին : Հասարակ ժողովուրդին պատկանող մարդն ալ անկէ կը հրապուրուի : Շատ փոքրիկ ընտանիքներ գիտեմ ուր երջանկութինը կրնար բոյն դնել, բայց ուր պիտի գտնէք ընտանիքին թշուառ մայրը, որ կսկիծ ու վիշտ ունի միայն ամէն գի-

շեր . եւ զաւակներ՝ որ կօշիկ չունին եւ յաճախ առօրեայ հացին համար ալ մեծ անձկութեան մէջ են : Եւ ինչո՞ւ : Որովհետեւ հայրը պէտք է շատ դրամ ունենայ : Հարկ չէ խօսիլ ալքոլի համար վատնուած ստակին վրայ, որուն ստացած համեմատութինը վերջին քսան տարիներու միջոցին՝ ամէն մարդ գիտէ : Այս հզօր յորձանքին կլած գումարը առասպելական է, կրկինը՝ 1870 ի պատերազմին պատերազմական տուգանքին — (10 հաւաք չունեած !) : Քանի քանի օրինաւոր պէտքեր կարելի էր գոհացնել այն դրամներով, որոնք պարզապէս կը նետուին շինծու պէտքեր գոհացնելու համար : Պէտքերու տիրապետութինը հանրութեան, ուրիշներուն օգուտին համար չէ . ճիշդ հակառակը : Որքան շատ բան որ մարդ ուգէ իրեն համար, այնքան քիչ բան կընէ իր դրացին, մինչեւ անգամ անոնց՝ որոնք արենակցութեամբ կապուած են իր հետ :

* * *

Երջանկութեան եւ բարոյական փափկութեան նուազում, նոյն իսկ համերաշխութեան ոգույն պակսիլը, — ահա պէտքերու տիրապետութեան արդինքը : Մարդ կրնար ուրիշ բազմադիմի չարկներ ալ յիշել, որոնց փոքրագոյններէն չէ անշուշտ հանրային հարստութեան եւ առողջութեան քայլայումը : Այս ընկերական եւ ընտանեկան շրջանակները, որոնք ամենամեծ պէտքերն ունին, ներկային մէջ միայն թաղուած են, եւ անոր կը գոհեն անցեալին յառաջդիմութինները եւ անմահ

ապագան։ Անտառները աւրել, անոնց դրամները առնելու համար, մարդոն ցորենը ուտել դեռ գլուխ չկապած, մէկ օրուան մէջ բնաջինջ ընել երկարատեւ աշխատութեան մը պտուղը, կարասիները այրել ինքզինքնին տաքցնելու համար, ապագան պարտքերու տակ ծանրաբեռնել ներկայ վայրկեանը հաճելի ընելու համար, վաղուան համար դժուարութիւններ սերմաննել, հիւանդութիւն, սնանկութիւն, նախանձ. — այս ցանկը երեք պիտի չկրնայինք վերջացնել եթէ պէտքերու տիրապետութեան բոլոր չարիքները յիշել ուզէինք։

Ընդհակառակը, եթէ պարզ պէտքերուն յարէինք, այս բոլոր անհանգստութիւններէն ու չարիքներէն պիտի ազատէին մարդիկ, եւ անոնց տեղ հազարաւոր առաւելութիւններ եւ օգուտներ պիտի ունենային։ Հին ասացուած մըն է թէ ժուժկալութիւնը եւ զգաստութիւնը առողջութեան լաւագոյն պահապաններն են։ Անոնք որ ասոնց արժէքը գիտեն, ազատ կ'ըլլան այն ամէն թշշուառութիւններէն, որոնք կեանքը կը դառնացնեն։ Անոնք կ'ապահովեն մարդոն առողջութիւնը, գործին սէրը եւ իմացական հաւասարակշռութիւնը։ Պարզութեան ճաշակը, ըլլայ ուտեստի, ըլլայ հագուստի եւ բնակարանի մասին, ապահով դիրքով մը ապրելու աղբիւր մըն ալ է։ Որքան պարզութեամբ որ ապրիս, այնքան աւելի կը պաշտպանես ապագադ։ Նուազ խաղալիկ պիտի ըլլաս անախնկալներու եւ դժբախտութեանց ձեռքը։ Հիւանդութիւն մը կամ աշխատութեան դադար մը քեզ սալայատակին վրայ նետելու պիտի չզօրէ։ Դիրքի փո-

փոխութիւն մը, նոյն իսկ կարեւոր փոփոխութիւն մը պիտի չտապալէ քեզ։ Պարզ ճաշակներ ունենալով նուազ վշտառիթ պիտի գտնես բախտին փոփոխութեանց համակերպիլը։ Եթէ կորսնցնես դիրքդ, գործդ, եկամուտդ, նորէն մարդ պիտի մնաս, որովհետեւ այն հիմը, որոն վրայ կեանքդ կը կանգնի, քու սեղանդ, մառանդ, ախոռդ, կարասիներդ, եւ ոչ իսկ դրամդ է։ Դժբախտութեան մէջ երախայի մը պէս պիտի չընես, որմէ իր կաթին սրուակը կամ խաղալիկը կ'առնեն։ Ածիլուած գլուխ ունեցող մարդոց պէս, որոնք թշնամիին ձեռքը չեն կրնար շատ բան ձգել, աւելի զօրաւոր պիտի ըլլաս եւ լաւագոյն կերպով պատրաստուած՝ կեանքի յարափոփոխ վիճակներուն համար. եւ ասկէ զատ քու դրացիիդ ալ աւելի օգտակար պիտի հանդիսանաս։ Անոր նախանձը եւ կամ անոր ստորնագոյն ախորժակները պիտի չգրգռես եւ ոչ ալ քու շոայլութեանդ համար անոր պժգանքը պիտի հրափրես, եւ քու մակարուծական գոյութեանդ տեսարանը անոր զգուանք պիտի չպատճառէ. եւ քու բարեկեցութեանդ համար նուազ խստապահնջ ըլլալով՝ ուրիշներուն բարօրութեան եւ հանգըստութեան համար գործելու աւելի լայն ասպարէզ պիտի ունենաս։

ԳԼՈՒԽ Զ

Պ Ա. Ր Զ Հ Ա. Ճ Ո Յ Ք Ը

Ի՞նչպէս կը գտնէք ներկայ դարը հաճոյքի մասին. աշխարհի մարդիկ ինքզինքնին կը զուարձացնե՞ն։ Ինծի կը թուի թէ մարդիկ ներկային մէջ զբօսանքէ զուրկ՝ յաւէտ տխուր, միօրինակ օրեր կ'անցնեն։ Գուցէ տպատրութինս գլխովին անձնական բան մը ըլլայ։ Երբ կը տեսնեմ այն եղանակը, որով ժամանակակիցներս կ'ապրին ու կը խօսին, դժբախտաբար կը հաստատուիմ սա համոզմանս մէջ թէ մարդիկ ինքզինքնին պէտք եղածին չափ չեն զուարձացներ։ Սակայն եւ այնպէս ուղիղ պիտի չըլլար ըսել թէ երբեք չեն փորձեր զուարձանալ. միայն թէ պէտք է ընդունիլ որ այդ մասին միջակ յաջողութինս մը միայն ձեռք բերած են։ Արդ, ի՞նչ է ասոր պատճառը։

Ոմանք կ'ամբաստանեն առեւտուրը. ուրիշներ՝ տընտեսական հարցերը կամ ընկերային վիճակները։ Վաճառականական հակառակութիմներ, չափազանց խստապահանջ ուսմանց ծրագիրներ, եւ ուրիշ ասպարէզներ դեռահամներուն կեանքը կը դժուարացնեն, եւ չեն թողուր հաճոյքներու եւ զբօսանքի վրայ խորհիլ։ Արդարեւ վաճառականական մրցումը, ապրուստի դժուարութիմները, մարդուն ժամանակն ու խորհուրդը այնչափ

գրաւած են որ մարդ չի կրնար զուարձութեան վրայ մտածել։ Բայց նոյն իսկ այս պարագաները պէտք է պատճառ ըլլան որ մարդ իր անձին եւ իրեններուն օգուտին համար հետամուտ ըլլայ զուարձութեան առիթներ գտնելու։ Քիչ անգամ չէ որ զինուորներ երկու ճակատամարտներու մէջտեղ երգած են ցնծութեամբ, եւ կարծեմ ինքզինքս չեմ խաբեր մտածելով թէ մարդկային ցնծութիմնը իր մեծագոյն յաղթանակներէն մի քանին երգած է կեանքին դժուարին ժամանակներուն մէջ։ Ուստի հաստատ կը մնամ իմ սա համոզումիս մէջ թէ մեր ներկայ վիճակին պատճառները մարդոց իրենց մէջ փնտուելու է քան այլուր։ Արդարեւ շատ մարդիկ ջանքեր ըրած են ու կ'ընեն որպէս զի հաճոյքը, զուարձութիւնը, զբօսանքը վերակենդանանան. կարելի է ամէս միջոց ի գործ կը դնեն, բայց այս բոլոր բարդ թորանցներէն մէկ կաթիլ զուտ, իրական ուրախութիւն չի զտուիր։ Պէտք չէ շփոթենք հաճոյքն ու հաճոյքի գործիքը։ Նկարիչ մը ըլլալու համար վրձին մը ունենալը, կամ դաշնակահար մը ըլլալու համար մեծագին, պատուական դաշնակ մը ձեռք ձգելը պիտի բաւէր արդեօք։ Եթէ նոյն իսկ քու զուարձութեանդ համար արտաքին ամէսէն կատարեալ եւ ճարտարարուեստ առարկաները ունենաս, դարձեալ մեծ յաջողութիւն ձեռք պիտի չկըրնաս ձգել։ Միւս կողմէ, սակայն, մեծ նկարիչ մը կտոր մը ածուխով կրնայ անանկ ուրուագիծ մը յօրինել, որ անմահ գլուխ գործոց մը հանդիսանայ։ Նկարիչ ըլլալու համար մարդ պէտք է տաղանդ կամ հանձար ու-

Նենայ, եւ զուարձանալու համար ալ՝ երջանիկ կարենալ ըլլալու կարողութիւնը։ Սկեպտականութիւնը, արուեստական կեանքը, եւ կեանքին չարաշար գործածութիւնը կ'եղծանեն, կը չքացնեն այս կարողութիւնը, եւ վստահութիւն, չափատրութիւն, խորհուրդի եւ գործունէութեան բնորոշ ունակութիւններ կը մշակեն զայն։

Այս ըսածիս սքանչելի մէկ ապացոյցը, զոր շատ ալ դիւրին է ձեռք ձել, սա իրողութիւնն է թէ ուր մարդ հանդիպի պարզ եւ քաջառողջ կեանքի մը, այդ կեանքին ընկերացած կը տեսնենք վաւերական, յանձնարարելի հաճոյքը, ինչպէս անուշահոտութիւնը բնական ծաղիկին։ Այս տեսակ կեանք մը կրնայ դժուարին, ցնցուած կեանք մը ըլլալ, եւ զրկուած այն բաներէն զոր սովորաբար կը նկատենք նոյն իսկ հաճոյքին պայմանները. բայց մարդ հոն կը տեմնէ բողըոջին այն հազուագիւտ եւ փափկասուն ծաղիկին, զոր ուրախութիւն կ'անուանենք։ Ան իր ծիլերը կ'արձակէ սալայատակին երկու քարերուն մէջտեղին, պատին պատուածքէն եւ ժայռի ճեղքուածքին մէջէն։ Եւ մարդ կը հարցնէ իւրօվի. «Ի՞նչպէս եւ ուրկէ բուսաւ այս։» Բայց այդ ծաղիկը կ'աճի ու կը մեծնայ հոդ, մինչդեռ տաքուկ ջերմանոցներուն մէջ, պարարտ հողերու վրայ կը մշակես զայն իր ծանրութեամբ ոսկի ծախսելով, ու քու ձեռքերուդ մէջ անոր թառամին ու թօշնիլը միայն կը տեսնես։

Հարցուցէք թատրոնի մը դերասաններուն թէ ժողովուրդին ո՞ր դասակարգը ամէնէն աւելի կը զուարձա-

նայ կատակերգութեամբ, եւ պիտի ըսեն քեզ թէ ժողովուրդին միջակ դասակարգին պատկանող մեծ զանգուածը։ Դժուար չէ ասոր պատճառին վերահասու ըլլալ։ Այդ դասակարգին համար կատակերգութիւնը բացառութիւն մըն է։ Յագեցած չէ անով, որովհետեւ զայն իրական կեանքին մէջ չափազանց վայելած չէ։ Ասկէ զատ, կատակերգութիւնը կը նկատէ իբր դադար մը կեանքին ծանր, բիրտ աշխատանքներէն։ Հաճոյքը, զոր կը գտնէ անոր մէջ, ճակտին քրտինքովը շահած է. բայց ասկէ զատ այդ հաճոյքը արուեստագէտներուն մեքենայութիւններով խառնուած չէ, չի ճանչնար անոր ո եւ է մէկ պատրանքը ու կը հաւատայ անոր։ Կը տեսնեմ յափրացած սկեպտիկը որ քրքիջներ արձակող ժողովուրդին վրայ իր օթեակէն արհամարհալից ակնարկ մը կը նետէ, եւ կ'ըսէ, — «Խեղճը, տիմար, տգէտ գեղջովկներ։»

Եւ սակայն ասոնք են իրապէս ապրող էակները, մինչ ինք արուեստական էակ մըն է, մարդակերպ մը (ταντοίκιο), որ անկարող է մէկ ժամուան պարզ հաճոյքի այդ պատուական, առողջարար արրշիոքը ունենալու։

Տարաբախտօրէն անբռնագրօսիկ անարուեստութիւնը աներեւութանալու վրայ է նոյն իսկ հանրային տեղերէն։ Կը տեսնենք քաղաքներու բնակիչները, եւ վերջերս գիլերու բնակիչներն ալ, որոնք հին պատուական աւանդութիւնները եւ սովորոյթները կը լքանեն։ Միտքը, ալ քոլով մշուշապատ, խաղի եւ մրցումներու կիր-

քերով եղծուած, վնասուած նաեւ վատառողջ գրականութեամբ, տակաւ առ տակաւ վնասաբեր ճաշակներ կը սնուցանէ: Արուեստակեալ կեանքը նախապէս պարզ տեղեր եղող այս կեղրոններուն մէջ ալ մուտ կը գործէ գրեթէ բոնի, եւ ահա անմիջապէս կը տեսնես որ այն արդինքը յառաջ կը բերէ, ինչ որ կ'ընէ որթալուիճը այգիներուն: Առոյգ, կենսալից թուփը, գիւղացին ուրախութինն ու պարձանքը, կը զգայ թէ իր մէջ ալ չի հոսիր կենսապարգեն հիւթը, եւ ահա տերենները կը դեղնին ու ծառը կը չորնայ: Բաղդատեցէք վաղեմի բացօթեայ տօներէն մին գիւղական արդի խաղերուն հետ, որոնք «արդիացած» են: Մարդիկ իրենց մասնաւոր տարազովը կ'երգէին, կը ցատկէին, կը պարէին, կը խմէին իրենց բնական ըմպելիները եւ հոգով ու սրտով կը գուարճանային: Հիմա գիւղացիները, ծատեալ իբր քաղաքացիներ, միատեղ կը հաւաքուին, եւ երբեմն քանի մը հատ ալ շրջուն, տասներորդ կարգի վատասերած դերասաններ կու գան, որոնք կը կանչեն նուազահանդէսներու երգերը: Կը խմեն ալքոլով շինուած ըմպելիներ կամ ապսէնթ: Ոչ ինքնատպութիւն, ոչ ալ նկարագեղ բան մը կայ այս տեսակ զբոսանքի մէջ:

*
* *

Հաճոյքի, զբոսանքի հարցը կենսական հարց մըն է: Ամէնէն հանդարտաբարոյ մարդիկը զայն զանց կ'ընեն իբր փուճ բան մը, եւ օգտապաշտները՝ իբր մեծածախս պերճանք մը: Ասոնք կ'երեւի թէ երեք չեն հասկնար

մարդկային այն անհուն շահը որ ուրախութեան հետ կապուած է: Սրբազն բոց մըն է ան, զոր պէտք է վառ պահել, եւ որ կեանքը լուսաշող եւ զուարթարար կ'ընէ: Այն անձը որ կ'որոշէ մշակել զայն, մարդկութեան այնքան օգտակար գործ մը կատարած կ'ըլլայ որքան ճարտարագէտ մը, որ կամուրջներ կը շինէ եւ փափուղիներ կը ծակէ, կամ երկրագործ մը, որ դաշտը կը մշակէ: Երբ մարդ կը վարէ այս տեսակ կեանք մը, որ իր կեանքին բոլոր աշխատութեանց կամ տուայտանքներուն մէջ կարենայ երջանիկ ըլլալու կարողութիւնը պահպանել ու մշակել, եւ ոչ միայն այսքան, այլ նաեւ կարողանայ տեսակ մը օգտաբեր փոխանցումով երջանկութիւնը ծաւալել իր ընկեր արարածներուն մէջ, այն ատեն կատարած կ'ըլլայ համերաշխութեան գործ մը, բառին ամէնէն ազնիւ առումով: Ի՞նչ աստուածային իրագործում այս ողորմելի Մարդկութեան ծրագրին մէջ, եթէ մարդ կարող է քիչ մը հաճոյք պատճառել, խորշումած ճակտի մը կնճիռները պարզել, կամ մուժ ուղիներուն վրայ քիչ մը լոյս սփոել: Բայց սրտի ամենամեծ պարզութեամբ է որ մարդ կրնայ աստուածային այս ծրագիրը իրագործելու մէջ յաջողիլ:

Երջանիկ ըլլալու եւ երջանիկ ընելու համար պէտք եղած պարզութիւնը չունինք: Բարեսիրութիւն եւ անձնամոռացութիւն չունինք: Ուրախութիւն եւ սփոփանք կը ծաւալենք այն տեսակ գործողութիւններով, որոնք միայն բացասական արդինք յառաջ կը բերեն: Ի՞նչ կ'ընենք մէկը միսիթարելու համար: Կը ժիտենք իր

տառապանքը, եւ կը ջանանք համոզել թէ ինքզինքը թշուառ եւ տարաբախս նկատելուն մէջ կը սիսալի : Վշտացեալի մը միհիթարութիւն պարգեւելու մարդկային միակ յաջող միջոցն է անոր հետ վշտացիլ սրտանց :

Մեր դրացին հաճելի ժամ մը անցնել տալու համար ալ ուրիշը միհիթարելու մեր սիսալ կերպը կը գործածենք շատ անգամ : Կը հրաւիրենք զինքը որպէս զի հիանայ և խելքին վրայ, խնդայ և սրամիտ կատակներուն վրայ, սքանչանայ մեր խօսքերուն եւ կարողութեանց վրայ, մեր տունը յաճախէ, մեր սեղանը նստի եւ ամէն տեղ ցուցամոլութեան մեր բաղձանքը փայփայէ, փառաբանէ : Երբեմն ալ տեսակ մը առատաձենութեամբ և իսկ ընտրած զուարճութեան ողորմութիւնը կը մատուցանենք : Գէթ չհրաւիրենք զանիկա մեզի հետ զուարճացնել ինքզինքը, ինչպէս կը հրաւիրենք մէկը թղթախաղի մը՝ մեր վարպետութիւնը եւ ճարպիկութիւնը ցուցադրելու ներքին դիտումով :

Կը կարծէք թէ ուրիշներուն մեծագոյն հաճոյքն է հիանալ մեր վրայ, մեր գերադասութիւնը ճանչնալ, կամ իբր գործիք մը մեզի ծառայել : Աշխարհի մէջ կայ արդեօք աւելի մեծ տաղտուկ մը քան զգալ թէ վարձեալ ծափահարներու դերը կատարելու համար հրաւիրուած ենք կամ պաշտպանուած : Ուրիշներու, ինչպէս նաեւ մեր անձին, ճշմարիտ հաճոյք պատճառելու համար հարկ է մէկոյի դնել ԵՄԸ, որ այնքան ատելի է, եւ շղթայել զայն զուարճութեան այդ բոլոր միջոցին : Ընկերական, հաճելի, բարեսիրտ մարդիկ ըլլանք . ծած-

կենք մեր փառասիրութիւնները, պահենք մեր տիտղոսները, եւ ուրիշները զուարճացնելու համար ինքզինքնիս բոլոր սրտով ուրիշներուն տրամադրութեան տակ դնենք : Ապրինք երբեմն ուրիշներուն ժպիտ մը պատճառելու համար, հոգ չէ եթէ ժամուան մը համար միայն ըլլայ, մոռնալով ուրիշ ամէն բան : Զոհողութիւնը առերեւոյթ է միայն . որովհետեւ ոչ ոք աւելի լաւ կերպով զուարճացուցած կ'ըլլայ ինքզինքը, քան այն որ զիտէ իր շուրջը եղողներուն երջանկութիւն եւ անձնամոռացութիւն պատճառել :

Ե՞րբ արդեօք բաւական պարզ անձինք պիտի ըլլանք որպէսզի չգործածենք անանկ ձեւեր, որով մարդիկ հաւաքոյթներու մէջ մեզ առաջին կարգը դասեն . ձեւեր՝ որոնք մեր կեանքին մէջ մեր ջիղերը կը խարտոցին ամէն օր : ԶԵ՞նք կրնար ժամ մը մոռնալ մեր յաւակնոտութիւնը, մեր բաժանումները, մեր դասակարգը, մեր անձերը . կարծ խօսքով, դարձեալ տղայ ըլլալ, եւ դարձեալ խնդալ կոկորդալիր, քրքջածայն, որ մարդուն այնքան օգտակար է, եւ կը նպաստէ լաւագոյն մարդեր ըլլալու :

*
* *

Հոս կը փափաքիմ դեռահամներուն հաճոյքներու մասին քանի մը խօսք ընել : Եթէ կը փափաքիք որ երիտասարդները մաքուր ըլլան եւ բարոյականի տէր, մի զլանաք անոնց օրինաւոր հաճոյքներ պարգեւել, եւ այդ հաճոյքները դիպուածին մի ձգէք : Թերեւս պիտի

պատասխանէք թէ դեռահասները չեն ուզեր որ իրենց զբուանքները օրէնքներով կառավարուին, կամ թէ մեր օրերուն մէջ երիտասարդութիւնը աւրուած է եւ արդէն չափազանց հաճոյքներ ունի: Պիտի պատասխանեմնախ թէ կրնանք հաճոյքներու մասին գաղափարներ թելադրել, հրահանգներ տալ, առիթներ ստեղծել՝ առանց օրէնքներ դնելու: Երկրորդ՝ կը փափաքիմ դիտել տալ ձեզ թէ կը սխալիք երբ կ'երեւակայէք թէ երիտասարդութիւնը չափազանց հաճոյքներ ունի արդէն: Այն արուեստական, ջլատիչ եւ մեղկացուցիչ հաճոյքներէն զատ, որոնք կեանքը կը խամրեն փոխանակ աճեցուն, ուոճազարդ եւ կենսախայտ ընելու զայն, շատ քիչ հաճոյք կայ այսօր: Զեղծումը, օրինաւոր գործածութեան այդ թշնամին, այնքան աւրած է երկիրը, որ դժուար է բան մը գտնել զոր աղտոտած ըլլայ:

Այսօրուան դեռահասներուն մէջ, մանաւանդ ինք-զինքնին յարգող դասակարգին մէջ, հաճոյքի պակասը խորունկ վիշտ կը պատճառէ իրենց: Առանց վսասի եւ անպատեհութեան չէ որ այս պատուական զօրացուցիչն զրկուած ենք: Անկարելի է իրաց այս վիճակը աւելի երկարել առանց մեր նորահաս սերունդին մեծ կամ փոքր վսաս հասցնելու: Պէտք է օգնենք անոնց: Մեր տղաքը մեր յաջորդները պիտի ըլլան աշխարհին մէջ, որ զուարթութեան նշոյլներով պէտք է փայլի: Մեր ըոլոր գործերը ու հոգերը անոնց ժառանգութիւն կը ձգենք: Գէթ ջանանք անոնց օրերը աւելի զուարթ ընել: Հաճոյքներ կազմակերպենք, ապաստաններ ստեղծենք

եւ մեր սրտերն ու տուները բանանք անոնց առջեւը: Թող ամբողջ ընտանիքը մասնակցի անմեղ խաղի մը՝ տան մէջ: Թող զուարթութիւնը դադրի ներածեալ ապրանք մը ըլլալէ: Հաւաքենք մեր տուներուն մէջ մեր զաւակները, զորս մեր տիխարբոյր եւ թաղծալից ընթացքը դուրս կը որկէ փողոցներու մէջ, եւ մեր աղջիկներուն առանձնութեան անհամ ժամեր ճաշակել կու տայ: Ընտանեկան երեկոյթներ, ժամանցներ, ընդունելութիւններ եւ պտոյտներ կազմակերպենք: Թող դպրոցն ալ իր բաժինը ունենայ: Ուսուցիչները եւ ուսանողները աւելի յաճախ տեսնեն զիրար եւ զուարձանան միատեղ: Այս բանը շատ նպաստաւոր պիտի ըլլայ կրթական գործը լաւ կերպով յառաջ տանելու մասին, եւ այսպէս ուսանողին եւ ուսուցիչին գործը աւելի արդիւնաւոր պիտի ըլլայ: Զկայ բան մը որ նման ըլլայ մեր ուսուցչապետներուն հետ ունեցած մեր մէկ հաճելի եւ խնդալից տեսակցութեան: Եւ փոխադարձաբար, ուսանող մը աւելի լաւ ճանչնալու համար չի բաւեր որ ուսուցիչը տեսնէ զայն՝ միայն դասարանին մէջ կամ քննութեանց սրահը:

Եւ սակայն ով պիտի հայթայթէ այս բաներուն համար պէտք եղած դրամը, հարցնէ մէկը թերեւս: Ի՞նչ անիմաստ հարցում: Ահա այդ է կենսական սխալը: Մարդիկ դրամը եւ հաճոյքը թուզունի մը երկու թեերը կը սեպեն: Աւաղ, այս պատրանքը շատ հասարակ է: Հաճոյք կամ զրօսանք, աշխարհի մէջ ամէն իրապէս թանկագին բանի նման, ոչ կը գնուի եւ ոչ կը ծախուի:

Մարդ ինքոհնքը զուարձացնելու համար իր անձն բան մը տալու է. այս է կարեւորը։ Արգիլուած չէ քսակդ բանալ, եթէ կրնաս եւ եթէ օգտակար կը սեպես։ Բայց կը վստահացնեմ ձեզ թէ անհրաժեշտ չէ այդ։ Զուարձութին եւ պարզութին երկու հին ծանօթներ են։ Մանօթներ, բարեկամներ, դրացիներ ընդունէ տանդ մէջ պարզ կերպով։ Եւ դուն ալ պարզ կերպով այցելութիններ տուր, գնա ուրիշներուն տուները։ Միրուն, հաճելի եւ հաւատարիմ եղիր քու ընկերներուդ եւ հիւրերուդ, եւ ահա այս կերպով իրական եւ անկեղծ զրուանք եւ զուարձութին վայելելու մէջ ստոյգ յաջողութին պիտի ունենաս։

ԳԼՈՒԽ Է

ՎԱՐՉԿԱՆ ՈԳԻՆ ԵՒ ՊԱՐՁՈՒԹԻՒՆ

Դրամին յաճախ մոգական զօրութին մը կը վերագրուի, իբր թէ կարող ըլլար մարդուն պարգեւել կեանքին ամէն հաճոյքն ու երջանկութիւնը։ Այս տեսակ նախապաշարումներու խիստ մօտէն տեղեակ ըլլալուս համար կը փափաքինք այս նիւթին վրայ ալ քանի մը խօսք ընել, համոզուած ըլլալով թէ այս ինդրոյն յարակից շատ ճշմարտութիւններ կան։ Ասոնք նոր ճշմարտութիւններ չեն, բայց յաճախ կը մոռցուին։

Առանց դրամի ապրելու միջոց մը չեմ կրցած գտնել ես։ Ինչ որ բոլոր տեսականագէտներն ու օրէնսդիրները կարողացած են ընել ցայսօր, ասոնք՝ որ դրամը կ'ամբարաստանեն իբր ամէն չարեաց ակն ու աղբիւրը, ուրիշ բան եղած չէ բայց միայն անոր անոնցը կամ ձեւը փոխել։ Երբեք կարող եղած չեն՝ առանց իրերուն վաճառականական արժէքը ներկայացնող նշանի մը վարել կեանքն ու անոր գործերը։ Դրամը վերցնելը՝ գիրը վերցնելու նման բան մը պիտի ըլլար։ Եւ սակայն նուազ ճշմարիտ չէ թէ դրամին հարցը նեղիչ եւ ձանձրառիթ հարց մըն է։ Մեր բարդ կեանքին գլխաւոր տարրերէն մին կը կազմէ։ Տնտեսական դժուարութիւններ, որոնց մէջ կը մաքաղինք, ընկերային սովորոյթներ եւ արդի կեանքին ուրիշ ամէն ազդակ, դրամին այնքան բարձր դիրք մը տուած են որ զարմանալի չէ եթէ մարդկային երեւակայութիւնը անոր տեսակ մը մոգական զօրութիւն կ'ընծայէ։ Եւ ինդրոյն այս կողմին վրայ է որ կ'ուզենք յարձակիլ։

Դրամ բառը վաճառք կամ ապրանք բառին մէկ ուրիշ անունն է։ Եթէ ապրանք չկենար՝ դրամն ալ գոյութիւն պիտի չունենար. բայց որքան ժամանակ որ վաճառք կայ, դրամ ալ պիտի կենայ, ինդիր չէ թէ ինչ ձեւի տակ ըլլայ ան։ Աղբիւրն ու ակը այն բոլոր գեղուսմին, որոն թիրախն եղած է դրամը, շփոթութիւն մը եւ սխալ հասկցողութիւնն է։ Այդ բառին եւ վաճառքի գաղափարին հետ կը շփոթենք այն տեսակ առարկաներ, որոնք բնաւ յարաբերութիւն չունին իրա-

րու հետ։ Ուզած ենք յաճախ կարգ մը բաներու տալ վարձկան արժէք մը, զոր բնաւ չունին եւ ունենալու չեն։ Առուծախի գաղափարները արշաւած են անանկ սահմաններ ալ, ուր այդ գաղափարները պէտք էր եւ իրաւամբ պէտք էր որ իրարու անծանօթներ, թշնամիներ եւ յափշտակիչներ նկատուէին։ Օրինաւոր է որ ցորեն, գետնախնձոր, գինի եւ ուրիշ մնուցիչ նիւթեր ծախուէին եւ մարդիկ գնէին զանոնք։ Կատարելապէս բնական էր որ մարդու մը աշխատանքը ապրելու իրաւունքը տար իրեն, եւ իր ձեռքը զնէր իր իրաւոնքները ներկայացնող փոխարժէք մը։ Բայց հոս արդէն նմանութիւնը կը դադրի կատարեալ ըլլալէ։ Մաշղու մը աշխատանքը ապրանք մը չէ նոյն իմաստով որով կ'ըսենք «պարկ մը ցորեն» կամ «կողով մը ածուխ։» Այս աշխատանքին մէջ կը մտնեն տարրեր, զորս դրամով չենք կարող հաշուել։ Կարճ խօսքով, բաներ կան զորս դրամը չի կրնար գնել, ինչպէս քուն, ապագան գիտնալ, կամ տաղանդ։ Այն անձը, որ կ'ըսէ թէ այս բաները կը ծախէ, կրնայ պակասամիտ կամ խաբերայ մը նկատուիլ։ Եւ սակայն կան մարդիկ, որոնք նմանօրինակ բաներով դրամ կը շինեն, կը վաճառեն իրենց չվերաբերող բաներ եւ դիրախաբ մարդիկ անոնց պատիր արժէքներուն փոխարէն իրական դրամ կը վճարեն։ Եւ այսպէս կան հաճոյքներու վաճառականներ, սիրոյ վաճառականներ, հրաշքներու վաճառականներ եւ հանրային զգացման վաճառականներ. եւ այս «վաճառական» անոնը որ պատուատր տիտղոս մըն է երբ կը պատ-

կանի իրական վաճառականական ապրանքներու, յուսախաբութեանց դառնագոյնը կը պատճառէ երբ կը վերաբերի սրտի, կրօնքի եւ երկրի մը կամ համայնքի մը իրերուն։

Գրեթէ ամէս մարդ միասնաբար կը դատապարտէ իբր ամօթալի բան մը երբ կը տեսնէ մէկը, որ կը ծախէ իր զգացումները, իր պատիւը, իր պաշտօնին համազգեստը, իր գրիչը եւ իր հրամանը։ Դժբախտաբար այն բանը, զոր տեսականին մէջ հակասող չկայ, այն բանը որ, ինչպէս կ'ըսենք, կը նմանի հասարակ տեղիքի մը, քան վսեմ բարոյական ճշմարտութեան մը, գործադրութեան դնելու ատեննիս ամենամեծ դժուարութեան կը բախինք։ Վերը յիշուածներուն վաճառականութիւնը աշխարհը ողողած է։ Վաճառականները հաստատուած են նոյն իսկ սրբարանին մէջ, եւ «սրբարան»ով կրօնական բաներն ըսել չեմ ուզեր միայն, այլ բոլոր այն բաները, զորս մարդկութիւնը նուիրական կը սեպէ եւ անբոնաբարելի։ Դրամը չէ որ մեր կեանքին բարդ հանգամանք մը կու տայ, այլ վարձկան ոգին՝ որ կ'ապականէ եւ կը պղծէ զայն։

* * *

Վարձկան ոգին կ'առաջնորդէ մեզ միակ հարցումի մը. — «Ո՞րքան բան կը խոստանայ ինծի։» Եւ կ'ամփոփէ այդ բոլորը սա առածին մէջ թէ «Դրամով մարդ ամէս բան կրնայ ձեռք ձգել։» Կենցաղավարութեան այս երկու սկզբունքներով համայնք մը կրնայ իշնել

անբարոյութեան այն աստիճանին զոր նկարել կամ երեւակայել անկարելի է:

«Ո՞քան բան կը խոստանայ ինծի.» այս հարցումը, որ այնքան օրինատոր հարցում մըն է երբ կը վերաբերի մարդուն իր աշխատանքով իր ապրուստը ապահովելու նախահոգութեանց, զարհուրելի հարցումի մը համեմատութիւնը կ'առնէ երբ ամէն չափ ու սահման կը գլէ կ'անցնի եւ մարդուն կեանքին վրայ կը տիրապետէ: Ասիկա այնքան ճշմարիտ է որ բնաջինջ կ'ընէ մեր հացը շահող աշխատութիւնն իսկ: Ես վճռումի փոխարէն աշխատող մըն եմ, եւ այդչափ միայն. բայց եթէ իմ աշխատութեանս մէջ օրականս ստանալու խորհուրդէս զատ ուրիշ ներշնչում մը չունիմ, ասկէ աւելի գէշ բան չկայ: Այն մարդը, որուն գործելու շարժակիթը իր օրականը կամ շաբաթականը ստանալն է միայն, շատ ողորմելի գործաւոր մըն է: Ինչ որ կը շահագրգոէ զինքը՝ իր ժամանակ չէ, այլ ժամանակ: Եթէ կրնայ փախուստ տալ իր գործէն առանց շաբաթականը կտրելու, վստահ եղիր թէ գործը պիտի չգործէ: Գործաւոր, որմնադիր, մեքենագէտ, ով որ ալ ըլլայ, եթէ իր գործը չի սիրեր եւ անոր մէջ շահագրգութիւն կամ արժանապատութիւն չզգար, ողորմելի աշխատաւոր մըն է:

Այն բժիշկը, որ միայն իր այցելագինին վրայ կը մտածէ, վստահելի մէկը չէ, եւ առէկ չէ որ մարդ իր կեանքը անոր վստահի, քանզի զինքը գործելու դրդողը քու երեսէդ իր քսակը պարարտացնելու բաղանքն է: Եթէ իր շահը այն կը պահանջէ որ աւելի երկար ատեն

տառապիս քու տկարութեամբդ, հիանդութիւնդ յառաջ տանելու կարող է փոխանակ առողջութիւնդ քեզի վերադարձնելու: Այն անձը, որ տղոց դաստիարակութեան մէջ իր շահը միայն կը փնտոէ, խեղճ ուսուցիչ մըն է: Ի՞նչ արժէք ունի նաեւ վարձկան լրագրութիւնը: Այն օրը երբ կը գրես մէկ-երկու տասնոցի համար, գրածդ կը դադրի նոյն իսկ այդ տասնոցը արժելէ: Մարդկային աշխատութիւնը որքան շատ հպում ունենայ բարձրագոյն հանգամանք ունեցող իրերու, վարձկան ոգին, եթէ մուտ գոմէ հոն, այնքան կ'ամրացնէ եւ կ'ապականէ զայն: Շատ ճշմարիտ է թէ ամէն աշխատանք պէտք է փոխարինութիւն մը ստանայ, թէ ամէն անոնք, որոնք իրենց ջանքերը կը նուիրեն կեանքը պճնելու եւ զուարթացնելու, իրաւունք ունին արեւին տակ տեղ մը ունենալու, եւ ով որ օգտակար բան մը չըներ, իր ապրուստը չի շահիր, մէկ խօսքով՝ մակարոյծ մըն է: Բայց չկայ աւելի ծանրակշոփ ընկերային սխալմոնք մը քան համիլ այն կետին, ուր օգուտ մը քաղելը կ'ըլլայ գործի եւ աշխատութեան միակ շարժառիթը: Մեր մէջ գտնուած լաւագոյն բանը, ըլլայ ձեռքի ոյժ, սրտի ջերմութիւն կամ իմացական կորով, ճիշդ այն բանն է զոր ոչ ոք կրնայ դրամով գնել: Ոչինչ այնքան յըստակ կերպով կ'ապացուցանէ թէ մարդ մեքենայ չէ քան սա իրողութիւնը, — երկու մարդ կ'աշխատին նոյն ոյժով, նոյն շարժուձեւերով, եւ սակայն գլխովին տարբեր արդինքներ յառաջ կը բերեն: Ի՞նչ է այս բներելոյթին պատճառը. — իրենց նպատակներուն անհա-

մածայնութիւնն ու տարբերութիւնը։ Մին վարձկան ոգի մը ունի, միւսը՝ պարզ հոգի մը։ Երկուքն ալ իրենց վճարումը կը ստանան, բայց մէկուն գործը ամուշ է, միւսը իր ամբողջ հոգին դրած է իր գործին մէջ։ Առաջինին գործը կը նմանի աւագի մը հատիկին, որ աւագի հատիկ մըն է վերջապէս եթէ յափենականութիւն մըն ալ սպասէ, եւ այդ հատիկէն բան մը յառաջ չի գար, մինչդեռ միւսը կենսունակ սերմ մըն է հողին վրայ ձգուած։ կը ծլի եւ պտուղ կը բերէ։ Միայն այս կերպով կարելի է բացատրել թէ ինչո՞ւ այսքան մարդիկ իրենց գործերուն մէջ յաջողութիւններ չեն ունենար, թէեւ յաջողուածներուն արտաքին միջոցները կը գործածեն։ Ինքնաշարժ մեքենաները իրենց նմանները յառաջ չեն կրնար բերել, եւ վարձկան մարդոց աշխատանքը պտուղ չարտադրեր։

* * *

Հարկ չկայ ըսել թէ ստիպուած ենք տնտեսական իրողութեանց առջեւ խոնարհիլ։ ճանչնալ՝ կեամսքին դժուարութիւնները։ Օրէ օր աւելի կը դժուարանայ պատշաճ կերպով մնանելու, հագուելու, օթեւանելու եւ ընտանիք մը պահել կարենալու հարցը։ Այս անձը, որ հաշիւ չըներ եւ շրջահայեաց եւ նախահոգ չէ, երազատես մըն է, տիսմար մը, որ ուշ կամ կանուխ պիտի ստիպուի իր աշը կարկառել անոնց՝ որոնց կծծիութիւնը կ'անարգէր։ Այսու հանդերձ ի՞նչ պիտի ըլլայինք եթէ առանց փոխարինութեան մը յոյսին ու է

գործ չընէինք, եթէ մեր աշխատանքը չափել ուզէինք սիրութիւնը բերած դրամով, եւ պարապ ու կորսուած աշանոր բերած դրամով, ու պարապ ամէն գործերը, որոնց խատանք համարէինք մեր այն ամէն գործերը, որոնց դիմացը ու է գումար մը չէինք կրնար գրել մեր տոմարներուն մէջ։

Միթէ մեր մայրերուն ու եւ է վճարում եղած է մեզ սիրելնուն եւ մեզ մեծցնելնուն համար։ Ի՞նչ պիտի ըլլար մեր որդիկական սէրը եթէ ուզէինք դրամական փոխարինութիւն մը ստանալ մեր ալեւոր ծնողքը սիրելնուս եւ հոգալնուս համար։ Ի՞նչ կը ստանանք, ի՞նչ շահ կ'ունենանք երբ ճշմարտութիւնը կը խօսինք. — անհամաձայնութիւններ, երբեմն դժուարութիւններ։ Ի՞նչ ձեռք կը բերենք երբ բարիք կ'ընենք. — ապերախտութիւն, ձանձրոյթ եւ մինչեւ իսկ ուրիշներուն ոխակալութիւնը։ Մարդկութեան ամէն էական եւ կարեւոր արդինքներուն մէջ նուիրումը դեր ունի։ Ինծի համար կուտ մը չեն արժեր այս հիանալի հաշուագէտները որոնց միակ խորհուրդն է աշխարհի մէջ իրենց ապրուստն ու դիրքը ամսխախտ պահել, իրենց այս հաշիներէն դուրս առանց ու եւ բանի մը վրայ մոտածելու։ Տարակոյս չկայ թէ անոնք, որ գիտեն իրենց «բուրդի կծիկը կծկել», խելացի կը սեպուին։ Բայց ուշի ուշով նայէ ասոնց վրայ։ Այս կծիկներուն քանի՛ թելերը արդեօք կը պարտին պարզ մարդոց նուիրումին։ Արդեօք իրենց ներկայ յաջողութիւնը պիտի ունենային եթէ իրենք ալ գործ ունեցած ըլլային միայն իրենց նման խորամանկներու հետ, որոնց նշանաբանն ըլլար «Առանց

Դրամի շիւղ մը չվերցնել :» Ամէնէն ազնիւ ծառայութիւնները, ամէնէն դժուարին գործերը ընդհանրապէս կամ երբեք չեն վարձատրուիր եւ կամ ոչինչ փոխարինութիւն մը կը ստանան : Բարեբախտաբար միշտ պիտի գտնուին բարի մարդեր, որոնք անշահախնդրաբար պատրաստ պիտի ըլլան ծառայելու աշխարհի բարօրութեան եւ երջանկութեան համար առանց վարձի եւ փոխարինութեան . եւ ոչ միայն այսքան,, այլ նաեւ պատրաստ պիտի ըլլան ծառայելու իրենց դրամը, հանգստութիւնը եւ ժամանակը զոհելով : Այս կարգի անձանց բաժինը յաճախ դժուար է եւ վհատումներով լի : Մեզմէ հիշ չէ լսեր դառն փորձառութիւններ, ուր պատմողը կը ցաւէր եւ կը զղջար իր ըրած անցեալ բարերարութեանց համար, որովհետեւ իր այդ տեսակ արարքներուն համար դառն յուսախարութիւններ ունեցած էր : Այս տեսակ մարդիկ իրենց այս պատմութիւններն ընդհանրապէս կը վերջացնեն ըսելով . «Պակասամիտ եմ եղեր որ այս տեսակ ընթացք մը ունեցեր եմ :» Երբեմն իրատունք ունին այսպէս դատելու, քանզի խոզերուն առջեւ մարգարիտ նետելը միշտ սխալմոնք մըն է . բայց քանի կեանքեր կան, որոնց միակ ազնիւ ու գեղեցիկ գործերը անոնք եղած են, որոնց վրայ կը զղջան մարդոցմէ գտած ապերախտութեանց համար : Ինչ որ կը մաղթենք մարդկութեան համար, այս կարգի «պակասամիտ արարքներուն» բազմապատկուիլն է :

* * *

Հիմա կու գանք վարձկան ոգիին դաւանանքին : Իր յատկանիշն է հակիրճ ըլլալը : Վարձկան մարդուն համար «օրէնքը եւ իրատունք»ը սա միակ առածէն կախեալ են . «Դրամով մարդ կրնայ ամէն բան ձեռք ձգել :» Հարեւանցի նայելով ընկերային կեանքին վրայ, արդարեւ ասկէ աւելի բացորոշ բան չկայ : «Պատերազմին ջիղը :» «Հնչուն փաստ :» «Ամէն դուռ բացոր բանալի :» Եթէ դրամին փառքին եւ զօրութեան մասին ըսուած ամէն բան հաւաքենք, Կոյս Մարիամին ի գովեստ երգուած մաղթանքներէն աւելի երկար գովասանք մը պիտի կազմուէր : Որպէս զի պարապ քսակ մը ունեցող անձ մը գիտնայ թէ ինչ բանի պէտք ունի, պէտք է մէկ երկու օր առանց մէկ տասնոցի շանայ ապրիլ մեր գաղիական երկրին վրայ : Հակապատկերներէ եւ անակնկալ դիրքերէ հաճոյք զգացողներուն կ'առաջարկեմ որ անգամ մը փորձեն միմիայն կէս շաբաթ առանց դրամի ապրիլ բարեկամներէ եւ ծանօթներէ հեռու, եւ անծանօթ միջավայրի մը մէջ : Այս տեսակ անձեր քառասունետութ ժամուան մէջ աւելի փորձառութիւն պիտի ստանան, քան այդ վիճակին վարժուած մարդ մը կ'ունենայ ամբողջ տարուան մը մէջ : Աւաղ, մարդեր կան որոնք այս փորձառութիւնը կ'ունենան հակառակ իրենց կամքին, եւ այն ատեն՝ երբ բացարձակ կործանումը իրենց վրայ կը համնի : Թէեւ կրնան մնալ իրենց երկրին մէջ, իրենց երիտասարդութեան օրերու ընկերներուն, իրենց աշխատակիցներուն, եւ մինչեւ իսկ անոնց հետ, որոնք շնորհապարտ են իրենց, բայց զիրենք չճանչ-

նալ կը ձեւացնեն։ Դառնութեան ինչ շեշտով է որ կը յայտարարեն վարձկանութեան այս դաւանանքը թէ «Դրամով մարդ ամէն բան կրնայ ունենալ. առանց դրամի անկարելի է ու է բան ունենալ։» Բարիա մը (Հնդկաց յետին դասակարգին պատկանող մը) կամ բորոտ մը կ'ըլլաս, որմէ ամէն մարդ կը փախչի։ Ճանճերը մեռած մարմիններու վրայ կը հաւաքուին. մարդիկ դրամին կ'երթան։ Դրամը հատմա. տեղը այլ եւս թափուր է։ Այս վարձկան ոգին հրքան արցոննք թափել տուած է, աղի արցոննք, արին արցոննք անոնց որոնք յառաջագոյն թերեւս ուսկի հորթը պաշտողներուն մէջ էին։

Եւ սակայն այս դաւանանքը սիսալ է, հսկայ սիսալ մը։ Յարձակումի պիտի չձեռնարկեմ հնաւանդ հէքեաթով, որուն համեմատ մեծահարուստ մարդ մը անզամ մը անսապատին մէջ կորսուեցաւ եւ իր բովանդակ հարստութեամբը կաթիլ մը ջուր չկրցաւ գնել իր պասուքը անցընելու համար, ոչ ալ առասպելովը այն զառամած միլիոնստիրօջ, որ յօժարեցաւ իր ստացուածքին կէսը տալ անկուտի պատանիի մը, անկէ քսան տարի եւ անոր կորովի առողջութիւնը գնելու։ Ստակ ունեցողներէն, եւ որ աւելին է, բնաւ ստակ չունեցողներէն շատեր կը ծիծաղին այս ճշմարտութեան վրայ իբր ամէնէն հաստատիպ, հինցած ճշմարտութիւնը։ Բայց ես կը հրաւիրեմ մարդիկ որ իրենց յիշողութիւնն ու փորձառութիւնը քրքրէն եւ այն ատեն պիտի տեսնեն թէ «Դրամով ամէն բան կարելի է գտնել» առածը

մերկապարանոց սուտ մըն է։ Քսակր լեցուր եւ գնահաստատուիլ տեղ մը, երկրին մէկ անսկինը ուր պարզ, ակնածալից եւ բարեսիրտ մարդիկ լեցուն են։ Կ'ուզես դրամովդ հանդարտիկ կեանք մը վարել հեռու քաղաքակիրթ աշխարհի արուեստակեալ եւ շպարեալ կեանքն, եւ այդ խաղաղիկ անկեան մէջ ինքզինքդ կը շողոքորթես թէ կրնաս քիչ մըն ալ բանաստեղծութիւն հիւսել քու օրերուդ ոստայնին մէջ։ Առաջին տպատրութիւնդ նպաստաւոր է. նահապետական տարազները, բնական երեւոյթները, եւայլն, առաջին ակնարկիվ ախորժելի տպատրութիւն մը կ'ընեն վրադ։ Բայց քիչ ետքը այդ տպատրութիւնը կ'աւրուի. վաւերական նկատած բաններդ կեղծ կ'ելլեն. այս նահապետական մարդիկը խորամանկ գործի մարդեր են, որ դրամդ կ'ուզեն քաշել։ Ամէն կողմ որոգայթներ, ոստայններ տարածուած են եւ այն ճանճը, որուն կը սպասեն, բայց ես։ Կաթին սերը առնելու հիանալի միջոցները գիտեն, եւ գինին խարդախելու ամէնէն վերջին մեթուններուն տեղեակ են. եւ կը տեսնես որ քաղաքացիններուն ամէն մէկ մոլութիւնը ունին առանց անոնց առաքինութիւնները ունենալու։ Եւ երբ ատէս մեկնած ժամանակդ դրամդ կը համրես, կը տեսնես որ գրեթէ հատեր է, ու կը գանգատիս։ Ու կը հասկնաս թէ դրամը ամէն բան չի կրնար գնել։ Տանդ մէջ խելացի եւ կարող ծառայի մը պէտք ունիս. ջանք ըրէ այդ փինիկը գտնել։ Սա սկզբունքին համեմատ թէ՝ դրամով ամէն բան կարելի է գտնել, պէտք է գտնես քու տուած դրամիդ համեմատ, — մի-

ջակ, սովորական, խիստ լաւ, գերազանց — ծառաներ որ ըլլան միջակ, սովորական, խիստ լաւ եւ գերազանց : Ամէն անոնք, որ քեզի կը դիմեն, ինքզինքնին կը դասեն վերջին կարգին մէջ, — գերազանց, եւ ապահովաբար վկայագիրներ ալ կը ներկայացնեն քեզի՝ իրենց ըսածին ոյժ տալու : Տասնէն ինը ճշմարիտ է թէ այդ խորամանկ մարդիկը էական յատկութիւնները չունին բնաւ : Անոնք արդարեւ պիտի պատասխանեն քեզ ճիշդ կատակերգութեան մէջ յիշուած այն սուլնոց խոհարարին նման որ բան մըն ալ ընել չէր գիտեր, եւ որուն երբ հարցուեցաւ թէ «ինչո՞ւ ըսիր թէ cordon bleu մըն ես,» պատասխանեց . «Բէհ, ամսականս առնելու համար :» Միշտ պիտի գտնես բարձր ամսականի փափաքող մարդեր, բայց կարողութիւն՝ քիչ անգամ : Դիւրաւ պիտի գտնես վարձկաններ . նուիրումին խօսքը մի ըներ : Քաւ լիցի որ ուրանամ անձնուէր ծառաներու, ինչպէս նաեւ ուղղամիտ եւ խելացի պաշտօնեաններու գոյութիւնը : Բայց քիչ ամսական ստացողներուն մէջ ալ նոյնչափ եւ թերեւս աւելի պիտի գտնես այս դասակարգին վերաբերող պաշտօնեաններ, ինչպէս բարձր ամսական ստացողներուն մէջ : Խնդիր չէ թէ ուր կը գտնուին անոնք . բաւական է որ կրնաս վստահ ըլլալ թէ իրենց անձնութիւրութիւնը իրենց շահուն համար չէ, բայց որովհետեւ պարզութեան կուռան մը պահած են, որ կը կարողացնէ զանոնք անձնամոռացութեան :

Երանի թէ գէթ կարենայինք հաւատալ որ դրամով միայն կարելի պիտի ըլլար ամէն թշուառութիւն ամո-

քել ու բարիք ընել : Աւանդ, այդ ալ պատրանք մըն է, զոր մէկ կողմ դնելու ենք : Դրամը, պզտիկ կամ մեծ գումարով, սերմ մըն է, որ զեղծումներու ծնունդ կու տայ : Եթէ մարդ բարեգործութեան վրայ խելք չաւելցներ, եւ մարդիկը ճանչնալու մէջ մեծ փորձառութիւն չունի, դրամով վնաս միայն յառաջ կրնայ բերել եւ կրնայ բարոյական վտանգներու ենթարկել զանոնք որ դրամական նպաստներ կ'ընդունին, եւ զանոնք ալ որ զայնս բաշխելու պաշտօնը ունին :

* * *

Դրամը ամէն բան չի կրնար ընել : Զօրութիւն մըն է ան, բայց ամենազօր չէ : Ոչինչ այնքան բարդ հանգամանք մը կու տայ կեանքին, ոչինչ այնքան կը վատասերէ մարդը, ոչինչ այնքան կ'եղծէ ընկերութեան բնորոշ հանգամանքներն ու շարժումները որքան վարձկան ոգին զարգացումը : Ուր որ կը տիրապետէ ան, կեղծիք մըն է ամէնուն : Մարդ ալ եւս չի կրնար վստահի ու եւ է բանի կամ անձի եւ ոչ ալ կրնայ ո եւ է արդինաւոր բան ձեռք ձգել :

Դրամը վարկաբեկ ընող չենք մենք, բայց անոր համար ալ պէտք է գործածենք սա սովորական կանոնը թէ «Ամէն բան իր տեղը եւ ամէն մարդ իր կարգին մէջ :» Երբ դրամը, որ մեր ծառան ըլլալու էր, մեր վրայ ծանրացող ոյժ մը կ'ըլլայ, որ ոտքի տակ կ'առնէ բարոյական կեանք եւ արժանապատութիւն, երբ ոմանք կը նկրտին ձեռք ձգել զայն ինչ գնով ալ որ ըլլայ,

Հրապարակին վրայ բերելով ինչ որ ապահնք չէ, մինչ ուրիշներ, որոնք հարւտութեան տէր են, կը կարծեն թէ կրնան ձեռք բերել ուրիշներուն համար ծախելն ու գնելը արգիլուած բաներ, այս ատեն պէտք է այդ ուամիկ եւ ոճրապարտ նախապաշարումին դէմ ձայն բարձրացնել եւ գոչել խարեպատիր մարդուն երեսին, «Արծաթ քո ընդ քեզ լիցի ի կորուստ:» Մարդ իր կեանքին ամէնէն անհրաժեշտ ու թանկագին բաներն ընդհանրապէս ձրիաբար կ'ընդունի, որպէս զի ինքն ալ սորվի ձրիաբար տալ:

ԳԼՈՒԽ Ը

ՀԱՄԲԱՒԻ ՄԱՐՄԱԶԸ ԵՒ ԱՆԽՕՍՈՒԿ ԲԱՐՈՒԹԻՒՆՆԵՐԸ

Դարուն գլխաւոր տղայամտութիւններէն մէկն ալ հանրածանօթ ըլլալու սէրն է: Ինքինքնին ծանօթացընել, ամնշան դիրքէ մը ելլել, — ոմանք այնքան տոգորուած են այս բաղձանքով, որ ասոնց համար կարելի է արդարապէս ըսել թէ հանրածանօթ ըլլալու մարմազէն բռնուած են: Ասոնց համար աննշան, անծանօթ դիրքի մէջ մնալը ամենամեծ ամօթ ու նախատինք է. ուստի նշանաւոր ըլլալու, ուշադրութեան առարկայ

դառնալու համար ամէն բան կ'ընեն: Անծանօթ մնալը կորսուած էակներ ըլլալ կը նշանակէ, եւ իբր թէ կը նմանին նաւարեկեալներուն, զորս փոթորիկ մը գիշեր ատեն ամայի ժայոփի մը վրայ նետեր է, ուր կը սկսին աղաղակել, կրակ կը վառեն, եւ երեւակայելի ամէն նշան կու տան, որպէսզի մարդիկ գիտնան թէ իրենք հոն են: Եւ չգոհանալով անվնաս ու անմեղ աղմուկներ յարուցնելէ, կը զիջանին նոյն իսկ գձուձ արարքներու, որպէսզի իրենց անունը հոչակոփի: Հրձիգ երոստրատը, որ նշանաւոր ըլլալու համար եփեսոփի մէջ գտնուած եւ աշխարհի եօթը հրաշալիքներէն մին եղող Արտեմիսի տաճարը կրակի տուաւ, բազմաթիւ աշակերտներ ունեցած է: Քամսիներ անուանի եղած են մեծարժէք բան մը կորսնցուցած կամ կորսնցնել փորձած ըլլալնուն համար, կամ հոչակաւոր հանդիսացած են նշանաւոր համբաւ մը աղարտած կամ աղարտել փորձենուն համար, կամ անուն մը շինած են գայթակղելի արարքով մը, չարամիտ գործքով մը:

Հոչակի դեւը կը փայփայոփի ոչ թէ միայն պակասամիտ գլուխներէ, կամ տնտեսական անկայուն աշխարհին մէջ, ամէն կարգի շարլաթաններու եւ սիկարեաններու կողմանէ, այլ այդ հիւանդութիւնը ճարակած է հոգեկան եւ նիւթական կեանքի ամէն սահմաններուն մէջ: Քաղաքականութիւն, գրականութիւն, մինչեւ իսկ գիտութիւն, եւ որ ամէնէն գայթակղեցուցիչն է, բարեգործութիւն եւ կրօնք հոչակի այս ախտէն վարակուած են: Մարդիկ իրենց բարեգործութեանց համար փողեր

կը հնչեցնեն, եւ հոգիներ դարձի բերելու համար շոնդալից եւ մեծաղորդ կերպեր երեւակայած են։ Բարբարիկներու հետեւողութեամբ աղմուկի տեսնդը մուտ գործած է սովորաբար հաւասարակշիռ միտքերու մէջ, եւ մեծ չափով մը եղծած է բարեգործութիւնը։ Ցուցամոլութիւնը կամ ամէն բան յայտնի ընելու տեսչը, թաքուն մնացած արժէքը գնահատելու մասին յարածուն անկարողութիւնը, եւ իրերու արժէքը անոնց յարուցած աղմուկէն չափելու ունակութիւնը, ասոնք ամէնքը յանգած են ամէնչն լուրջ դատումներն իսկ փոխելու, եւ մարդ երեմն իւրովի կը հարցնէ թէ արդեօք մարդկութիւնը օր մը ինքզինքը հսկայ ցուցահանդէսի մը պիտի չվերածէ, ուր ամէն ոք իր տաղաւարին առջեւ իր թմրուկը զարնէ։

Մարդ սիրայօժար կը մեկնի այն աղմկալից եւ փոշեթաւ ցուցահանդէսներէն՝ երթալ եւ լիաթոք շնչելու համար առանձին ձորի մը մէջ, ուր կը զարմանայ գտնելով որ առուակը այնքան վճիռ է եւ անտառը այնքան հրապուրի։ Փառք Աստուծոյ, որ տակաւին անբոնաբարելի մնացած ապաստանարաններ կան։ Աղմուկը որքան զարհուրելի ալ ըլլայ, եւ այլազան ձայներու խառնուրդը որքան ալ խլացուցիչ, այս ամէնը մինչեւ այս ինչ սահմանին կը նան հասնի եւ ոչ անդին, եւ յետոյ կը մեղմանան ու կը մարին։ Լուլթեան սահմանը աղմուկի սահմանէն աւելի լայնածաւալ է, եւ միիթարութիւնը ասհր մէջ կը կայանայ։

* * *

Հիմա րոպէ մը ոտքերնիս դնենք սեմին վրայ այն ամսահման աշխարհին, ուր կը բնակին գաղտնի բարեգործութիւնը եւ լրիկ աշխատանքը։ Առաջին ակնարկով կը գտնուկնք այն հմայքին ազդեցութեան ներքեւ զոր կը զգանք երբ առաջին անգամ կը տեսնենք ամբիծ, սպիտակափառ ձիւնը, որոն վրայ դեռ ոտք կոխուած չէ, կամ երբ կը դիտենք մենաւոր խորշերուն մէջ փթթող ծաղիկները, կամ կորսուած ուղիները, որոնք կարծես թէ կը յառաջանան դէպի անսահման հորիզոնները։

Աշխարհ այնպէս ստեղծագործուած է որ գործի զսպանակները, ամէնչն աւելի գործօն ազդակները ամենուրեք թաքուն են։ Բնութիւնը կարծես պշրանք մը կը դնէ իր գործերը այսպէս քիչ մը սքորելուն մէջ։ Մարդ զանոնք դիտելու եւ տեսնելու համար գէթ պղտիկ ճիգ մը ընելու է, քիչ մը նեղութիւն յանձն առնելու է եթէ արդիւնքներէն տարրեր բաներ սորվիլ, եւ Մայր Բնութեան աշխատանոցներուն գաղտնիքներուն թափանցել կը փափաքի։ Մարդկային ընկերութեան մէջ ալ այսպէս է. այն բարոյական ոյժերը, որոնք աշխարհի մէջ բարիք յառաջ կը բերեն՝ աչքերէ ծածկուած կը մնան. եւ այսպէս մեր ամէն մէկուն կեանքին մէջ, եւ մեր էութեան ամէնչն պատուական բանը հաղորդելի չէ եւ մեր սրտին ամէնչն գաղտնի խորքերուն մէջ թաղուած է։ Այս թաքուն բարոյական զգացումները որքան զեղուն ըլլան եւ ընդելուգուած նոյն իսկ մեր բնութեան արմատներուն հետ, այնքան քիչ ցոյց կը սիրեն, եւ կը կարծես թէ սրբապղծութիւն մը գործած կ'ըլլան եթէ

ցերեկուան զօրաւոր, պայծառ լոյսին ենթարկեն ինք-
զինքնին: Գաղտնի եւ անբացատրելի ուրախութեան աղ-
բիւր մըն է այս պարագան երբ մարդ ունի խորունկ ներ-
քին կեանք մը, զոր Աստուած միայն գիտէ, եւ որուն
թելադրութիւններովն եւ մղումո՞ն է որ կ'ապրինք, եւ
մեր առօրեայ բարի գործերն ու պարտականութիւնները
կատարելու ամէնէն զօրաւոր շարժառիթները կ'ունե-
նանք: Երբ այս ներքին կեանքը իր խորութիւնը կը
կորսնցնէ, երբ մարդ զանց կ'առնէ զայն՝ աւելի մակերե-
սային կեանքի մը հոգ տանելու համար, կը կորսնցնէ
իրապէս արժէքաւոր բան մը, զոր երեւոյթով ձեռք չի
կրնար բերել: Դժբախտ ճակատագրականութեամբ կը
պատահի նաեւ որ որքան շատ հիացման առարկայ եղած
ըլլանք, այնքան քիչ իրական արժանիքի տէր կ'ըլլանք: Ուստի
համոզուած կը մնանք թէ աշխարհի մէջ ամե-
նալաւ բանը այն է որ զոր չենք գիտեր, քանզի անոնք
միւյն գիտեն զայն որուն տէր են. եթէ այս տեսակ
մարդիկ խօսէին անոնց վրայ, այն ատեն պիտի զրկէին
զանոնք անոնց բոյրէն, համէն ու հոտէն:

Բնութեան խանդավառ երկրպագուներէն ումանք
ամէն բանէ աւելի կը սիրեն անոր ամէնէն մթին եւ հե-
ռաւոր խորշերը՝ անտափն խորութեանց մէջ, հեղե-
ղատներու պատառուածքներուն մէջ: Օրերով կը մնան
հոն, մոռնալով ժամանակն ու կեանքը, դիտելով այս
անբոնաբարելի առանձնութեանց մէջ թոչունի մը իր
բոյնը շինելը կամ իր ձագուկները մեծցնելը, կամ դի-
տելով վայրենի կենդանի մը՝ անոր շնորհալի շարժում-

ներուն եւ գրակչ խաղերուն մէջ: Այս կերպով մարդ
պէտք է Բարին վնտոէ իր մէջը, հոն՝ ուր ճնշում չկայ,
արուեստ կամ շպար չկայ, բայց միայն պարզ իրողու-
թիւնը կեանքի մը, որ կը բարկանայ իրեն համար սահ-
մանուած բարի նպատակը իրագործելու բաղձանքէն, եւ
իրեն համար ծրագրուած դիրքին մէջ միայն գտնուելու
ըղձանքէն:

* * *

Թոյլ տուէք որ այս տեղ ձեզ ներկայացնեմ իրա-
կան կեանքէ քաղած քանի մը դիտողութիւններս: Որով-
հետեւ անուն պիտի չյիշեմ, կը յուսամ թէ անխոհեմ
բան ըրած չեմ ըլլար:

Իմ երկրին՝ Ալզասի մէջ, առանձին ճամբու մը վրայ,
որուն անվերջանալի ժապաէսը կ'երկարածզուի մինչեւ
Վօժի (Vosges) անտառները, կայ քար կոտրող պարզ
մարդուկ մը, զոր իր գործին մէջ տեսած եմ երեսուն
տարիէ ի վեր: Երբ առաջին անգամ տեսայ զինքը, դե-
ռուահաս ուսանող մըն էի, եւ ճամբայ ելած էի մեծ քա-
ղաքը՝ Բարիզ երթալու, եւ միտքս լեցուած էր ամէն
տեսակ խորհուրդներով: Այդ մարդը տեսնելս աղէկ
եղաւ, քանզի քար կոտրելով զբաղած ատենն իսկ երգ
մը կը մոլտար: Իրարու հետ քանի մը խօսքեր փոխա-
նակեցինք, որոցմէ վերջ ըսաւ. —

«Տղաս, արիութիւն եւ բարի յաջողութիւն կը մաղ-
թեմ քեզ:»

Այդ օրէն ի վեր շատ անգամ անցած եմ այդ ճամ-
բէն ամէնէն տարբեր պարագաներու մէջ, վշտահար կամ

Երջանիկ վիճակի մէջ։ Ուսանողը մարդ եղաւ, եւ իր դիրքը փոխուեցաւ. քար կոտրողը նոյնը կը մնայ։ Քանի մը նախազգուշութիւններ աւելի ըրած է եղանակներու փոփոխութեանց դէմ, փսիաթի կտոր մը կը պաշտպանէ զինքը իր ետեւի կողմէն, եւ իր կակուղ բուրդէ գլխարկը աւելի վարօք դրած է ճակատին վրայ, իր գլուխը աւելի լաւ պաշտպանելու համար։ Բայց անտառը միշտ կ'արձագանգէ իր մուրճին ձայնը։ Ո՞րքան փոթորիկներ եկեր են, խեղճ ծերուկ, ինչ փոփոխութիւններ եղեր են իր կեանքին, իր ընտանիքին եւ իր երկրին մէջ երեսուն տարիէ ի վեր։ Ան կը շարունակէ քար կոտրել, եւ երթամ թէ վերադառնամ՝ ճամբուն քով կը գտնեմ զինքը, որ կը ժպտի ի հեճուկս իր տարիքին եւ խորշումներուն, եւ ամէն բանէ աւելի տրտմառիթ օրերուա մէջ կ'ընէ ինծի բարի մարդու մը այն պարզ խօսքերը որոնք այնքան ազդեցիկ են երբ կ'արտասանուին քար կոտրած միջոցին իսկ։ Բացարձակօրէն անկարելի պիտի ըլլար այդ պարզ մարդուն ինծի պատճառած յուզումը արտայայտել։ Եւ անշուշտ ինք երբեք չերեւակայեր թէ նրգան կը յուզէ զիս։ Զեմ գիտեր տեսարան մը որ այսքան միսիթարար ըլլայ, միենոյն ատեն այնքան խիստ՝ մեր սրտերուն մէջ եռացող ունայնամտութեան հանդէպ, քան մեր այս հանդիպումը աննշան գործաւորի մը հետ, որ իր գործը կը կատարէ, ինչպէս կաղնին որ կ'աճի, կամ ինչպէս բարին Աստուած կը ծագէ արեւը, աննկատ թէ ով կը տեսնէ զայն։

Շատ ծերունազարդ ուսուցիչներ կը ճանչնամ, այր

եւ կին, որոնք իրենց բովանդակ կեանքը միշտ միեւնոյն գործին մէջ անցուցած են, այսինքն մարդկային գիտութեան սկզբունքները սերմանելով գլուխներու մէջ, որոնք երեմն քարին աւելի կարծր են։ Ասոնք աշխատած են իրենց բոլոր սրտովը, տաժանելի ասպարէզի բոլոր միջոցին, ուր մարդոց ուշադրութեան շատ քիչ կարեւորութիւն կու տային։ Երբ անոնք իրենց անծանօթ գերեզմաններուն մէջ թաղուին, ոչ ոք պիտի յիշէ զանոնք բայց միայն իրենց նման քանի մը պարզուկ, խոնարհ հոգիներ։ Սակայն իրենց վարձքը իրենց սիրոյն մէջն է։ Ոչ ոք մեր մէջ այս անծանօթներէն աւելի մեծ է։

* *

Արդեօք որքան զաղտնի մնացած առաքինութիւններ պիտի գտնեն մարդիկ մասնաւոր դասակարգ մը անձերու մէջ, զորս յաճախ հեճնած եւ ծաղրած են, չխորհելով թէ այսպէս ընելով ինքզինքնին յանցապարտ ըրած են անգիտութեամբ, ապերախտութեամբ եւ տիսմարութեամբ։ Կ'ուզեմ խօսիլ իրենց օրերն անցուցած օրիորդներու վրայ (old maids)։ Հաճոյք կը զգանք անոնց հագուստին, խօսքերուն կամ ընթացքին մէջ տարօրինակ բան մը գտնելով, որ ինքնին ո եւ է կարեւորութիւն չունի։ Կ'ուզենք նաեւ երեմն յիշեցնել թէ ասոնք իրենց հանգստութենէն զատ ուրիշ ո եւ է բանէ շահագրգութիւն չեն զգար, եւ կը գուրգուրան միմիայն դեղձանիկի մը, կատուի մը կամ շնիկի մը վրայ, որոնց վրայ իրենց բոլոր ուշադրութիւնը կեղրոնացած է։ Այս

բաները անշուշտ եսամոլութեան նշան պիտի չսեպուէին, եթէ տեսնուէին ամէնէն քարացած ամուրի Պարոններուն վրայ: Բայց ինչ որ յաճախ անտեսելու յանցանքը կը գործենք, այնքան համեստօրէն ծածուկ մնացած զոհորութեան մեծ կարողութիւնն է որ կ'երեւի այս կարգի պարզուկ եւ հիանալի կիներու կեանքին մէջ: Ոչի՞նչ է ուրեմն տուն, սէր, ապագայ եւ անձնական փառասիրութիւն չունենալ. իր վրայ կրել առանձնութեան անտանելի բեռը, մանաւանդ երբ արտաքին առանձնութիւնը կը միանայ սրտի առանձնութեան հետ. մոռնալ ինքինք այն աստիճան որ այս աշխարհի մէջ իր ծերուկ ծնողքէն, մատաղ, որբ եղօրորդիներէն, լքուած խեղճերէն եւ անկարներէն զատ ուրիշ շահագրգութեան առարկայ չունենայ: Դուրսէն դիտողի մը համար այս դասակարգին պատկանող էակներ խիստ քիչ զուարթութիւն ունին. աւելի կարեկցութիւն կը հրաւիրեն քան նախանձ կը գրգուն: Անոնք, որ ասոնց կը մօտենան յարգանքով, թաքոն ցաւեր կը նշմարեն անոնց մօտ, երբեմն մեծ տառապանքներ, որոնց բեռան ծանրութեան տակ անոնց անզօր ուսերը կը կքին: Բայց անոնց այս վիճակին մէջ իսկ պէտք է գնահատենք սրտի այն ճոխութիւնը, այն մաքուր, անշահախնդիր բարութիւնը, սիրելու, միսիթարելու, յուսալու այն կարողութիւնը, քաղցրութեան մէջ անոնց անպարտելի յամառութիւնը, եւ անոնց ներողամտութիւնը մինչեւ իսկ այն տեսակ անձերու հանդէպ, որոնք անարժան են: Խեղճ կիներ, քանիները փրկած էք կորուստէն, քանի վէրքեր բու-

ժած էք, քանի քանի խեղճեր գտած էք եւ մերկերը հագուեցուցած էք, որբերու մայր եղած էք: Քանիներ այս աշխարհին մէջ մէկը պիտի չընենային առանց ձեզի, — ձեզի, որ յաճախ ոչ ոք ունիք: Բայց կը մոռնամ: Կայ մէկը որ ձեզ կը ճանչնայ, — մեծ, անծանօթ կարեկցութիւնը, որ մեր կեանքերուն վրայ կը հսկէ: Ձեզի նման մոռցուած՝ ձեզի պարզեւած է իր ամենասուրբ պատգամներէն ոմանք, եւ ապահովաբար ասոր համար է որ երբ ձեր մօտէն կ'անցնինք անուշաղիր՝ կը կարծենք թէ կը զգանք հոգեւոր փրկութեան հրեշտակին թեւաբախումը:

Բարութիւնը ինքինք յաճախ այնքան այլազան ձեւերու տակ կը սքօլէ որ մարդ դժուարութիւն կ'ունենայ զայն գտնելու, ինչպէս դժուարութիւն կ'ունենանք մեղապարտ արարք մը երեւան հանելու: Ուուսիացի բժիշկ մը, որ տասը տարի անցուցած է Սիաթերիոյ մէջ բանտարկեալներու հետ, կը սիրէր կրկին եւ կրկին պատմել ազնուութեան, քաջութեան եւ կարեկցութեան այն գործերը, որոնք կ'երեւէին ոչ միայն բանտարկեալներու մէջ, այլ նաև թիապարտներու պահապաններուն մէջ: Մարդ առաջին ակնարկով պիտի փորձուէր հարցընել, «Բարութիւնը ի՞նչ գործ ունի հոդ:» Բայց իրողութիւնը այն է որ կեանքը մեծ անակնկալներ ունէր հոն եւ յուգիչ հակապատկերներ: Աշխարհի մէջ իրաւ է թէ կան ազնիւ եւ քաջարի մարդիկ, որոնց այս յատկութիւնները, կարելի է ըսել, կ'երաշխատորէ Կառավարութիւնը կամ Եկեղեցին. մարդիկ՝ որոնք ամէն

մեղադրանքէ վեր են բացարձակապէս . գուցէ միայն ըսուի անոնց համար թէ կարծր ու պաղ սիրտեր ունին . բայց մարդ կ'ապշի երը կարգ մը ինկած էակներու մէջ ալ կը հանդիպի անանկներու, որոնք ճշմարիտ գորովալից սրտեր կը կրեն, եւ ինքզինքնին բարի գործի մը նուիրելու պապակը ունին :

* * *

Հիմա թոյլ տուէք որ քանի մը խօսք ընեմ անձանօթ մնացած բարի գործերոն վրայ այս դասակարգին, որոն հետ մարդիկ կարծես երդում ըրած են ամենամեծ անարդարութեամբ վարուիլ : Այս դասակարգը մեծահարուստ մարդիկը կը կազմեն : Ոմանք կը հարուածեն այս դասակարգը անոր ունեցած դրամը «վատահամբաւ դրամագլուխ» բացատրութեամբ որակելով : Ասոնց համար ամէն անոնք, որ մեծ հարստութեան տիրացած են, անբախտներ հարստահարելով յափրացած հրէշներ են : Ուրիշներ, նուազ հոետորական, յաճախ հարստութիւնը անզգայութեան եւ եսամոլութեան հետ կը շփոթեն : Պէտք է արդար ըլլանք հարուատները դատելու մեր կարծիքին մէջ եւ այս ակամայ կամ կամաւոր սիսալներոն մէջ չինսանք : Տարակոյս չկայ թէ հարուատներ կան որ միմիայն իրենց վրայ կը խորհին, եւ ուրիշներ՝ որ միայն ցոյցի համար բարիք կ'ընեն : Մնացեալը գիտենք : Այս տեսակ հարուատներու անձնասէր կամ կեղծ վարմունքը կը նուազեցնէ արժէքը ուրիշներու ըրած բարիքներոն, զորս գիտեն այնքան կատարեալ համեստութեամբ սքօղել :

Մարդ մը կը ճանչնամ որոն կրած դառն վիշտերը կարող էին մարդուն մէջ ամէն զգացում չքացնել : Կորմնցուց իր սիրեցեալ կինը . յաջորդաբար թաղեց իր բոլոր սիրասուն զաւակները : Բայց մեծ հարստութիւն ունէր որ արդինքն էր իր աշխատութեան : Վերջին աստիճան պարզութեան մէջ ապերելով, գրեթէ առանց պէտքերու իր անձին համար, բարիք ընելու եւ անոնցմէ օգտուելու պատեհութիւններ կ'որոնէր : Ոչ ոք կրնայ երեակայել թէ իրենց աղքատութիւնը ծածկող քանիներու անակնկալներ պատճառեց, թէ ինչ միջոցներ հնարեց թշուառութիւնները մեղմելու, մութ կեանքերու մէջ լոյս մը ծագեցնելու, եւ իր բարեկամներոն բարեկամական անակնկալներ ստեղծելու : Իր մեծագոյն հաճոյքն էր ուրիշներու բարիք ընել, եւ ըմբոշինել անոնց զարմանքը, երբ չէին գիտեր թէ ուրկէ կու գար այս օրհնութիւնը : Մեծ հաճոյք կը զգար ճակատագրին անիրաւութիւնները դարմաննելին եւ դժբաղդրութենէ հալածուած ընտանիքներու մէջ ուրախութեան արցունքներ յառաջ բերելին : Կը ծրագրէր, կը մտածէր, կը նիւթէր, կը գործէր, իր «ձեռքը պարկին մէջ բռնուելու» մանկական վախը ունենալով : Մարդիկ իր մահէն վերջ միայն իմացան անոր մեծագործութեանց մեծագոյն մասը, եւ արդեօք անոր քանի գործքերը երբեք պիտի չիմացուին :

Իրական բաժնեկից մըն էր : Քանզի երկու տեսակ բաժնեկցութիւն կայ : Ուրիշներուն բարիքներէն բաժին ստամալու տեսչացուներ բազմաթիւ են եւ ցածողի :

Այս կարգին պատկանելու համար լաւ ախորժակ մը ունենալ բաւական է: Իրենց ունեցածը չունեցողներուն հետ բաժնելու ծարափ եղողները հազուագիտ են եւ վեհոգի. քանզի այս ընտիր դասակարգին մէջ մտնելու համար մարդ պէտք է պատուական եւ արժանաւոր սիրտ մը կրէ, իր անձէն զատուած, զգայոն՝ իր ընկեր արարածներուն թէ երջանկութեան եւ թէ թշուառութեան: Բարեբախտաբար այս տեսակ բաժանարարներու ցեղն անճիտած չէ, եւ անխառն գոհունակութիւն մը կը զգամ մատուցանելով անոնց մեծարանք մը զոր չեն պահանջեր:

* * *

Պիտի ներէք ինծի ուրիշ օրինակ մըն ալ ներկայացնելու համար: Մեծ օգուտ է մարդուն ինքինքը ազատել այսքան անբարոյութեան, զրպարտութեան, յոռետեսութեան եւ շաղաթանսութեան մաղձէն, իր աչքերը հանգչեցնել աւելի գեղեցիկ տեսարաններու վրայ, եւ շնչել անուշահոտութիւնը այն ծածուկ անսկիւններուն, ուր պարզ բարութիւնը կը բողեոջի: Տիկին մը, որ ապահովաբար անծանօթ մըն էր Բարիզեան կեանքին, անգամ մը ինծի պատմեց իր առջեւ պարզուած տեսարաններէն զգացած սարսափը, — խայտառակ յայտարութիւններ, աղտոտ թերթեր, ներկուած մազերով կիներ, որ մրցումներու մէջ զիրար կը կոխուտեն երգեցիկ սրճարաններու, խաղամոլութեան եւ ապականութեան մէջ, — հեղեղ մը մակերեսութային եւ աշխարհիկ կեանքի. «Բաբելոն» բառը չարտասանեց, բայց յայտ-

նապէս այդ բառը ինսայեց ի յարգանս կործանման այդ քաղաքին բնակիչներէն մէկուն որուն կը խօսէր. «Աւաղ, տիկին, իրաւ է թէ տիրապիթ բաներ կան, բայց ամէն բան տեսած չէք:» «Աստուած մի արասցէ որ տեսնեմ,» պատասխանեց: «Ընդհակառակը, երանի թէ ամէն բան տեսնէիք, քանզի եթէ խիստ տգեղ բաներ կան, սփոփարարներն ալ կան: Եւ կեցէք, միայն տեղերնիդ փոխեցէք կամ ուրիշ ատեն մը դիտեցէք: Դիտեցէք Բարիզը առաւտուն կանուխ: Այդ տեսարանը պիտի տայ ձեզ անանկ նիվթեր, որ Բարիզի նկատմամբ գիշեր ատեն ստացած ձեր տպաւրութիւնները պիտի ուղղեն: Գացէք եւ տեսէք ուրիշ բազմաթիւ գործատորներու մէջ փողոցները ապող պարկեշտ մարդիկը, որոնք գործի կը սկսին երբ Բագուսեանները եւ աշխարհիկ անձերը պառկիլ կ'երթան: Ո՞րքան լրջօրէն կ'աւլեն գիշերային խրախճանութեանց մնացորդները: Մարդ կրնար զանոնք Բաղտասարի սեմին վրայի գուշակները անուանել: Անոնց մէջ կիներ ալ կան եւ բազմաթիւ ծերեր: Երբ օդը ցուրտ է, իրենց մատները կը տաքցնեն փշելով անոնց վրայ եւ դարձեալ կը սկսին ապել: Եւ այսպէս ամէն օր: Ասմէնք ալ Բարիզի բնակիչներն են: Անկէ վերջ գացէք շրջականները, աշխատանոցները, եւ ամէնէն աւելի հոն ուր բարձրաց կը գործէ իր գրափիներուն կամ պաշտօնեաններուն պէս: Տեսէք գործատորներու խումբը որ գործի կ'երթայ: Ի՞նչ կտրիճ, ի՞նչ անվեհեր են սա դեռահաս աղջիկները, որոնք ցնծուն եւ ծիծուն՝ քաղաքին հեռաւոր մասերէն կ'երթան գրա-

սենեակները կամ վաճառանոցները։ Ապա այցելեցէք տուներն ալ, ուր կիները պիտի գտնէք իրենց գործերով զբաղած։ Թոշակը սակաւ է, բնակարանը՝ անձուկ։ Մղաքը բազմաթիւ եւ էրիկը յաճախ անասնաբարոյ։ Այս աղքատ մարդոց կենսագրութիւններէն հաւաքածոյ մը կազմեցէք, քննեցէք անոնց պէտքէն, երկար ատեն ուսումնասիրեցէք զանոնք եւ լաւ նշան դրէք անոնց։

«Յետոյ գացէք եւ տեսէք ուսանողները։ Իրաւ, բազմաթիւ են անոնք զորս տեսած էք փողոցին մէջ երբ գայթակղութիւն կը ստեղծեն, բայց լէգէոն մըն է թիւը անոնց որոնք լրջօրէն կ'աշխատին։ Միայն թէ անոնք դուրս չեն ելլեր եւ մարդ չի տեսներ զանոնք։ Եթէ անգամ մը գիտնաք թէ Գառաւն Լուսի մէջ որդան կ'աշխատին գիտութիւն սորվելու համար, տարբեր կերպով պիտի մտածէք։ Տեսած էք թերթեր զոր ինք-զինքնին «ուսումնասիրող» կոչող կարդ մը նորահասներ աղմուկով կը լեցնեն։ Լրագիրները պատուհանները կոտրողներու վրայ կը գրեն, բայց ինչո՞ւ երբեք չեն յիշեր պատմական կամ գիտական հարց մը լուծելու համար գիշերը ուշ ատեն անքուն աշխատողները։ Երբեմն կը պատահի որ այդ աշխատաւորներէն մէկը, բժշկական ուսանող մը, կը մեռնի, զոհ ըլլալով իր ճիւղին պարտականութեանց։ Թերթերը երկու տողով կ'իմացնեն այդ բանը։ Գինովներու մէջ պատահած խայտառակութեան համար կէս սիւնակ տեղ կու տան։ Ամենափոքր մանրամասնութիւնները կը նշանակուին եւ մեծ կարեւորութիւն կը ստանան։ Հերոսին պատկերը միայն կը պակսի

այդ նկարագրութեան գլուխը, եւ այդ ալ՝ ոչ միշտ։

«Մայրը պիտի չգար եթէ ամէն բան տեսած ըլլալու համար ամէն բան մատնանիշ ընէի։ Պէտք պիտի ըլլար որ շրջան մը ընէիք ընկերութեան ամէն խաւերուն մէջ, հարուստ կամ աղքատ, ուսեալ կամ տգէտ։ Եւ այն ատեն ապահովաբար այսքան խստօրէն պիտի չդատէիք։ Բարիզ աշխարհ մըն է, եւ աշխարհի մէջ ընդհանրապէս եղածին պէս, բարութիւնը ինքզինքը կը ծածկէ, մինչդեռ չարութիւնը կը յայտնէ ինքզինքը։ Երբ մարդ հարեանցի կերպով նայի, կը զարմանայ թէ ինչպէս այսքան ոչինչ մարդիկ կան։ Բայց երբ իրերուն խորը կը քննէ մարդ, ընդհակառակն ապշահար կը մնայ թէ այդ միրկայոյզ, աղջամղջային եւ երբեմն զարհութէլի կեանքին մէջ ինչպէս կընան այսքան առաքինութիւններ գոյութիւն ունենալ։»

* * *

Բայց ինչո՞ւ երկարեմ այս կէտը։ Միտքս տարփողել չէ զանոնք որ համբաւէս կը խորշին արդէն։ Ահա նպատակս. — Ուշադրութիւն հրաւիրել ծածով բարութեանց, եւ ամէն բանէ աւելի՝ օգնել որ այդ տեսակ բարութիւնը սիրուի եւ կիրարկուի։ Կորսուած է այն մարդը որ շողջողուն, աշքառու բաներով միայն կը գոհացնէ եւ կը հաճեցնէ ինքզինքը։ Կորսուած է, որովհետեւ՝ նախ՝ ամէն կողմ չարիք միայն տեսնելու կը վարդեցնէ ինքզինքը, եւ երկրորդ, որովհետեւ բարութեանց մէջ միայն իր աշքին զարկածը տեսնելու ու-

Նակութինը կը ստանայ, եւ երեւոյթներու համար միայն ապրելու փորձութեան դիւրաւ տեղի կու տայ: Ոչ միայն համակերպելու ենք մութի մէջ մնալու, այլ նաեւ սիրելու ենք զայն եթէ չենք ուզեր կամաց կամաց սպրդիլ թատրոնի երկրորդական դերասաններու շարքին մէջ, որոնք իրենց շողջողուն, բարձր դիրքերը ունին միայն ունկնդիրներու առջեւ, եւ իրենց բնական դիրքը ու արտայայտութինը կը ստանան բեմակողմերուն մէջ, եւ կը մոռնան այն ճնշումը զոր կը կրէին բեմին վրայ եղած ատենին՝ ուրիշ անձ մը ըլլալնին յիշելու համար: Հոն, այդ անծանօթ դիրքին մէջ, բարոյական կեանքի անհրաժեշտ եղող տարրերէն մէկուն ներկայութեան մէջ ենք: Եւ ինչ որ կ'ըսենք՝ խոնարհ կոչուողներուն համար չէ, որոնց ճակատագիրն է երբեք չդիտուիլ, այլ ուրիշներու համար ալ: Եւ այս՝ աւելի ճշմարիտ է առաւել կարեւոր դերակատարներու համար: Եթէ չես ուզեր փայլուն ոչնչութին մը ըլլալ, փողփողուն գոյներով զգեստաւուած, եւ ոսկեճամուկ զարդերով պճնուած, որ սակայն անօթութենէ կը տառապի, եթէ այս կարգի մէկը չես ուզեր ըլլալ, այն ատեն պէտք է աշխատակիցներէդ ամէնէն աննշանին պարզութեան ոգիովը կեանքդ վարես: Սուաջին կարգի մէջ ըլլալու վտանգաւոր պատույն տէր ենք. ուրեմն աւելի մեծ զգուշութեամբ պէտք է պահպանենք մեր կեանքին մէջ գտնուող ծածկուած բարութեանց խորանները: Շէնքը, որուն դուրսի կողմը կը տեսնեն մեր ընկեր արարածները, պարզութեան եւ խոնարհ հաւատարմութեան ամրակուու հի-

մերով հիմնենք: Եւ յետոյ կարեկցութեամբ, համակրութեամբ եւ երախտագիտութեամբ միշտ մօտ ապրինք իրենց բարի արարքը ծածկող անծանօթներուն:

Ասոնց է որ ամէն բան կը պարտինք, այնպէս չէ: Վկայ կը կոչեմ բոլոր անոնք որ այն զօրացուցիչ փորձառութինը ունին, ինչ որ հողին տակ ծածկուած քարերը ունին շէնքը հաստատուն պահելու մասին: Հանրային արժէք մը ունեցող ամէն անձ իր այդ արժէքը կը պարտի խոնարհ, բարոյական նախահօր մը, կամքանի մը մոռցուած ներշնչողներու: Բարի էակներու փոքրաթիւ խմբակ մը, որոնց մէջ յաճախ կը գտնուին գեղջուկներ, պարկեշտ եւ պատկառելի ծնողքներ, կիներ, մեզի համար կ'ասնաւորեն ամէնէն պատուական եւ ամէնէն ազնիւ կեանքը: Անոնց օրինակը կը ներշնչէ եւ կը զօրացնէ մեզ: Անոնց յիշատակը յաւէտ անբաժանելի կը մնայ մեր յարկերէն: Զանոնք կը տեսնենք վիշտի ժամերու մէջ քաջ եւ անվրդով եւ մեր բեռներն ալ կարծես կը թեթենան: Անոնք մեր շուրջը, մեր մօտիկը կը կենան իրը անտեսանելի եւ սիրելի փառանգ մը, որ ինսալէն եւ բարոյական կեանքի դաշտին վրայ պարտուելէն կը պաշտպանէ մեզ, եւ ամէն օր կ'ապացուցանէ մեզ թէ մարդկութեան գանձը աշխարհէն անձանօթ մնացած բարութինն է:

ԳԼՈՒԽ թ

ԱՇԽԱՐՀԱՍԻՐՈՒԹԻՒՆ ԵՒ ԸՆՏԱՆԵԿԱՆ ԿԵՄԵՔ

Ֆրանսայի Երկրորդ Կայսրութեան օրով մեր գաւառներէն մէկուն մէջ հանճարեղ եւ խիստ պատուատը քաղաքապետ մը կար, որ իր պաշտօնը ի գործ կը դնէր մեր ամէնէն սիրուն քաղաքներէն մէկուն մէջ: Այս քաղաքին մօտիկ զինուորական կայան մը կար, ուր մեր բանակին Սպարապետը յաճախ կ'այցելէր: Օր մը յանկարծ, այս քաղաքապետին խելքին փչեց թէ կրնար ըլլալ որ Սպարապետը օր մը իր տունն ալ այցելէր: Մինչեւ այդ օրը այս բարի քաղաքապետը ապրած էր իր հնաւուրց հօրենական տան մէջ իրը զաւակ մը, անոր ամենափոքր յիշատակներն իսկ յարգելով: Երբ այն սեւեռեալ գաղափարը թէ կրնար ըլլալ որ ֆրանսայի Սպարապետն ընդունէր, իր ուղեղին մէջ մուտ գտաւ, ալ այդ օրէն սկսեալ տարբեր մարդ մը եղաւ: Ինչ որ իրեն բաւական, նոյն իսկ միսիթարական կը թուէր, այն բոլոր պարզութիւնը, զոր իր նախնիք ու ծնողք այնքան սիրած էին, հիմա իր աչքին անարգ ու տափակ կ'երեւէր: Անկարելի բան է, կը մտածէր, Սպարապետը վեր տանիլ այդ փայտէ, ողորմելի սանդուխէն, կամ հրափրել զանիկա որ այդ հնօրեայ աթոռներէն մէկուն վրայ նստի եւ թոյլ տալ անոր որ

իր ոտքը այդ մաշած կապերտներուն վրայ դնէ: Ուստի քաղաքապետը ճարտարապետներ, որմանիրներ կանչեց, պատերուն վրայ յարձակեցաւ, վերցուց սենեակներուն բաժանումները եւ շինեց դահլիճ մը, որուն պերճութիւնը բոլորովին անհամեմատական էր տան միւս սենեակներուն հետ: Իր ընտանեաց հետ քաշուեցաւ տան քանի մը սենեակները, ուր իր ընտանիքին անդամներն ու կարասիները, հակառակ իրենց կամքին խոնուած էին, եւ երկուստեք անհամնգիստ: Եւ իր այս գաղափարին հետեւանքով իր քսակը պարպելէ եւ տունը տակն ու վրայ ընելէ վերջ սպասեց իր սպարապետ հիւրին: Բայց, աւաղ, Սպարապետը չեկաւ բնաւ:

Այս խեղճ մարդուն խելայեղութիւնը մեր կարծածին չափ հազուադէպ բան մը չէ: Առողջ միտք չունին անսոնք որ իրենց ներքին կեանքը կը զոհեն աշխարհասիրութեան: Նմանօրինակ ունայնամիտ զոհորութեան մը վտանգը աւելի սպառնալից հանգամանք մը ունի մեր օրերուն մէջ: Մեր ժամանակակիցները ենթակայ են այդ փորձութեան անդադար, եւ բազմաթիւ են անոնք որոնք կ'ընկճուին անկէ: Ընտանեկան ինչ գանձեր նետուած են պարզապէս, ինչ որ բացարձակ կորուստ մըն է, որպէսզի նոր կերպերը եւ աշխարհիկ փառասիրութիւնները գոհացում ստանան. եւ երջանկութիւնը, որուն գալստեան պատրաստութիւնները կը տեսնեն այս ապօրէն զոհաբերութիւններով, զիրենք ի զնոր կը սպասցնէ ու կը սպասցնէ: Տիմարի սակարկութիւն մըն է ընտանեկան հնամենի աամսդութիւնները ձգել եւ լքանել ըն-

տանեկան պարզ սովորոյթները այս տեսակ փոխարի-նութեանց համար։ Ընտանեկան կեանքը այնպիսի դիրք մը ունի ընկերութեան մէջ որ ամբողջ ընկերային կազմակերպութիւնը կը տուժէ անհատական կամ ընտանեկան այս ծանծաղամտութեանց պատճառով։ Որպէսզի համայնք մը բնորոշ զարգացում ունենայ, պէտք է որ իրենց արժէքն ու անձնական լաւ յատկութիւնները ունեցող անհատներ կազմեն զայն։ Բայց անհատը ո՞ւր պիտի գտնէ իր ինքնատիպ հանգամանքը, այս եզական յատկութիւնը, որ ուրիշներուն լաւ յատկութեանց միանալով տան մը ճոխութիւնն ու արժանիքը կը կազմէ։ Ընտանիքին մէջ միայն կարելի է գտնել զայն։ Զնջէ յիշատակներու եւ սովորոյթներու այդ լրումը, որոնք ամէն տուն մանրանկար համայնք մը կը յօրինեն, եւ ահա նկարագրին աղբիւրները պիտի ցամքեցնես։

Կարեւոր է որ ամէն ընտանեկան յարկ ինքնին աշխարհ մը ըլլայ լուրջ եւ ակնածելի, եւ իր անդամներուն կեանքին վրայ անջնջելի դրոշմ մը դնէ։ Բայց դեռ յառաջ չգացած ուղղենք թիւր ըմբռնում մը։ Ընտանեկան ոգին, ուրիշ ամէն ազնիւ եւ գեղեցիկ բանի պէս, իր ծաղրանկարն ունի որ առտնին անձնասիրութիւն կը կոչուի։ Ընտանիքներ կան ուր ամէն անդամ պատրաստ է դուրսիներն արտաքսելու։ Ինչ որ ուղղակի իրենց չի պատկանիր, անոնց համար ո՞ւ է կարեւորութիւն չունի։ Իրենց բնակած ընկերութեան մէջ գաղթականներու, պիտի ըսէի, բոնի տեղ մը մտնողներու, դերը ունին։ Իրենց այս մեկուսացումը այն աստիճան յառաջ

գացած է որ ամբողջ մարդկային ցեղը իբր թշնամի կը նկատեն։ Այդ ոգին է որ ընտանիքը նկատել կու տայ մեզ իբր եսամոլութեան որջ մը զոր պէտք է բնաջինջ ընել։ Մեծ անդունդ մը կայ ընտանիքի ոգիին եւ ընտանեկան շրջանակին ոգիին միջեւ։

*
* *

Խօսինք ընտանիքի ոգիին վրայ։ Աշխարհի մէջ չկայ բան մը որ անոր չափ արժէք ունենայ։ Որովհետեւ անիկա իր մէջն ունի սերմերը այն բոլոր վսեմ եւ պարզ առաքինութեանց, որոնք կ'երաշխատորեն ընկերային կազմակերպութեանց ոյժն ու ազդեցութիւնը։ Ընտանեկան ոգիին հիմը կը կազմէ յարգանք ընտանեկան յիշատակներու եւ սովորոյթներու համդէպ։ Ընտանիքի ամէն անդամ պէտք է նկատէ զանոնք իբր թանկագին ստացուածք մը։ Կը տեսնենք զանոնք նկաներու, կարասիներու, տարազներու եւ երգերու մէջ, ինչպէս նաեւ լեզուին եւ խորհուրդներուն մէջ։ Պիղծ աչքերու համար ասոնք ոչինչ են, բայց ընտանեկան կեանքին այս իրերը գնահատողներու համար թանկագին յիշատակներ են։

Բայց ընդհանրապէս ի՞նչ է որ կ'անցնի այս աշխարհին մէջ։ Աշխարհասիրութիւնն ընտանիքի ոգիին հետ պայքար կը մղէ։ Մեծ ու փոքր կերպերով, նոր ունակութիւններու ամէն տեսակներով, խստապահանջութիւններով եւ արուեստակեալ ձեւերով՝ աշխարհասիրութեան ոգին կը բոնաբարէ ընտանեկան սրբավայրը։

Եւ ի՞նչ իրաւոնքով այս ոգին մուտ կը գործէ հոն. ի՞նչ հիման վրայ կը հաստատէ իր պահանջները. — Ահա ինչ որ յաճախ կը մոռնանք մենք մեզի հարցնել: Ու կը սխալինք: Այս վնասաբեր ոգւոյն հանդէպ այն ընթացքը ունինք, ինչ որ պարզ, խեղճ, աղքատ մարդիկ կը ցուցնեն պերճաշուք այցելուի մը հանդէպ: Այս միօրեայ հիւրին համար իրենց պարտէզները կ'աւերեն, իրենց հիւրին սպասաւորներուն ու անոնց զաւակներուն ստամոքսները ամէն տեսակ համադամներով կը բեռնաւորեն եւ իրենց գործն իսկ կը մոռնան: Անիրաւ եւ անհեթեթ ընթացք մըն է այս: Պէտք է քաջութիւնն ունենանք մեր կեցած տեղը մնալու այս կարգի հիւրերու առջեւ՝ եւ օրինաւոր սահմանէն անդին չանցնինք երեք:

Աշխարհիկ ոգին ամէն տեսակ լրբութիւն ունի: Ահա պարզուկ Տոն մը որ տակաւին նշանաւոր յատկանիշեր կը կրէ: Մարդիկը եւ կարասիները կը մնան, ինչպէս որ էին: Բայց ամուսնութեամբ մը կամ գործի եւ վայելքներու նոր յարաբերութեամբ աշխարհիկ ոգին մուտ կը գործէ այն տեղ: Եւ նոյնհետայն ամէն բան հինցած, այլանդակ եւ տափակ կը գտնէ. այժմէականութիւն չունի: Նախ քննադատութեան սահմանէն անդին չանցնիր: Սրամիտ հեգնութիւններ կ'ուղղուին: Բայց ամէնէն վտանգաւոր վայրկեանը այդ է: Զգուշութիւն ըրէ, ահա թշնամին: Եթէ ամենափոքր աստիճանով իսկ ազդեցութիւն մը կրես անկէ, վաղը պիտի զոհես կարասի մը, միւս օր՝ բարի աւանդութիւն մը, եւ կամաց կամաց սրտիդ այնքան մօտիկ եղող սիրական յիշատակներ,

ընտանեկան առարկաներ, եւ անոնց հետ որդիական երկիւղածութիւնը եւ մեծարանքը հնավաճառին պիտի ղրկուին:

Այս նոր սովորոյթներուն եւ այլափոխեալ միջավայրին մէջ ծերունազարդ ծնողքդ եւ հին բարեկամներդ իրենց տեղէն բաժնուած պիտի զգան: Քայլ մըն ալ պիտի առնես եւ իրենց կարգին զանոնք ալ պիտի հագուեցնես քու ուզած կերպովդ. աշխարհասիրութիւնը հին բաները կը վտարէ: Ինքզինքդ այս փոփոխուած վիճակներուն մէջտեղ գտնելով, պիտի խորհիս թէ հիմակ ամէն բան կարգին է, եւ աշխարհասիրութեան ոգին ինքզինքը յագեցած, գոհացած պիտի հոչակէ: Աւաղ, ահա ինչ որ քեզ կը պատրէ: Իրական գանձերը մէկդի նետելէ վերջ պիտի զգաս շուրջդ գտնուած բաներուն այլանդակութիւնը, եւ պիտի հասկնաս թէ քու այդ նոր դիրքիդ մէջ ծիծաղաշարժ բան մը եղած ես: Լաւագոյն պիտի ըլլար որ սկիզբէն քաջութիւնն ունենայիր քու կարծիքներդ եւ ընտանեկան սրբավայրդ պաշտպանելու:

Բազմաթիւ դեռահասներ աշխարհասիրութեան ոգիին կը յարին երբ կ'ամուսնանան: Իրենց ծնողքը համեստունակ կեանքի մը օրինակը տուած էին իրենց, բայց նոր սերունդը կը մտածէ թէ իրենց աչքին ծայրայեղօրէն նահապետական երեւցող ձեւերն ու սովորոյթները մերժելով իրենց իրաւոնքները հաստատած կ'ըլլան: Ուստի մեծ ծախքերով վերջին նորաձեւութեան համեմատ ապրելու համար օգտակար առարկաները ծիծաղաշարժ գինով մը կը ծախին: Փոխանակ իրենց տունը

«Յիշէ» ըսող առարկաներով լեցնելու, կը լեցնեն այն տեսակ իրերով որոնք ու եւ է զուգորդութիւն չունին։ Բայց կը սխալիմ։ Այս առարկաները յաճախ հեշտ եւ մակերեւութային կեանքի մը խորհրդանշաններն են։ Անոնց մէջ կը շնչենք չեմ՝ գիտեր ինչ տեսակ կծու շոգի մը։ Անոնք կը յիշեցնեն տունէն դուրսի կեանքը, աճապարանքը, թոհ ու բոհ։ Եւ եթէ զանոնք մոռնալու տրամադիր ըլլանք, անոնք միտքդ կը բերեն «Յիշէ» բառը տարբեր իմաստով մը, այսինքն՝ «Մի մոռնար պարի ժամը, թատրոնը, արշանները»։ Այս կերպով կազմակերպուած տուն մը տեսակ մը օթեւան կ'ըլլայ, ուր կու գան քիչ մը հանգչելու երկու երկար բացակայութիւններու մէջտեղ։ Արէկ չէ երկար ատեն կենալ այնտեղ։ Որովհետեւ հոգի չունի՛ հոգիին չի խօսիր։ Քնանալու, ուտելու ժամն է. եւ շուտով նորէն պէտք է դուրս ելլեն։ Մարդոն քոնը կու գայ հոն։

Կը ճանչնանք այն բոլոր մարդիկը որ տունէն դուրս ելլելու տեսնդը ունին, որոնք կը կարծեն թէ աշխարհ շարժելին պիտի դադրէր, եթէ ինքզինքնին ամենուրեք չցուցադրէին։ Տունը կենալը անոնց համար ամէնէն տաժանելի բեռն է։ Ընտանեկան կեանքին սարսափը այնքան ահեղ կերպով տիրած է անոնց վրայ, որ աւելի կ'ընտրեն դուրսը ապուշ կերպով ձանձրանալու համար դրամ տալ, քան ինքզինքնին տան մէջ գուարթացնել ձրիաբար։

* * *

Տակաւ առ տակաւ ընկերային կեանքը կը վերածուի զբոսական ակումբներու կեանքին, որ հանրային կեանքը չէ անշուշտ։ Այս կարգի խումբեր կը նմանին արեւի մէջի ճանճերու խումբին։ Ոչինչ այնքան նման է աշխարհասէր մարդու մը կեանքին, որքան ուրիշ աշխարհասէրի մը կեանքը։ Եւ այս ընդհանրական հասարակ տեղիք հանգամանքը կը կորսնցնէ նոյն իսկ հանրային ոգին։ Պէտք չէ շատ հեռուսները երթալ տեսնելու համար թէ աշխարհիկ ոգին ինչ աւերներ գործած է ժամանակակից Մարդկութեան մէջ, եւ այսօրուան այսքան քիչ ողջմտութեան, հաւասարակշուութեան, նախաձեռնութեան գլխաւոր մէկ պատճառն ալ ընտանեկան կեանքին պակասն է։ Մարդիկ աշխարհասէր եղած են, որովհետեւ աշխարհասիրութիւն է տունը ձգել եւ երթալ հիւրանոցներու մէջ ապրիլ։ Այս բնակարաններուն թշուառութիւնը եւ ողորմելի հանգամանքը բաւական չեն բացատրելու համար գոյութիւնը այն հոսանքին որ մարդիկը իրենց տուներէն դուրս կը քշէ։ Ինչո՞ւ գեղջուկը կը թողու իր տունը, ուր իր հայրն ու մեծ հայրը այնքան երջանիկ եղած էին, եւ կ'երթայ կը բնակի պանդոկի մը մէջ։ Տունը նոյնն է, կրակը նոյն է նոյն կրակարանին մէջ։ Ինչո՞ւ այդ կրակը իր փայլը կ'արձակէ պգտիկ, անկատար ընտանեկան շրջանակի մը վրայ, մինչդեռ հին ատեններ երկայն գիշերներ ընտանիքին ամէն մէկ անդամը կը փութար կրակարանին շուրջը հաւաքուի այնքան փափաքանօք։ Փոփոխութիւնը մարդոց մտքերուն մէջ տեղի ունեցած է։ Իրենց վատառողջ

փափաքներուն հետապնդելով պարզութիւնը լքած են։ Հայրերը թողած են իրենց պատուոյ դիրքը. կիսերը կը մեծնան գրեթէ առանձնութեան մէջ, եւ տղաքը իրարու հետ կը վիճին մինչ կը սպասեն այն ժամանակին երբ ամէն մէկը իր հաճոյքներուն հետապնդելու ազատ պիտի ըլլայ։

Պէտք է վերստին ուսանինք ընտանեկան կեանքը եւ առտնին աւանդութեանց արժէքը։ Հաւաքենք ու պահպանենք զանոնք երկիւղածօրէն, որպէս զի անցեալին այս բեկորները ըլլայ թէ կորսուին։

* * *

Բայց ամէն մարդ այդ տեսակ աւանդութիւններ կամ ընտանեկան յիշատակներ չունի որ պահէ պահպանէ զանոնք։ Աւելի լաւ պատճառ մըն է այս ուրեմն՝ մեր ջանքերը կրկնապատկելու, ընտանեկան կեանքը կազմակերպելու եւ մշակելու համար։ Զայս ընելու համար անհրաժեշտ չէ որ մարդ բազմանդամ ընտանիք մը կամ պերճ ու բարձր դիրք մը ունենայ։ Տուն մը ստեղծելու համար մարդ պէտք է տունի ոգի ունենայ։ Ինչպէս որ փոքր գիւղ մը իսկ կրնայ իր պատմութիւնը ունենալ, ամենափոքր տուն մըն ալ կրնայ իր հոգին ունենալ։ Ո՞հ, ի՞նչ պաղէ այն մթնոլորտը որ մեզ կը շրջապատէ բնակելու տեղերուն մէջ՝ որոնք տուները չեն։ Ի՞նչ խորհրդաւոր աշխարհ մըն են անոնք։ Այս տեսակ բնակարաններու մէջ սեմէն սկսեալ մարդ տեսակ մը դող, սարսուու կը զգայ. անհանգստութիւն մը

բոլոր անձդ կը համակէ։ Բայց տանդ մէջ, դուռը գոցուածին պէս, կը զգաս որ բարութիւնն ու զուարթաբարոյութիւնը զքեզ կը շրջապատեն։ Կ'ըսեն թէ պատերը ականջ ունին։ Անոնք իրենց ձայներն ալ ունին եւ իրենց լոին պերճախօսութիւնը։ Տան մէջ գտնուած ամէն բանին վերեւը տան անդամներուն ոգին կը սաւառնի։ Եւ այն ոգիին ազդեցութեան մէկ ապացոյցը կը տեսնեմ տուներուն մէջ ամուրիներուն, որոնք կղզիացած կեանքով մը կ'ապրին։ Ի՞նչ մեծ անդունդ մը կայ մէկ սենեակի մը եւ ուրիշ սենեակի մը միջեւ։ Մեկուսացած անձերու տան մէջ կայ անգործութիւն, անտարբերութիւն, պաղութիւն։ Բնակիչին նշանաբանը գրուած է նոյն իսկ գիրքերն ու լուսանկարները կարգաւորելու եղանակին մէջ։ — «Ա.Է. Բան բնաւ իւ ն.անէ։» Միս տեսակ տան մէջ կայ ապրելու բերկրանքը, կենդանութիւնը. հիւրը կարծես կը զգայ թէ հազարումէկ ձեւերով կ'ըսեն իրեն. — «Ով որ ալ ըլլաս, նոյն իսկ մէկ ժամուան հիւր մը, բարի եկար, մաղթանքներ ունինք քեզի համար։ Խաղաղութիւն ըլլայ քեզի։»

Կարելի չէ չափազանցել ընտանեկան կեանքին արժանիքը։ Ծաղիկի մը ազդեցութիւնը, փայփայուն ու սիրուած ծաղիկի մը, որ տանը պատուհանին մէջ դրուած է թաղարովը. դիւթանքը հսօրեայ թիկնաթոռին, որոնք վրայ մեծ հայրը նստած՝ իր խորշումած ձեռքերը կը մատուցանէ կարմրայտ, գիրուկ թոռներուն, որպէս զի համբուրեն զանոնք։ Խեղճ այժմէականներ։ Միշտ բնակարան կը փոխէք կամ փոխակեր-

պութեանց մէջ էք: Եւ մենք՝ այժմէականներս, մեր տուները, սովորոյթները, կարծիքները փոխելէ վերջ չունինք տեղ մը ուր կարենանք մեր գլուխը դնել: Ըստանեկան կեանքը լքած ատեննիդ ինքինքնիդ պարապ խորհուրդներով մի մխիթարէք: Պար կրակարանին մէջ կրակը թող վերստին ճարճատէ, անբռնաբարելի ապաստանարաններ, տաքուկ բունիկներ ստեղծեցէք, ուր տղաքը կարող են մարդ ըլլալ, ուր սէրը կրնայ բոյն դնել, ուր ծերը կրնայ հանգչիլ, ուր աղօթքը խորան մը, եւ երկիրը սրբավայր մը ունի:



ԳԼՈՒԽ Ժ



ՊԱՐԶ ԳԵՂԵՑԿՈՒԹԻՒՆԸ

Ոմանք յանուն Գեղեցկագիտութեան կրնան բողոքել պարզ կեանքի կազմակերպութեան դէմ, կամ կրնան մեզ հակառակիլ տեսութեամբը «Օգտակար Շոայլութեան», որ գործի աշխարհին նախախնամութիւնը, արուեստներու մեծ մնուցիչը եւ քաղաքակիրթ ընկերութեանց զարդն է: Կանխաւ կ'ուզենք ասոնց պատասխանել քանի մը հակիրճ դիտողութիւններով:

Ընթերցողը անշուշտ տեսաւ թէ այս էջերուն կեն-

սական նպատակը կազմող ոգին օգտապաշտութեան ո-գին չէ: Մխալ պիտի ըլլար մտածել թէ մեր ջատագոված պարզութիւնը կծծիներուն կամ սխալ կերպով ըմբռնուած խստութեանց հետ նմանութեան եզր մը կը կազմէ: Առաջիններուն համար կեանքը պարզ է եւ աժան. միւսներուն համար ալ՝ կեանքը գունաթափ բուսական գոյացութիւն մըն է, ուր արժանիքը կը կայանայ անձը ամէն ժպիտէ, ճառագայթէ, վայելքներէ գրկելուն մէջ:

Երբեք ցաւ չենք զգար երբ կը տեսնենք մեծահարուստ մարդիկ, որոնք իրենց հարստութիւնը կը գործածեն, շրջաբերութեան կը հանեն, փոխանակ անով ուսկիի, արծաթի կամ դրամատոմսերու դէզեր կազմելու. Եւ իրենց դրամին այս գործածութեամբ Վաճառականութեան զարկ մը կու տան եւ Գեղարուեստները կը զարգացնեն: Ինչ որ ըլլայ, իրենց այս առանձնաշնորհեալ դիրքէն սքանչելի օգուտ կը քաղէն: Մենք պայքար կը մղենք հարստութեան անհիմաստ մսխումին եւ եսամոլ գործածութեան եւ աւելորդին հետապնդումին դէմ այն կարգի անձերու կողմանէ, որոնք ամէն բանէ առաջ էականին հոգ տանելու են: Մեկենասի մը շոայլութիւնը երբեք չի կրնար ընկերութեան վրայ նոյն ազդեցութիւնը ունենալ ինչ որ պիտի ունենար շոայլութիւնը ուամիկ հաճոյամոլի մը, որ իր ժամանակակիցները յապուշ կը կրթէ իր անհարկի վատնումներով եւ յիմարական ծախքերով: «Շոայլութիւն» բառը գլխովին տարբեր բաներ կը նշանակէ այս տեղ: Դրամ ցա-

Նել ամէն բան չէ. դրամ ցանելու կերպ մը կայ, որ մարդը կ'ազնուացնէ, եւ ուրիշ կերպեր՝ որոնք կը վատթարացնեն։ Բաց աստի, դրամ ցանել՝ առասօրէն ունենալ կ'ենթադրէ։ Երբ շոայլօրէն ապրելու սէրը համեստ եկամուտ մը ունեցող մարդոց սրտին կը տիրէ, այն ատեն ինդիրը եզականօրէն կը փոխուի։ Եւ ինչ որ ներկային մէջ ամէնէն աւելի կը գրաւէ մեր ուշադրութիւնը, սա իրողութիւնն է թէ այն դասակարգը. որ ամէնէն աւելի կը կարօտի իր վաստակին մեծ զգուշութեամբ հոգ տանելու՝ զայն վատնելու մարմաջ մը ունի։ Յօժարակամ պատրաստ ենք ընդունիլ թէ առատաձենութիւնն ընկերային օգուտ մը յառաջ կը բերէ։ Չպիտի ջանանք հակառակը պնդել սա հասկացողութեան թէ կարգ մը մեծահարուստ անձանց շոայլութիւնը կը նմանի ընդհողեայ այն խողովակներուն, որոնք աւելորդ յորդումը տանելու պաշտօն ունին։ Կը յայտարարենք միայն թէ խիստ շատ մարդիկ կան որոնք իրենց վաստակը շոայլօրէն կը գործածեն, մինչդեռ իրենց շահը, ինչպէս նաեւ իրենց պարտականութիւնը կը պահանջէին որ ինայողութիւնը ձեռքէ չձգէին։ Իրենց շոայլութիւնը եւ շոայլութեան մասին իրենց սէրը անհատական թշուառութիւն եւ հանրային վտանգ կը սպառնան։

* * *

Հիմա գանք օգտակար շոայլութեան։

Կ'ուղենք մեր միտքը բացատրել ինդրոյն գեղեց-

կագիտական կողմին նկատմամբ, համեստութեամբ եւ, ոհ, առանց մասնագէտներու սահմանին մէջ ոտնձգութիւն ընելու յաւակնութեան։ Հասարակ սխալմոնքով, մարդիկ պարզութիւնը եւ գեղեցկութիւնն երկու հակառակորդներ կը նկատեն։ Բայց պարզը հոմանիշ չէ տգեղին, ինչպէս սուլը, զեղիսը, մեծածախսը հոմանիշ չեն գեղեցիկին։ Մեր աչքերը կը վիրատրուին երբ կը տեսնենք գեղանի տիկին մը, որ ոամիկ ճաշակով մը հագուած է։ Յոռի ճաշակ ունեցող հարուստներ տեսնելով կը ցափնք որ այսքան դրամ ունին ոամիկ, անճաշակ արդինք երեւան բերելու՝ այսքան մեծ քանակութեամբ։ Ժամանակակից Արուեստը, ինչպէս նաեւ Գրականութիւնը կը տուժեն պարզութեան չգոյութեան։ Արդուզարդ, սեթեւեթ ծայրայեղօրէն շատցած են եւ երեւակայութիւնը տարապայման կերպով չաշչարանքի կ'ենթարկուի։ Միայն քանի մը տողերու, ձեւերու, գոյներու մէջ պատեհութիւն կը տրուի մեզ մտածել այն պարզութեան վրայ, որ սերտիւ կապուած է կատարելութեան հետ։ Պէտք է դարձեալ միրճուինք գաղափարական մաքրութեան մէջ անմահ գեղեցկութեան, որ իր դրոշմը կը դնէ Արուեստի մեծ գործերուն վրայ, եւ որուն մէկ նշոյլն իսկ այս բոլոր մեծադղորդ եւ շոնդալից արտադրութիւններէն աւելի կ'արժէ։

* * *

Սակայն եւ այնպէս մեր գլխաւոր նպատակն է խօսիլ կեանքի սովորական գեղեցկագիտութեան վրայ.

այն ինսամքին վրայ զոր տանելու ենք մեր բնակարաններն ու անձը զարդարելու մէջ, եւ գոյութեան տալու այն փայլը առանց որուն կեանքը հրապոյր չունի: Քանզի այս անհրաժեշտ պերճանքին մասին մարդուն ունեցած կամ չունեցած հոգը կարեւոր բան մըն է: Եթէ մարդ իր կոչումին համեմատ ապրելու ջանադիր է, կեանքին այդ պղտիկ, այդ օգտակար շոայլութեանց մասին չի կրնար անտարբեր գտնուիլ: Ոչ միայն անգուտ բան մը չեմ նկատեր այդ մասին ձեռք առնուած ինսամքը այլ նաեւ կարծեմ թէ կարելի եղածին չափ պէտք է քաջալերել զայն: Բնութիւնը ինք մեզ օրինակ կը հանդիսանայ այս մասին, եւ այն անձը, որ կ'արհամարհէ գեղեցկութեան այս փափուկ նշոյլը, անգունած պիտի ըլլայ դիտումները Անոր՝ որ նոյն հոգն ու սէրն ունէր միօրեայ ծաղիկը ներկելու համար, ինչ հոգ եւ սէր որ ունէր յափութեական լեռներու մասին:

Բայց պէտք չէ ինանք այն բիրտ փորձութեան մէջ որ իրական գեղեցկութիւնը՝ գեղեցկութեան անունը միայն ունեցող իրին հետ շփոթել կու տայ մեզ: Գեղեցկութիւն եւ կեանքի բանաստեղծութիւնը այն իմաստը միայն ունին ու կը պահեն՝ ինչ իմաստ որ կու տանք անոնց: Մեր տուները, սեղանը եւ արդուզարդը պէտք է թարգման ըլլան մեր նպատակներուն: Այդ նպատակները անոնց մէջ դնելու համար պէտք է նախ անոնց տիրացած ըլլանք: Այն անձը որ տէր է անոնց՝ գիտէ արտայայտել զանոնք ամենապարզ միջոցներով: Մարդ իր բնակարանին ու հագուստին հրապոյր մը եւ շնորհք

տալու համար հարստութեան պէտք չունի: Բաւ է ճաշակ եւ բարեսիրութիւն միայն ունենալ: Ամէն մարդու համար իսկստ կարեւոր կէտ մը կը շօշափենք այս տեղ, բայց թերեւս այս կէտը կիները աւելի կը շահագրգոէ:

Այն անձերը, որ կ'ուզեն կիները տեսնել ամէնէն հասարակ նիւթերով հագուած կամ պարկերու նմանող հագուստներով պատած իրենց մարմինը, անոնց ամէնէն նուիրական բնութիւնը անհրատած կ'ըլլան եւ իրերու ոգւոյն կատարելապէս անտեղեակ մնացած ըլլալնին մատնած կ'ըլլան: Եթէ հագուստը ցուրտէն կամ խոնաւութենէն պաշտպանելու համար միայն հնարուած ըլլար, անսասունի մը մորթը կամ կտոր մը լաթ բաւական սեպուելու էր: Բայց ատկէ աւելի բան մըն է ան: Մարդ իր ամէն արարքով իր էութիւնը կը յայտնէ: Տարազը կամ զգեստը ծածկոյթ մը չէ սոսկ. խորհրդանշան մըն է: Ան վկայ մը կը հանդիսանայ այն խորհրդանշանին՝ տոհմային եւ գաւառային ծաղկազարդ տարագներուն ճոխութեամբ: Զգեստը ուրիշ բաներ ալ կը յայտնէ մեզ, որքան շատ խելք մատնացոյց ընէ, այնքան արժէքաւոր է: Որպէս զի իրապէս գեղեցիկ ըլլայ, պէտք է լաւ յատկութեանց յայտարարն ըլլայ: Նորոյթի ծայրայեղութիւնը, որ բոլորովին պայմանադրական արդուզարդերու տակ կնոջ մը անձը կատարելապէս անյայտ կ'ընէ, կնոջ գլխաւոր ձգողականութիւնը կը կորսնցնէ: Ասոր հետեւանքը այն կ'ըլլայ որ այս բաներուն չարաչար գործածումը կը կողոպտէ գեղեցկութիւնը, ինչպէս նաեւ իրենց ծնողքին կամ երիկներուն քսակները:

Ի՞նչ պիտի խորհեիք այն դեռատի աղջկան նկատմամբ որ իր խորհուրդները արտայայտելու համար մեծ ինսամքով ընտրուած բառեր ու բացատրութիւններ կը գործածէ, որոնք սակայն ամբողջովին առնուած են խօսակցութեան գիրքէ մը: Փոխ առնուած այս լեզուն ձեզ համար ու եւ է հրապոյր պիտի ունենա՞ր: Ազդեցութիւնն ալ արդուարդին, որ ինքնին շատ նրբարուեստ ճարտարութեամբ կրնայ պատրաստուած ըլլալ, ճիշդ նոյնն է քանի որ այս մարդու վրայ կ'երեփ:

Չեմ կրնար դիմադրել փորձութեանը Քամիլ Լըմոնիէի մէկ հատուածը մէջ բերելու, որ գաղափարիս ոյժ կու տայ. —

«Բնութիւնը կնոջ մատներուն հմայիչ արուեստ մը տուած է, զոր կինը բնազդով գիտէ, եւ ամբողջովին եւ բնականին իրն է, ինչպէս մետաքսը շերամին եւ թելերը ճարտար սարոին: Կինը իր շնորհքին եւ անկեղծութեան բանաստեղծն ու արուեստագէտն է. ինքն է որ կը հիսէ այն գաղտնիքը որուն մէջ հաճելի ըլլալու իր ճաշակը կը զգեստաւորուի: Ուրիշ արուեստներու մէջ ալ մարդոն նմանելու բարձանքին համար իր ի գործ դրած բոլոր տաղանդը երեք այնքան արժէք պիտի չունենայ, որքան իր անմիջական շրջանակին մէջ իրեն անհրաժեշտ եղած բաներուն համար իր ունեցած բոլոր հանճարամտութիւնն ու գանձը:

«Լաւ, բայց երանի թէ այդ մասնաւոր արուեստը տարբեր կերպով գնահատուէր ու պատուէր: Ինչպէս որ դաստիարակութիւնը կը կայանայ մարդուն իր մտքով

խորհելուն, իր սրտով զգալուն, իր պզտիկ անհատական բաները, իր ներքին անհատականութիւնը բացատրելուն մէջ, այնպէս ալ կը փափաքէի որ դեռատի կին աշակերտը (apprentice), ապագայ մայրը, կանուխին սկսէր ըլլալ իր անձնական արդուզարդին գեղագէտն ու հարիչը, իր իսկ դերձակուհին, որ օր մը իր զաւակներուն դերձակուհին պիտի ըլլայ. Եւ կը փափաքէի որ իր ճաշակով եւ յանպատրաստից բան մը ճարելու իր ձիրքովը կարող ըլլար յատկանշել ինքզինքը իգական անձնականութիւնը տարորջող իր գլխաւոր գործին՝ զգեստ մը պատրաստելու ձեռներէցութեամբ, առանց որոյ կին մը քուրջերու կապոցէ մը շատ աւելի չարժեր:

Այն հագուստը զոր կինը իրեն համար կը շինէ՝ ընդհանրապէս իրեն ամէնէն աւելի վայլածն է. ինչ որ ալ ըլլայ, իրեն ամէնէն աւելի հաճոյք պատճառողն է: Ահա ինչ որ շատ կիներ յաճախ կը մոռնան: Գործատրուէին ու գեղջուկ կինը միենայն սխալը կը գործեն: Այն օրէն ի վեր երբ գրեթէ ամէն կին իր զգեստը պատրաստավաճառներէն կը հայթայթէ, զգեստներ՝ որոնց գրեթէ ամէնքն ալ ամէնէն ընտիր ձեւերուն խիստ տարակուսելի նմանութիւններն են, այդ օրէն ի վեր ժողովը դական սիրուած տարազներէն անհետացած է շնորհքը: Եւ սակայն աշխարհի մէջ կայ աղեօք բան մը որ աւելի հաճելի ըլլայ քան դեռահաս գործաւոր աղջկան մը թարմ տեսքը, կամ դաշտերուն մէջ աշխատող աղջկան մը երեւոյթը, որոնք իրենց գիտին տարազը կը կրէն, եւ իրենց պարզութեանը համար միայն գեղեցիկ են:

Մարդ նոյն մտածումները կ'ունենայ մեր բնակարանները կահատրելու եւ զարդարելու եղանակին համար ալ: Եթէ արդուզարդեր կան, որոնք կեանքին նկատմամբ ենթակային բովանդակ ըմբռնումը կը մատնանշեն, գլխարկներ՝ որոնք համակ բանաստեղծութիւն են, կան նաեւ տնական կահատորումներ, որոնք մարդուն միտքին կը խօսին: Մեր տունները զարդարելու պատրուակին տակ ինչո՞ւ կը կապտենք զանոնք իրենց առանձնայատկութիւններէն, որոնք իրենց արժէքը ունին միշտ: Ինչո՞ւ մեր սենեակները պանդոկներու սենեակներուն եւ կամ կայարաններու հիւրանոցներուն նմանցնենք, եւ այսպէս անոնց մէջ տիրապետէ պաշտօնական գեղեցկութեան միօրինակ ոճը:

Որքան տաղտկալի բան է ընդարձակ երկրի մը բոլոր գլխաւոր քաղաքներուն տունները երթալ եւ ամէն տեղ գտնել գրեթէ նոյն ձեւերը, անխուսափելի միօրինակ եղանակը, որոնք իրենց բազմութեան պատճառաւ մարդուն բարկութիւնը կը գրգռեն: Գեղեցկագիտութիւնը որքան բան պիտի շահէր պարզութեան երեսէն: Փոխանակ այս չնչին սեւեռեալ գաղափարներու շռայլութեան, որոնք նաւաբեկութեան բեկորներն են, փոխանակ այս բոլոր պայմանադրական ձեւերուն, որոնք անլի եւ հասարակ տեղիք զարդարանքներ են, կրնայինք անհուն զանազանութիւն մը ունենալ: «Թաղեալ գանձ»ը մեր աչքերուն պիտի զարնէր: Զսախատեսուած հազարումէկ ձեւերու տակ, միշտ հրճուանք պիտի ազդէր, եւ դարձեալ պիտի գտնէինք սրահակ մը, հնօրեայ կարասի մը,

տան մը ձեղունը ներկելու գաղտնիքը, եւ մարդկային անհատականութեան այն դրոշմը որ կարգ մը վաղնջական իրերու անհաշուելի արժէք մը կը պարզեէ:

Շարունակենք աւելի պարզ բաններու անցնիլ: Կը փափաքիմ խօսիլ տանտիկնութեան այն փոքրիկ մանրամասնութեանց վրայ զորս հիմա բազմաթիւ դեռահաս կիններ շատ քիչ բանաստեղծական կը գտնեն: Նիւթական աշխատութեան եւ տան մը պահնջած համեստունակ հոգերու հանդէպ իրենց ունեցած արհամարհանքը, խիստ պարզ շփոթումէ մը յառաջ կու գայ, բայց պարզ շփոթում ըլլալուն համար ոչինչ նուազ զարհուրելի է: Այս շփոթումը կը ծնի բանաստեղծութիւն եւ գեղեցկութիւն չկեցած տեղեր բանաստեղծութիւն եւ գեղեցկութիւն փնտուելին: Նշանաւոր, շնորհալի զբաղումներ կան, ինչպէս գրականութիւն մշակել, քնար զարնել, եւայլն, կան նաեւ ուամիկ զբաղումներ, ինչպէս կօշիկ ներկել, սենեակ ապել կամ կրակին վրայի սանին հսկել: Տղայական սխալ մըն է այս: Այս խնդրոյն հետ ոչ քնարը, ոչ աւելը գործ ունի. ամէն բան կախում ունի զայն բռնող ձեռքէն եւ այդ ձեռքը շարժելու դրդող ոգիին: Բանաստեղծութիւնը իրերուն մէջ չէ. մեր մէջն է: Պէտք է զայն դրոշմենք առարկաներուն վրայ ինչպէս քանդակագործը իր անուրջները կը դրոշմէ մարմարին վրայ: Եթէ մեր կեամբն ու գործը յաճախ անհրապոյր կը մնան ի հեծուկս անոնց արտաքին նշանաւոր հանգամանքին, պատճառը այն է որ գիտցած չենք այդ հրապոյր աւելցնել: Արուեստին բարձրութիւնը կը կայանայ վայրե-

նին ընտելացնելուն մէջ։ Երանի թէ մեր աղջիկները ինքզինքնին նուիրէին իրենց ներսն եղող էապէս իգական արուեստը զարգացնելու եւ այսպէս անհոգիին հոգի տալու։ Կնօջական շնորհքին յաղթանակը այս բանին մէջ կը կայանայ։ Միայն կինը գիտէ տան մէջ դնել այն չեմ գիտեր ինչը, որ բանաստեղծին ըսել տուաւ, «Ըստանեկան յարկը կը զուարժանայ եւ կը բերկրի։» Կ'ըսեն թէ յաւերժահարսեր չկան, կամ ալ եւս չկան. բայց այս տեսակ մարդիկ չեն գիտեր թէ ինչ կ'ըսեն։ Յաւերժահարսերու նախատիպերը, զորս բանաստեղծները երգեր են, գտնուած են, եւ ցայսօր կը գտնուին անձերուն մէջ այն սիրուն մահկանացուներուն որոնք գիտեն իրենց խմորը եռանդով թրել, գուպպային կամ տարատին ծակերը նորոգել մարդասիրաբար, հիւանդներուն հոգ տանի՝ ժպտուն երեսով, շնորհք մը դնել ժապաւէնի մը վրայ, եւ իրենց միտքը կեղրոնացնել տապակին մէջի ձուկին վրայ։

* * *

Անուրանալի ճշմարտութիւն մըն է թէ գեղարուեստներու մշակութիւնը բարոյացուցիչ ազդեցութիւն ունի եւ թէ մեր խորհուրդներն ու արարքները վերջ ի վերջոյ կը տոգորուին մեր աչքերուն զարկած առարկաներով։ Բայց գեղարուեստները եւ անոնց արտադրութեան ուսումնասիրութիւնը քիչերու վերապահուած առանձնաշնորհումներ են։ Ամէն մարդու տրուած չէ գեղեցիկ բաներ ունենալ, հասկնալ եւ ստեղծել։ Բայց կայ տեսակ մը մարդկային գեղեցկութիւն որ կրնայ ամենուրեք թափանցել.

— մեր կիներուն եւ աղջիկներուն ձեռքերէն յառաջ եկած գեղեցկութիւնն է այն։ Ի՞չ է ամէնէն շքեղ տունն իսկ առանց այդ գեղեցկութեան։ — պաղ եւ անհրապոյր բնակարան մը միայն։ Իսկ ատով ամէնէն խեղճ տունն իսկ կ'ոգեւորուի եւ կը լուսազարդուի։ Կամքը ազնուացնելու եւ փոխակերպելու եւ երջանկութեան վրայ բան մը աւելցնելու կարող ոյժերուն մէջ չկայ թերեւս ազդակ մը որ աւելի ընդհանրական գործածութիւն մը ունենայ։ Սյդ Արուեստը գիտէ իրերը աւելի արժէքաւոր եւ սիրուն ընել գործածելով նոյն իսկ ամէնէն ողորմելի գործիքները եւ գործելով ամէնէն աննպաստ պարագաներու տակ։ Երբ սենեակը անձուկ է, քսակը վտիտ, եւ սեղանը համեստ, կին մը, որ այս ձիրքը ոնին՝ գիտէ հոն տիրապետել տալ կարգաւորութիւն, մաքրութիւն եւ բարեվայելչութիւն։ Իր ստանձնած ամէն մէկ գործին մէջ ինամք եւ արուեստ կը դնէ։ Ան ընդունիր թէ միայն հարուստներուն առանձնաշնորհումն է լաւ կերպով ընել ինչ որ մարդ պէտք է ընէ, այլ կը կարծէ թէ ամէնուն ալ իրաւունքն է այդ։ Ատոր համար է որ այդ արուեստը ի գործ կը դնէ, եւ ատոր համար է որ գիտէ օժտել իր տունը վայելու, սիրուն եւ հրապութիչ հանգամանքով մը, զոր չունին աւելի բախտաւոր տուներ ուր ամէն բան վարձկան ձեռքերը կը կատարեն։

Այսպէս ըմբռնուած կեանք մը շուտով երեւան պիտի հանէ անծանօթ մնացած գեղեցկութեանց եւ հրապոյրներու ճոխութիւն մը եւ խորին գոհոնակութիւն մը։ Ըմբռնել ինքզինքը եւ իր դիրքը, հասկնալ իր բնական

միջավայրին մէջ այն գեղեցկութիւնը որ այդ միջավայրին կը պատկանի, ահա գաղափարական գեղեցկութիւնը։ Որքան որ կնոջ պաշտօնը կարեւորութիւն եւ նշանակութիւն կը ստանայ, այնքան աւելի պէտք է սորվի ան իր կեանքն ու հոգին դնել իրերուն մէջ, եւ այդ հոգիին տալ բարեսրտութիւնը իբր արտաքին խորհրդանշանը այն հաճելի եւ փափուկ գործերուն զորս ամէնէն անասնաբարոյ անձերն իսկ կը զգան։ Իրենց չոնեցածին ցանկալէ եւ իրենց այս ըղձանքն անհարկի չարչարանքներու ձախաւեր նմանութեանց մէջ կիրարկելէ լաւագոյն պիտի չըլլամբ այս։

ԳԼՈՒԽ ԺԱ

ՀՊԱՐՏՈՒԹԻՒՆ ԵՒ ՊԱՐՁԱՍԻՐՈՒԹԻՒՆ

Թերեւս դժուար պիտի ըլլար գտնել նիւթ մը որ հպարտութենէն աւելի յարմար ըլլար ապացուցանելու համար թէ լաւագոյն, զօրատորագոյն եւ աւելի խաղաղասէր կեանքով մը ապրելու համար մարդոց ունեցած դժուարութիւնները աւելի իրենց մէջ են քան թէ պարագաներուն։ Ընկերային դիրքերուն զանազանութիւնը, եւ, ամէն բանէ աւելի, հակապատկերները, անխուսափելիուն ենթակայ կ'ընեն զմեզ ամէն տեսակ դժուարութեանց

եւ մաքառումներու։ Բայց միենոյն ընկերային շրջանակին պատկանող անդամներուն միջեւ գոյութիւն ունեցող յարաբերութիւններէն քանին արդեօք պարզուած պիտի չըլլային եթէ արտաքին պէտքերուն մէջ տարբեր ոգի մը դնէնք։ Քաջ համոզուինք թէ դասակարգի, պաշտօններու եւ մեր ճակատագրերուն այնքան ներհակ ձեւերը չեն վերջապէս որ մարդիկը շփոթութեան կը մատնեն։ Եթէ այդպէս ըլլար, այն ատեն պաշտօնակիցներու, ընկերներու եւ նոյն շահերն ու ճակատագիրները ունեցող ամէն մարդոց մէջ հովուերգական խաղաղութիւն մը պիտի տիրէր։ Ընդհակառակը, ամէն ոք գիտէ թէ ամէնէն դառն վէճերը ընդհանրապէս նոյն դիրքին եւ մակարդակին վրայ գտնուող մարդոց մէջ կը ծագին։ Բայց ամէն բանէ առաջ հպարտութիւնն է որ արգելք կ'ըլլայ մարդոց՝ համերաշխ եւ ներդաշնակ ոգուվ մը ապրելու։ Հպարտութիւնը մարդը կ'ընէ ոզնի մը, որ չի կրնար ո՛ւ է մէկուն դպչիլ առանց զանիկա վիրատրելու։ Խօսինք նախ հարուստներուն եւ մեծատուններուն հպարտութեան վրայ։

Ինչ որ տհաճութիւն կը պատճառէ ինձ հարուստ մարդու մը վրայ, որ իր կառքովը կ'անցնի, ոչ անոր պերճանքն է, ոչ անոր արդուզարդը, եւ ոչ ալ իր ծառաներուն թիւն ու արագ սպասարկութիւնը զոր կ'ընդունի։ Իր արհամարհանքն է։ Մեծ հարստութիւն ունենալն երբեք ցաւ չի պատճառեր ինծի եթէ նախանձու եւ ատեցող տրամադրութիւն մը չունենամ, բայց կը վիրատրուիմ երբ կը տեսնեմ որ վրաս ցեխ կը նետէ, վրաս կը

հեծնէ եւ իր բոլոր տրամադրութեամբը ցոյց կու տայ թէ իր աչքին առջեւ ո եւ է արժէք չունիմ, քանի որ հարուստ չեմ իրեն պէս: Այս հոս է որ վիշտ կը զգամ եւ իրաւացի պատճառով: Կը նախատէ եւ կը ստորնացնէ զիս ձրիաբար: Նախանձով մի ամբաստանէք զիս, որովհետեւ նախանձ չունիմ: Իբր մարդ ունեցած արժանապատութիւնս է որ կը վիրաւորովի: Ամէն անոնք որ ուսած են եւ տեսած են կեանքը, բաւական փորձառութիւն ստացած են որոնք պիտի արդարացնեն մեր խօսքերը: Նիւթական շահերու նուիրուած մասնաւոր կեղրոններու մէջ հարստութեան հպարտութիւնը այնքան մեծ չափով կը տիրէ որ մարդիկ զիրար կը յիշեն, ճիշդինչպէս մէջ կը բերեն սակարանին արժէքներն ու գիները: Արժէքն ու յարգը կը չափովին մարդուն դրամարկուն պարունակութեամբը: Ընկերութեան բարձր դասակարգին անդամները կը կազմեն մեծահարուստները, միջակ դասակարգը՝ նուազ հարստութիւն ունեցողները: Ապա կու գան շատ քիչ դրամ ունեցողները, եւ վերջապէս բան մը չունեցողները: Ամէն պատեհութեամբ այս սկզբոնքով կը շարժին: Եւ այն անձը, բաղդատաբար հարուստ՝ որ իր արհամարհանքը ցոյց կու տայ իրմէ նուազ հարուստին, իր կարգին կ'արհամարհով հարստութեան մէջ իրմէ բարձրերէն: Այսպէս բաղդատելու տենդը գագաթէն սկսելով կը համսի մինչեւ հիմերը: Այս տեսակ կեղրոն մը ամէնէն անարժան զգացումները մշակելու ատակ է: Մակայն ոչ թէ հարստութիւնը, այլ հարստութեան մասին իրենց ցոյց տուած ոգին է զոր կ'ամբաստանէք եւ

կը դատապարտենք: Կան հարուստներ, որ այդ ուամիկ ըմբռնումը չունին. մանաւանդ անոնք չունին որոնք սերոնդէ սերոնդ դիւրակեցութեան եւ ճոխութեան վարժուած են: Բայց կը մոռնան թէ կայ տեսակ մը փափկանկատութիւն որ զմարդ պէտք է զգուշացնէ հակապատկերը աչքառու ընելէ: Ենթադրենք թէ ճոխութիւնը եւ պերճանքն ըմբռշնելուն մէջ զնաս մը չկայ. անհրաժշտ է որ մարդիկ իրենց պերճանքն ու ճոխութիւնը ցուցադրեն, եւ կեանքին էական պէտքերն իսկ հոգալու անկարող եղողներուն աչքերը շլացնեն, եւ այսպէս շռայլութիւնը չքաւորութեան ճիշդ քովիկը դնեն: Լաւ ճաշակը եւ տեսակ մը համեստութիւն միշտ կ'արգիլեն ուժեղ եւ քաջառողջ մարդու մը՝ իր զօրաւոր ախորժակին, հանգըտաէտ քունին եւ ապրելուն մասին իր ունեցած բերկրանքին վրայ խօսիլ հիւծախտաւորներու ներկայութեանը: Շատ հարուստներ կան, որոնց քով փափկանկատութիւնը կը պակսի եւ ատոր հետ՝ շատ անգամ կարեկցութիւն եւ խոհեմութիւն ալ: Իրաւոնք ունին ասոնք ուրիշներուն նախանձին համար զանգատելու, քանի որ այդ նախանձը գրգուելու համար իրենց կրցածն ըրած են: Բայց ինչ որ ամէնէն աւելի կը պակսի իրենց մէջ երը կը հպարտանան իրենց հարստութեան վրայ կամ երը անգիտակցաբար ինքզինքնին շռայլութեան հոսանքին կը յանձնեն, կշռադատութիւնն է: Ցղայամտութիւնն է հարստութիւնը անձնական յատկութիւն մը նկատել: Մարդ չի կրնար սիսալիլ նամակի մը պահարանին եւ անոր պարունակութեան փոխադարձ արժէքին նկատ-

մամբ։ Զեմ ուզեր այս կէտին վրայ ծանրանալ, վշտառիթ նիւթ մըն է այս։ Եւ սակայն մարդ չի կրնար այս դասակարգին պատկանողներուն չըսել։ — «Զգուշացէք, ձեր ունեցածը ձեր անձին հետ մի շփոթէք։ Աշխարհի շքեղութեանց եւ պերճանքին ներքին, իրական կողմը ուսումնասիրեցէք, որպէս զի կարող ըլլաք տեսնել անոնց տղայամտութինը եւ բարոյական թշուառութինը։ Արդարեւ հպարտութինը շափազանց ծիծաղաշարժ թակարդներ կը լարէ մեզի համար։ Պէտք է կասկածինք այս տեսակ ընկերի մը վրայ, որ մեր որացիներուն ատելի կ'ընէ զմեզ, եւ կը կորմնցնէ մեր յստակատեսութինը։»

Անոնք որ ինքզինքնին հարստութեան հպարտութեանը կու տան, կը մոռնան ուրիշ կէտ մըն ալ, — ամէնէն կարեւոր կէտը, թէ ստացուածք, հարստութինն դիզելն ընկերային պաշտօն մը, պարտաւորութինն մըն է։ Տարակոյս չկայ թէ, անհատական ստացուածքը այնքան օրինատը է որքան նոյն իսկ անհատին գոյութինը։ Այս երկու բաները անբաժանելի են եւ է-՛ն-է մըն է, ամէն տեսակ վտանգներով լեցուն, կեանքին այս տարրական սկզբունքներուն վրայ յարձակիլ։ Բայց անհատը համայնքին կը պատկանի, իր բոլոր կարողութիններով եւ իր բոլոր ըրածը կատարելու է այս հայեցակէտը աչքի առջեւ ունենալով։ Ուստի ստացուածքի տէր ըլլալը իրեն փառքի պատճառ մը ըլլալու արտօնութենէ մը աւելի՝ ծանր պարտականութինն մը կ'ըլլայ իրեն համար։ Ճիշդ ինչպէս որ մարդ ժամանակ մը իրը աշակերտ կը ծառայէ, ինչ որ յաճախ դժուարին բան մըն է, ընկերային բարձր

պաշտօններ ի գործ դնելու կարող ըլլալու համար, այսպէս ալ հարստութինն կոչուած պաշտօնը աշակերտութինն կը պահանջէ։ Գրեթէ ամէն մարդ, հարուստ կամ աղքատ, կ'երեւակայէ թէ հարստութեան մէջ ուրիշ բան չկայ ընելու, բայց միայն ապրիլ անփոյթ ու անգործ կերպով մը։ Ասոր համար է որ շատ քիչեր գիտեն հարուստ ըլլալ։ Բազմաթիւ մարդոց ձեռքին մէջ հարստութիննը, կուտերի զուարթ բայց ահարկու մէկ նմանութեամբ, իշու մը կճղակներուն մէջի քնարին կը նմանի։ — գաղափար իսկ չոնին թէ ինչպէս պէտք է գործածեն զայն։

* * *

Այսպէս, երբ հանդիպինք մէկոն որ հարուստ եւ պարզ է միանգամայն, այսինքն անձի մը, որ իր հարըստութիննը կը նկատէ իր իբր մարդ ունեցած պարտականութինները եւ իր կոչումը կատարելու միջոց մը, յարգանքով պէտք է ողջունենք զանիկա, որովհետեւ մարդ մըն է ապահովաբար։ Դժուարութեանց եւ փորձութեանց դիմագրաւած եւ ռամիկ ու ներքին բարոյական փորձութիններու յաղթած է ան։ Իր քսակին պարունակութիննը իր ուղեղին կամ սրտին պարունակութեանց հետ չի շփոթեր, եւ իր ընկեր արարածներուն արժէքը թուանշաններով չի զատեր։ Իր բացառիկ դիրքը զինքը հպարտացնելէ աւելի կը խոնարհեցնէ, քանզի իրապէս կը զգայինչ բանի որ պէտք ունի իր բարոյական պարտաւորութեանց բարձունքը համնելու համար։ Մարդ մնացած է, եւ այս՝ ամէն բան է։ Մատչելի, դիւրահամբոյր է, օգ-

Նելու յօժար, եւ փոխանակ իր ինչքը զինքը ուրիշ մարդոցմէ անջատող թումբ մը ընելու, զանոնք իրեն աւելի մոտ բերելու միջոց մը կ'ընէ: Թէեւ բազմաթիւ եսամոլ եւ հպարտ մարդիկ բոլորովին եղծած եւ ապականած են հարուստ ըլլալու արհեստը, այս անձը կը յաջողի գնահատուիլ ողջամիտ եւ խելացի մարդերէ: Ամէն մարդ որ կը մօտենայ անոր եւ կը տեսնէ անոր կեանքը, կը հարկադրուի անդրադառնալ իր կեանքին եւ հարցնել իւրովի. «Արդեօք ես ի՞նչ պիտի ըլլայի նմանօրինակ պարագաներու տակ: Եթէ ես ալ անոր չափ հարուստ ըլլայի, պիտի ունենայի նոյն համեստութիւնը, նոյն անտարբերութիւնը, նոյն արդարութիւնը, որով իր ունեցածը կը նկատէ այնպէս իբր թէ ուրիշի մը պատկանէր այն:» Որքան ատեն որ նախանձ եւ եսամոլութիւն գոյութիւն ունենան երկրի վրայ, ոչինչ այնքան յարգի պիտի ըլլայ ողքան պարզութեան ոգիով լեցուած հարստութիւնը: Ներողամտութենէն աւելի բան մը պիտի շահի. — Մէր պիտի շահի:

Հարստութեան ներշնչած հպարտութենէն աւելի հպարտութին կը ներշնչեն նաեւ ազդեցութին եւ բարձր դիրք։ Պէտք չէ մոռնալ սակայն թէ օրհնութիւնը խո- նարհութեան մէջ կը կայանայ։

Բայց մեծատունները չեն միայն որոնք հպարտութիւն ունին. պղտիկ մարդերն ալ ունին իրենց հպարտութիւնը: Այս երկու դասակարգին հպարտութեան արմատը նոյնն է:

Բազմաթիւ մարդիկ կան, որոնք ամէն գերադասութէնէ, գերիվերութէնէ կը գրգռուին։ Ասոնց համար ամէն խրատ նախատինք մըն է. ամէն քննադատութին՝ զրպարտանք, ամէն հրաման՝ իրենց իրաւաց բռնաբարումը։ Ո՞ եւ է օրէնք չեն ընդունիր, ո՞ եւ է անձի կամ ո՞ եւ է բանի յարգանք ընծայել անոնց համար մտային զարտուղութեան նշան է։ Ասոնք իրենց ընթացքով կ'ըսեն, «Մեզմէ զատ ո՞ եւ է մարդու տեղ չկայ»։

ՄԵծամիտներու այս դասակարգին կը պատկանին նաև
անոնք որոնք բոլորովին անուղղայ եւ անհամբոյր են,
որոնք խոնարհ դիրքերու մէջ երեք գոհ ըլլալու չեն
յաջողիր, եւ որոնք իրենց պարտականութիւնները կը
կատարեն այն ձեւերով իրը թէ գոհեր ըլլային։ Այս դիւ-
րազգած եւ վշտացող ոգիներուն յատակը կը գտնուի սխալ
կերպով հիմնուած անձնասիրութիւն մը։ Զեն գիտեր իրենց
դիրքին մէջ գտնուիլ պարզութեամբ, եւ իրենց, ինչպէս
նաև ուրիշներու, կեանքերուն կու տան բարդ հանգամանք
մը ծիծաղաշարժ խստապահանջութիւններով եւ անիրաւ
մտածումներով։

Երբ մարդ հետամուտ կ'ըլլայ մարդիկը մօտէն ու-
սանիլ, կը զարմանայ գտնելով որ հպարտութիւնը բոյն
դրած է անոնց մէջ, զորս խոնարհ կը կոչէնք: Այս մո-
լութիւնը, հպարտութիւնը, այն տեսակ ազդեցութիւն
մը ունի որ ամէնէն համեստ վիճակներու մէջ ապրող
մարդոց կեանքերուն շուրջը պատնէշներ կը քաշէ, որոնք
զանոնք կը մեկուսացնեն իրենց դրացիներէն: Իրենց փա-
ռասիրութեանց եւ արհամարհանքի պատնէշներուն ետեւը

այնքան անմատչելիօրէն ամրացած են, որքան երկրի հարուստ մարդիկը՝ իրենց ազնուապետական նախապաշտումներուն ետեւ։ Մարդ նշանաւոր ըլլայ կամ ան-նշան, հպարտութիւնը կը տոգորէ զանիկա անանկ զգացումներով, որոնք մարդկային ցեղը թշնամի մը նկատել կու տան։ Զքաւորութեան կամ պերճանքի մէջ կատարելապէս նոյն բանն է, — անզօր եւ միայնակ, ամէն բանի նկատմամբ անվստահութիւն տածելով եւ ամէն բանի բարդ հանգամանք մը տալով։ Եւ երբեք չենք կրնար պէտք եղածին չափ յեղյեղել որ եթէ տարբեր դասակարգերու մէջ այսքան ատելութիւն եւ թշնամութիւն գոյութիւն ունին, ասիկա աւելի ներքին, անհատական տրամադրութեան արգասիք է քան արտաքին ճակատագրականութեան։ Շահերու հակառակութիւնը եւ վիճակներու հակապատկերները մեր միջեւ խրամներ կը բանան, — ոչ ոք կրնայ զայս ուրանալ, — բայց հպարտութիւնը այս խրամները անդունդներու կը վերածէ, եւ արդարեւ այս տեսակ անձերն են որոնք մէկ եղրէն միւսը կը գոչեն։ «Զեր եւ մեր միջեւ հասարակաց բան մը չկայ։»

* *

Հպարտութեան նկատմամբ ըսելիքս դեռ չաւարտեցի, բայց անկարելի է իր ամէն ձեւերովը պատկերել զայն։ Կը մեղադրեմ, կ'այպանեմ այն հպարտութիւնը մանաւանդ երբ գիտութեան մէջ կը խառնուի եւ զայն կ'ամլացնէ։ Գիտութիւնն ալ, հարստութեան եւ գորութեան նման, մեր ընկեր արարածներուն կը պարտինք։

Գիտութիւնը ոյժ մըն է, որուն պաշտօնն է ծառայութիւն մատուցանել, ինչ որ չի կրնար ընկել եթէ զայն ունեցողը սրտանց մօտ չապրի չունեցողին։ Երբ գիտութիւնը փառասիրութեան գործիքի մը կը վերածուի, ինք-զինքը կը փճացնէ։

Եւ ի՞նչ ըսենք բարի մարդոց հպարտութեան վրայ, — որովհետեւ այս տեսակ հպարտութիւն մըն ալ գոյութիւն ունի, եւ որ նոյն իսկ առաքինութիւնը ատելի կ'ընէ։ Այն բարի եւ արդարասէր անձերը, որոնք ուրիշներուն գործած չարութեանց համար ցաւ կը զգան, բանաւոր ընթացքով մը եւ համերաշխ ոգիով մը ապրած կ'ըլլան։ Ընդհակառակը, անոնք որ կ'արհամարհեն ուրիշները՝ անոնց սխալմոնքներուն եւ թերութեանց համար, խրամատ մը կը փորեն մարդկութեան եւ իրենց յատկութեանց միջեւ, եւ կ'իջնեն իրենց ծանծաղամտութեան սնոտի մէկ զարդին մակարդակին։ Նման կ'ըլլան այն տեսակ հարցութեանց զոր բարեսրտութիւնը չէ որ կը ներշնչէ։ Ինչպէս բարձրամիտ հարուստը եւ գոռոզ ազնուապետականը զգուանք կը պատճառեն, նմանապէս հպարտութիւնը պարուղակային անունութիւնը անհանդուրժելի է։ Մարթիւն բուրող առաքինութիւնը անհանդուրժելի է։ Մարդուն կը ներկայէ անանկ տրամադրութիւն մը եւ յատուն կը յայտնէ չեմ գիտեր ինչ մը, որ մարկութիւն մը, որ կը յայտնէ չեմ գիտեր ինչ մը, որ մարդուն թշնամի կը հանդիսանայ։ Այդ տեսակ առաքինութեան օրինակը մեզ կը վանէ, փոխանակ քաշելու, եւ թեան օրինակը մեզ կը վանէ, փոխանակ քաշելու, եւ անոնք ալ, զորս այս տեսակ առաքինութիւն մը կը զիանոնք ալ, զորս այս տեսակ առաքինութիւն մը կը զիանողի տպաւրութիւնը կ'ունենան։

Արդ, ամփոփենք եւ եզրակացնենք :

Սխալ է խորհիլ թէ մեր առաւելութիւնները, ինչ որ ալ ըլլան, պէտք է մեր ծանծաղամտութեան ծառայելու գործածուին : Այդ առաւելութեանց ամէս մէկը զայն ունեցողին վրայ պարտաւորութիւն մը կը դնէ եւ ոչ թէ ինքնափառաբանութեան պատճառ մը կ'ըլլայ : Նիւթական մեծութիւն, զօրութիւն, գիտութիւն, միտքի եւ սիրտի յատկութիւններ, ասոնք ամէնքը անմերդաշնակութիւն յառաջ բերող թելեր կ'ըլլան, եթէ հպարտութիւնը սնուցանելու ծառայեն : Ատոնք օգտակար են միայն այն ատեն երբ գիրենք ունեցողներուն համեստութեան կը հպատակին : Խոնարհ ըլլանք եթէ շատ առաւելութիւններ ունինք, քանզի այս պարագան կ'ապացուցանէ միայն թէ շատ պարտքեր ունինք : Ինչ որ մարդ ունի, մէկուն կը պարտի այդ ունեցածը՝ ինչ որ ալ ըլլայ այն, եւ վստահ ենք թէ մեր բոլոր պարտքերը հատուցանելու կարող պիտի ըլլանք :

Խոնարհ ըլլանք, եթէ բարձր պաշտօն մը յանձնուած է մեզ, զի անկարելի է որ յստակատես մարդ մը ինքզինքը ծանր պարտականութեանց տակ չզգայ, եթէ ունի այս տեսակ դիրք մը :

Խոնարհ ըլլանք, եթէ շատ ծանօթութիւն եւ ուսում ունինք, քանզի հմտութեան այդ պաշարը անծանօթ մնացած գիտական գաղտնիքներու թիւն ու մեծութիւնը միայն ապացուցանելու պիտի ծառայէ, եւ պիտի նպաստէ նաեւ մեր ըրած գիտերը բաղդատել այն բազմաթիւ գիտերուն հետ, զորս ուրիշներուն գիշերաջան աշխատութեանց կը պարտինք :

Մէկ խօսքով, եւ ամէս բանէ աւելի, խոնարհ ըլլանք, եթէ առաքինութիւններ ունինք, քանզի ոչ ոք աւելի լաւ կերպով պիտի տեսնէ իր թերութիւնները քան այն որ առաքինութիւնը կը ճանչնայ, եւ ոչ ոք այս տեսակ անձէ մը աւելի կը զգայ թէ պէտք է ներողամիտ գտնուի ուրիշներուն հանդէպ :

*
*
*

Մէկը գուցէ առարկէ հոս թէ պարզութեան այս աստիճան ջատագով հանդիսանալով՝ մարդկային ընկերութեան կարգ մը կարեւոր եւ անհրաժեշտ դասակարգերը ջնջել պէտք կ'ըլլայ : Այդ կարծիքին չեմ: Բայց կը կարծեմ թէ ինչ որ մարդ մը նշանաւոր կը հանդիսացնէ, ոչ իր պաշտօնը, ոչ ալ իր հարստութիւնն է: Ուրիշ ու եւ է դարէ աւելի մեր դարը եղած է որ միմիայն արտաքին իրերու մասին գոյութիւն ունեցող ունայնամտութիւնը ջնջած է: Հարկ չէ ըսել թէ արտաքին նշանները պէտք չէ դատապարտել. ասոնք իրենց նշանակութիւնն ու օգուտը ունին, պայմանաւ սակայն որ ասոնց ներքեւ արժանիքի տէր բան մը կենայ: Եթէ կ'ուզէք որ աւագութեան այս նշանները, որոնք ինքնին այնքան պատուաւոր եւ ակնածելի են, իրապէս յարգուին, պէտք պատուական եւ ակնածելի են, իրապէս յարգուին, պէտք է նախ արժանի ըլլաք անոնց: Պէտք չէ մոռնանք թէ խոնարհութեան եւ հնազանդութեան ոգին պէտք է աճի, խոնարհութեան եւ հնազանդութեան ոգին պէտք է աճի, որքան որ մեր դիրքն ու ազդեցութիւնը կը բարձրանան: Պարապ տեղը չէ որ յարգանքը մեր օրերուն պակսելու վրայ է. պատճառը այն է որ անոնք, որ կ'ուզէն յար-

գանքը իրենց դիրքին եւ ազդեցութեան համար, իբր ընկերութեան բարձր դասուն պատկանող անհատներ, յաճախ շատ քիչ իրական արժանիք կը ներկայացնեն :

Ամէնէն էական բարձրութիւնը կը կայանայ լաւագոյն մէկն ըլլալու բաղձանքին մէջ։ Այն անձը, որ այս փափաքը ունի, աւելի խոնարհ եւ աւելի սիրելի կ'ըլլայ եւ աւելի մտերիմ անոնց՝ որոնք յարգանք կը պարտին իրեն։ Ո՛րքան քիչ հպարտութիւն սերմանուի, այնքան առատ յարգանք կը հնձուի։

ԳԼՈՒԽ ԺԲ

ԴԱՍԻԱՐԱԿՈՒԹԻՒՆ ՊԱՐՁՈՒԹԵԱՆ ՄԷՋ

Պարզ կեանքը ամէն բանէ աւելի մտքին մէկ ուղղութեան արդինքն ըլլալով՝ բնական է որ դաստիարակութիւնը այդ սահմանին մէջ մեծ ազդեցութիւն ունենայ։

Տղաքներ մեծցնելու ատեն գլխաւորաբար երկու մէտ միայն կը գործածենք։

Առաջին մէթուոր կը կայանայ զանոնք մեզի համար մեծցնելուն մէջ։

Երկրորդը՝ տղաքը իրենց համար մեծցնելուն մէջ։ Առաջին պարագային մէջ տղան, իր ծնողքին լրա-

ցուցիչն ըլլալ կը նկատուի։ Ան մաս կը կազմէ ծնողաց պատկանած իրերուն, եւ տեղ մը կը գրաէ այն առարկաներուն մէջ, որոնք ծնողաց կը վերաբերին։ Երբեմն այդ տեղը ամէնէն ազնին ու գերազանցն է, եւ ասիկա այն ատեն միայն՝ երբ ծնողքներ սիրոյ եւ գորգուրանքի կեանքը ամէն բանէ աւելի կը գնահատեն։ Երբեմն ալ, սակայն, երբ նիւթական շահերը գերադաս կը կշռեն, տղան երկրորդական, երրորդական կամ նոյն իսկ վերջին տեղը կը գրաէ։ Բայց ինչ դիրք ալ գրաէ, սեփական անհատականութիւն ունեցող մէկը չէ։ Երբ տակաւին դեռահաս է, իր ծամրութեան կեղոնը իր ծնողքն է. — անոնց բոլորտիքն է որ կը դառնայ, անոնք զանիկա կ'առինքնեն, ոչ թէ իր հնազանդութեան իրը արդինք միայն, որ օրինաւոր է անշուշտ, այլ որովհետեւ իր էութեան ամէն պէտքերուն, իր բոլոր իրաւոնքներուն համար իր ծնողքին կախում ունի։ Որքան որ յառաջանայ իր տարիքին մէջ, իր ծնողքին կախում ունենալու այս ունակութիւնը կը շեշտուի, եւ որքան որ իր գաղափարները, զգացումները եւ ամէն ինչ իր մէջ զարգանան, ամէն բանի համար իր ծնողքին դառնալու այս վարժութիւնը պարզապէս օրէնք մը կ'ըլլայ իր բնոււայս վարժութիւնը պարզապէս օրէնք մը կ'ըլլայ իր բնոււայս մէջ։ Իր անչափահասութիւնը կը մշտնջնեաւորի։ Փոխանակ օրէ օր իր ծնողքին անկախաբար ապրիլ կարենալու մէջ վարժուելու, յառաջ կ'երթայ ստրկութեան ընալու մէջ վարժուելու, յառաջ կ'երթայ ստրկութեան մէջ, եւ կ'ըլլայ ինչ որ անոնք թոյլ կու տան իրեն ըլլայ, ինչ որ իր հօրը գործը կամ անոր արուեստը, կամ լալ, ինչ որ իր հօրը գործը կամ անոր արուեստը, կամ գեղեցկագիտական ճակոսնական հաւատալիքները, կամ գեղեցկագիտական ճա-

շակները կը պահանջեն իրմէ ըլլալ : Կը խորհի, կը խօսի,
կ' ամուսնանայ, իր ընտանիքին անդամներուն թիվն վրայ
յաւելում կ' ընէ՝ իր հօրն ըմբռնումին եւ կամքին հա-
մեմատ : Ընտանեկան այս իշխանութիւնը կրնայ նաեւ
գործադրուիլ այն տեսակ ծնողքներու կողմէ, որոնք ո՛-
եւ է կամք չունին : Կը բաւէ որ համոզուին թէ տղան իր
ծնողքին մէկ իրը պէտք է ըլլայ : Եւ երբ կորովը կը
պակսի իրենց քով, այն ատեն իրենց զակին տէր կ' ըլ-
լան ուրիշ միջոցներով, հառաջներով, աղերսներով կամ
գոեհիկ հրապուրանքներով : Եթէ չեն կրնար շղթայել,
ոստովով (ԷՌԱՒ) կը բռնեն եւ կը գրաւեն զանիկա : Ի՞նչ
որ ալ ըլլայ, պէտք է տղան իրենց մէջ, իրենց միջո-
ցով եւ իրենց համար ապրի . այս է միակ ընդունելի
որութիւնը իրենց մոքերուն մէջ :

Այս տեսակ դաստիարակութիւն մը ի գործ կը դրուի
ոչ թէ միայն ընտանիքին մէջ, այլ նաեւ Կրթական
Խորհուրդներու կողմանէ, որնց գլխաւոր կրթական պաշ-
տօնն է իրենց ձեռքը դնել նորեկ աշակերտին ուսին
վրայ, եւ զանիկա ամրապիրկ կերպով հաստատել գյու-
թիւն ունեցող սկզբունքներուն մէջ։ Դուրսէն դիտուե-
լով՝ կրթական այս տեսակ դրութիւն մը ամէն բանէ
առաջ պարզ ըլլալ պիտի թուի։ Այս կիրարկուած մէ-
թոտը արդարեւ բացարձակապէս պարզ է։ Եւ եթէ մարդ
անհատականութիւն չունենար, եթէ իր ցեղին մէկ նմոյշը
միայն ըլլար, այդ մէթոտը դաստիարակութեան կատար-
եալ մէթոտը պիտի ըլլար։ Ինչպէս մի եւ նոյն դասա-
կարգին պատկանող բոլոր վայրի գազաններ բոլոր ձու-

կեր եւ միջատներ նոյն դիրքը եւ նոյն վիճակը ունին,
նոյնպէս մենք ամէնքս ճիշդ նոյնը պիտի ըլլայինք, նոյն
ճաշակները, նոյն դասանակը, նոյն լեզուն եւ նոյն հա-
կումները ունենալով։ Բայց մարդ իր սեռին մէկ նմոյշը
չէ լոկ, եւ ասոր համար է որ այս տեսակ դաստիարա-
կութեան մը արդինքը պարզ չըլլար։ Մարդիկ այնքան
կը տարբերին իրարմէ որ անհատական խորհուրդները
չափաւորելու, եղանակաւորելու, քնացնելու կամ մարե-
լու համար հարկ կ'ըլլայ անթիւ միջոցներ հնարել։

Երկրորդ դրութիւնը միա ծայրն է: Այդ մէժոտը
կը կայանայ զաւակները իրենց (զաւակներուն) համար
մեծցնելու մէջ: Դեռերը կը փոխուին. ասոր մէջ ծնողք-
ները զաւակներուն համար են: Տղան հազիւ թէ ծնած
է, եւ ահա կեղրոն կը հանդիսանայ: Մեծ հօրը կամ
մօրը ալեհեր գլուխը եւ իր հօրը տոկուն գլուխը կը
խոնարհին այդ գանգրահեր գլխիկին առջեւ: Անոր
թոթով լեզուն անոնց հրճուանքն է. նշան մը այդ պըզ-
տիկէն կը բաւէ: Եթէ գիշերը իր որորանին մէջ աւելի
շատ լայ, ամէնքը կ'ելլին, աշխատութիւն, յոգնութիւն
բանի տեղ չեն դներ: Եւ քիչ ատենէն նորեկը կ'իմանայ
թէ բոլոր իշխանութիւնը իր ձեռքն է: Եւ դեռ ոտքի չե-
լած, այդ կացութիւնը զինքը կը գինովցնէ, խելքը գը-
լուիխէն կ'առնէ: Որքան որ մեծնայ, այդ զգացումը կը

თავს է: Կ'ընդուნի ანინց აյդ հպատակութիւնը: Ով որ
իր քալած ատեն յարգանքով մէկ կողմ չի քաշուիր,
այնպիսին կը նկատէ իբր ըմբոստ մը: Մինակ ինք կայ:
Եզական մէկն է ինք, կատարեալ եւ անսխալ: Իր բո-
լորտիքինները շատ ուշ կը հասկնան թէ զանիկա իրենց
տէրն ըրած են, եւ ինչ տեսակ տէր: Իրենց այս բա-
րեծաղիկ զաւակը մոռցած է իրենց գոհողութիւնները.
ակնածանք ու յարգանք չունի բնաւէն. կարեկցութիւն
ալ չունի. կարեւորութիւն չի տար երեք ամէն անոնց
որոնց ամէն բան կը պարտի, եւ իր կեանքը կը վարէ
անսանձ եւ անօրէն եղանակով մը:

Զաւակները ոչ իրենց ծնողաց, ոչ ալ բուն իսկ ի-
րենց համար պէտք է մեծցնել: Պէտք է զանոնք մեծցը-
նել ու պատրաստել այն կեանքին համար զոր պիտի
ապրին: Իրենց դաստիարակութեան նպատակն է նպաս-
տել անոնց՝ Մարդկութեան օգտակար անդամներն ըլլա-
լու, երկին ու համայնքին պարկեշտ ծառաները: Այս
սկզբունքին զատ ուրիշ ու եւ է սկզբունքով ներշնչուած
դաստիարակութիւն մը կեանքին պիտի տար բարդ հան-
գամնք մը, զանիկա պիտի խեղաթիւրէր, եւ ամէն
տեսակ անպատեհութեանց սերմերը պիտի ցանէր:

Երբ կ'ուզենք տղուն ճակատագիրը մէկ բառով բացատրել, առաջու բառն է որ մեր բերանը կու գայ: Արդ, տղան ամսկարող է իր դաստիարակութեան սկսած ատենը հասկնալ այս բառին իմաստը: Ուրեմն հվ պիտի պարգևէ անոր լուսոյ առաջին ճառագայթը, եւ անոր ոտքերը հաստատէ այն ճամբուն վրայ որուն պիտի հե-

տեւի. — Ծնողքները եւ ուսուցիչները: Բայց եթէ ասոնք
քիչ մը մտածեն, պիտի զգան թէ իրենց գործը կը-
շահագրգուէ ոչ միայն զիրենք եւ մանուկը, այլ իրենք
ի գործ կը դնեն ոյժեր եւ կը վարեն ոչ-անձնական շա-
հեր ալ: Դաստիարակութեան գործին մէջ գլխաւորա-
բար երկու հոգ պիտի ունենան, որոնք զիրար պիտի
լրացնեն. — Տղուն անհատական կարողութեանց զար-
գացումը, — կարողութիւններ, որոնք տղուն մէջ կը
ծնանին, եւ պէտք է զարգանան, եւ երկրորդ՝ այդ կա-
րողութեանց գործածութիւնը: Իրենց գործին մէջ վայր-
կեան մը իսկ պէտք չէ մոռնան թէ այս փոքրիկ էակը,
որ իրենց վստահութեան յանձնուած է, պիտի ըլլայ և
անձը եւ իր անձէն դուրս՝ էպայր մը: Անկարելի է եղ-
բայրաբար ապրիլ երկրի վրայ, սիրել, հոգածու ըլլալ
ուրիշներուն օգուտին հանդէպ, եթէ մարդ իր անձին
տէրը չէ, եւ չի կրնար զսպել իր զգացումներն ու կիր-
քերը, եւ փոխադարձաբար ոչ ոք կրնայ իր անձին տի-
րանալ իր որոշ անհատականութեան ամէն մասերովը,
առանց իր էութեան ամէն խորերը իջնելու, ուր մարդ
կը զգայ թէ ինքզինքին համար չէ միայն որ մարդ աշ-
խարհ կու գայ:

Որպէս զի կարելի ըլլայ մանուկը պատրաստել իր այս կրկնակ կոչումը իրագործելու, պէտք է պաշտպանել զանհիկա այն ոյժերուն դէմ, որոնք կը ձգտին զանհիկա անբաւական ընել իր այս կոչումին եւ նպատակին մէջ։

Այս ոյժերը կրկին են. —արտաքիս ու սպավիս: Յլ-
տաքին ոյժը կը կայանայ գլխաւորաբար օտարներուն,

ինչպէս՝ դաստիարակներու կշմքին բուռն միջամտութեան մէջ մանուկին կեանքին ուղղութեան վրայ։ Ներքինը կը կայանայ իր ԵՄին չափազանցեալ զգացումին եւ այն բոլոր քմայքներուն մէջ զորս այս զգացումը կը ծնանի։ Արտաքին վտանգը խիստ մեծ է եւ դաստիարակներու չարաչար գործած ազդեցութենչն կրնայ ծնիլ։ Բան մը կարենալ ընելու կարողութեան գիտակցութինը եւ իրատունքը ծայր աստիճան դիւրութեամբ մը ինք-զինքը դաստիարակութեան գործին մէջ կը ներմուծէ։ Ան որ կը դաստիարակէ՝ այս իրաւոնքին պէտք է հրաժարի, այսինքն պէտք է մոռնայ ինքզինքը, իրեն սիրական գաղափարները, որոնք կրնան լաւագոյնը չըլլալ տղուն համար, եւ ներշնչուի մի միայն այն ոգիով որ դաստիարակութեան գործին մէջ մանուկին համար ամէնչն օգտակարն է եւ էականը։ Մեր հեղինակութինը այն ատեն միայն լաւ է երբ մերինչն գերադաս ուրիշ հեղինակութենչ մը ներշնչուած է։ Այս պարագային մեր հեղինակութինը ոչ միայն օգտակար է, այլ նաեւ անհրաժեշտ է, եւ իր կարգին՝ լաւագոյն երաշխիքը կ'ըլլայ մարդու մը սպառնացող ներքին ամէնչն մեծ չարիքին, այսինքն իր կարեւորութինը չափազանցելուն ոչմ։ Ծնողքներուն եւ ուսուցիչներուն զուտ անձնական հեղինակութինը այն ազդեցութինը ունի մանուկին վրայ ինչ ազդեցութին որ ունին մորենի մը սողոսկուն ու փշալից բարունակները մատղաշ բոյսի մը վրայ։ — կը խափանեն անոր աճումը եւ ահա աղածրի թուփը կը թառամի եւ կը չորնայ։ Անանձնական հեղինակութինը,

որ բարձրագոյն ճշմարտութեանց, յափեական, պատուական իրականութեանց առջեւ խոնարհող մարդուն մէջ կը գտնուի, — ճշմարտութիւններ եւ իրականութիւններ՝ որոնց առջեւ կ'ուզէ նաեւ որ մանուկին անհատական քմայքները խոնարհին — այս տեսակ հեղինակութիւն մը կը նմանի մաքուր, լուսաէտ մթնոլորտի մը։ Մեր կեանքերը կը մնուցանէ եւ կը զօրացնէ։ Առանց այս տեսակ հեղինակութեան դաստիարակութիւն չկայ։ Հսկել, ուղղել, հրահանգել։ — ահա դաստիարակին պաշտօնը։ Դաստիարակը պէտք չէ երեւի տղուն իբր քը-մայքներու, քմահաճոյքներու պատուար մը, որուն վրայէն տղան եթէ ուզէ կրնայ ցատկել, պայմանաւ որ իր ոստումը համեմատական ըլլայ պատուարին բարձրութեան, բայց պէտք է երեւի իբր թափանցիկ պատ մը, որուն մէջէն տղան կարենայ տեսնել անյեղի իրականութիւնները, օրէսքները եւ ճշմարտութիւնները, որոնց դէմ ո եւ է գործողութիւն անկարելի է։ Ահա այսպէս կը ծնի յարգանքը, որ ամէն մարդու մէջ գոյութիւն ունի, իրմէ աւելի մեծը տեսնելու կարողութիւնը, այն յարգանքը, որ մեզ աճում կը պարգևելի եւ խոնարհ ընելով կը մեծցնէ զմեզ։ Ահա դաստիարակութեան օրէսքը պարզութեան մէջ։

Որովհետեւ այսօրուան մանովը վաղուան մարդը
պիտի ըլլայ, պէտք է անոր սորվեցնենք մեծերը եւ ծե-
րերը յարգել: Եւ ուստի անոր դաստիարակութեանն է
որ նպաստած կ'ըլլանք՝ երբ կը պատուենք ու կը յար-
որ գենք մեր մեծ հայրերն ու մեծ մայրերը: Ոչինչ այսքան
կ'ըլլանք կը խօսի մանովին, կամ անոր մէջ կը զար-
ազրուորէն կը խօսի մանովին,

գացնէ համեստութեան զգացումը քան տեսնել իր հայրն
ու մայրը, որոնք խորոնեած յարգանք մը ցոյց կուտան
իրենց ծեր եւ երբեմն ալ տկար մեծ հօրը։ Հոն, այդ
արարքին մէջ, իրերու յաւերժական դաս մը կայ, որուն
չի կրնար դիմաղորել։ Եւ որպէս զի այս դասը իր բոլոր
ուժովը ազդէ մանուկին վրայ, անհրաժեշտ է որ տան
մէջ կատարեալ համաձայնութիւն տիրէ ընտանիքին չա-
փահաս անդամներուն միջեւ։ Մանուկին աչքին առջեւ
անոնք ամէնքն ալ համերաշխ են, կ'ապրին զիրար յար-
գելու եւ զիրար հասկնալու համար, որպէս զի ընտա-
նիքին մէջ կրթութիւնը շխանգարի։ Այս մարդոց թի-
ւին մէջ պէտք է առնենք նաեւ ծառաները։ Մառան չա-
փահաս մարդ մըն է, եւ յարգանքի նոյն զգացումն է
որ կը վիրատորուի երբ տղան յարգանքի պակսութիւն
մը ցոյց կուտայ ծառային, ճիշդ ինչպէս այդ պակսու-
թիւնը ցուցնէր իր հօրը կամ մեծ հօրն հանդէպ։ Իրմէ
մեծին անքաղաքավար կամ կոշտ բառ մը ուղղածին պէս՝
մանուկը հեռացած կ'ըլլայ այն ճամբէն ուրկէ հեռանալու
չէր բնաւ, եւ եթէ ծնողքը թոյլ տան որ այս տեսակ
բան մը պատահի, առանց զգացնելու անոր թէ յանցանք
գործած է, քիչ վերջը կը տեսնեն անոր իրենց հանդէպ
ունեցած վարքէն թէ թշնամին մանուկին սիրուր մրուած է։

Անոնք որ դեռահասներուն մեզ հանդէպ յարգանքի պակսութիւն ցուցնելու բազմաթիւ օրինակներու վրայ յենլով կը կարծեն թէ տղան բնականէն անպատկառ է եւ յարգանք չցուցնելու հակամէտ, կը սխալին: Անոնց էութեան խորութեանց մէջ յարգանքը պէտք մըն է անոնց

Համար : Ծղան , թէեւ տարտամ եւ անորոշ կերպով , բայց
մէկը յարգելու կամ մէկուն վրայ հիանալու տեսչանքը
ունի : Բայց երբ մենք անոր այս տեսչանքին չենք օգ-
տուիր , այդ զգացումը կը կորսուի կամ կը խաթարի :
Համերաշխութեան եւ փոխադարձ յարգանքի մէջ մեր
ունեցած պակսութեան համար մենք չափահասներս մեր
դատը կը կորսնցնենք , ինչպէս նաև իրաւունքը այն
բոլոր իրերուն եւ անձերուն՝ որոնք յարգելի են մանու-
կին աչքին առջեւ : Կը պատուաստենք զանիկա վատ
ոգիով մը որ վերջ ի վերջոյ մեզի դէմ կ'ելլէ :

Այս ցաւադիթ ճշմարտութիւնը ոչ ուղեք այնքան
աչքառու կերպով երեւան կու գայ որբան տէրերուն եւ
սպասաւորներուն յարաբերութեանց մէջ: Մեր ընկերա-
յին թերութիւնները, պարզութեան եւ բարեսիրութեան
մէջ մեր ունեցած պակսութիւնը մեր տղոց գլուխին վրայ
կը պայմին: Ապահովաբար միջակ դասակարգին մէջ
շատ քիչեր կան որոնք կը հասկնան թէ լաւագոյն է
քանի մը հազար ֆրանք կորսնցնել քան թոյլատրել իրենց
զաւակաց որ կորսնցնեն իրենց յարգանքը սպասաւոր-
ներուն հանդէպ, որոնք մեր տուներուն մէջի խոնար-
հագոյն դասի անհատները կը ներկայացնեն: Որքան որ
կ'ուզես պահէ պահպանէ պայմանադրականութիւնները,
ընկերային աստիճաններու այս հեռաւորութիւններն ու
սահմանները, որոնք թոյլ կու տան ամէն մարդու իր
դիրքը ճանչնալ: Համոզուած եմ թէ լաւ բան մըն է
պիրքը ճանչնալ: Համոզուած եմ թէ լաւ բան մըն է
բայց պայմանաւ որ չմոռնանք թէ մեզ սպասար-
ույս, բայց պայմանաւ որ չմոռնանք թէ մեզ սպասար-
կողներն ալ մարդ են ճիշդ մեզի պէս: Զեր սպասաւոր-

ներուն խօսելու կերպեր, վարուելու ձեւեր կը սորվեցնէք, — արտաքին նշաններ այն յարգանքին զոր ձեզի կը պարտին։ Զեր տղոց ալ սորվեցուցէք եւ դուք ալ անձամբ այն ընթացքին մէջ գտնուեցէք, որ պիտի ցուցնէ ձեր սպասաւորներուն թէ կը յարգէք անոնց արժանապատութիւնը ինչպէս որ դուք կ'ուզէք որ յարգեն ձեզ։ Հոդ պիտի ունենաք սքանչելի ասպարէզ մը ուսանելու փոխադարձ յարգանքը գործադրելը, որ ընկերային քաջառողջութեան էական պայմաններէն մին է։ Կը վախնամ որ շատ քիչ կ'օգտուինք ատկէ։ Յարգանք կը պահանջէք, բայց չէք յարգեր։ Այսպէս յաճախ կեղծաւորութիւն կը ստանաք, եւ իբր յաւելուածական արդինք խիստ անսակնկալ բան մըն ալ կը տեսնէք, կը հասկնաք որ ձեր այդ ընթացքով ձեր տղոց մէջ հպարտութիւն մշակեր էք։ Այս երկու արդինքները միանալով կրնան ձեզ ապագային մեծ դժուարութեանց դուռ բանալ, որոնցմէ կրնայիք ազատիլ։ Ուստի, իրաւունք ունիմ ըսելու թէ զգալի կորուստ մը ունեցաք այն օրը երբ ձեր սովորութեամբ եւ ընթացքով յարգսնքի մէջ պակսութիւն մը ցոյց տուիք։

Ինչո՞ւ շրսեմ։ Ինծի կը թուի թէ մեզմէ շատեր այդ պակսութիւնը ունին։ Ամէն տեղ եւ ընկերային ամէն դասակարգի մէջ կը դիտեմ որ մարդիկ խիստ գէշ ոգի մը կը մշակեն իրենց զաւակներուն մէջ, — արհամարհանքի ոգին։ Հոս կ'արհամարհեն այն անձը որուն ձեռքերը գործելէն կարծրացած են, եւ որ գործի հագուստ հագած է. անդին կ'անարգեն ուրիշ մը որ գոր-

ծաւորի հագուստ հագած չէ։ Եւ այն տղաքը որ այս կերպով կը մեծցնեն, օր մը ողորմելի տեսակէ մարդիկ պիտի ըլլան։

* * *

Եթէ սրտի պարզութիւնը յարգանքի էական պայմանն է, կեանքի պարզութիւնը լաւագոյն դպրոցն է։ Որքան ալ հարուստ ըլլաս, զգուշացիր անանկ ընթացք մը ունենալէ որ կրնայ տղոցդ կարծել տալ թէ իրենք ուրիշներէն վեր են։ Նոյն իսկ եթէ վիճակդ կը ներէ զանոնք պերճօրէն հագուեցնելու, խորհէ այն վնասին վրայ զոր կրնաս անոնց պատճառել՝ իրենց ունայնամշտութիւնը փայփայելով։ Պաշտպանէ զանոնք սա հաւատքը ունենալու դժբախտութենէն թէ նշանաւոր ըլլալու համար բաւ է միայն ճոխ կերպով հագուիլ. Եւ ամէն բանէ աւելի, իրենց հագուստներուն պատճառաւ անոնց ունեցած սրտի ուրախութեանց մէջ մի բանար խրամատներ, որոնք արդէն զանոնք իրենց հասակի ընկերներէն կը բաժնեն։ Պարզօրէն հագուեցուր զանոնք։ Իսկ ընդհակառակը, եթէ ինայութիւն ընել ստիպուած ես տղաքդ պերճօրէն հագուեցնելու եւ այս պատճառով անոնց հաճոյք պատճառելու համար, կը խնդրեմ որ զոհողութեան այդ ոգիդ լաւագոյն նպատակի մը համար պահես։ Քու այդ զոհողութիւնդ գէշ կերպով վարձատրուած տեմնելու վտանգին կ'ենթարկես ինքնինքդ։ Դրամդ կը ցրուես, կը վատնես, փոխանակ աւելի կարեւոր պէտքերու համար զայն պահելու։ Քու այդ ընթացքովդ ապերախտութեան հունձք մը կը պատրաս-

თხეს, ვირ უქოთ განდეს აფავაების: ლეგან ქომანდა-
ტორ რან ჩ ფირ მანგებრი ხა აღმართებრი ქარძენსხელ ანანსკ
კენაცხ მრ ირ ფირ ქარძაცხელ ქერ ჩ: სერ ლენზაფერ
ჭავასარებრ ჩ ნახს ფირ ჭავაცხელ ხა ხელირი ასთენა
სინ ხას ლენსანგებრი მხ არამარანგელ იფრ უქოთ
მუშაცხ: ხელ ფირ თელაფრ მხდართინს ქარძაცხერი უქს
კლ რადიცენსხ ხა ანინგ აფასამი კირ თას რასასალი
მხ ფხელ ქხერალა ხა ანინგ, ქარძმანალ ჩ ხელ ქერგ
ჩ ქერგი ფხელ ანარებნ: სერ თხესაც არეტენა მრ გათ
სიულე კლ სუსტე ფხელ ხა მენენინა ასთენს ხელებ არდეც მრ ისინ:

Կայ նաեւ տղաքները մեծցնելու անանկ կերպ մըն ալ
որ անոնց արհամարհնել կու տայ իրենց ծնողքը, իրենց
միջավայրը եւ այն տեսակ գործերն ու աշխատանքը
որոնց մէջ մեծած են: Այս տեսակ դաստիարակու-
թիւնը աղէտ մըն է: Այս տեսակ կրթանք օգտակար է
միայն յառաջ բերելու լէզէն մը դժգոհ մարդիկ, որոնք
կ'ուրանան իրենց ծագումը, իրենց յարաբերութիւնները
եւ իրենց արենակցութիւնը: Եւ ամփամ մը որ զատուե-
ցան զիրենք արտադրող կենսալից եւ ուռճազարդ ծա-
ռէն, իրենց յիմարական ֆառասիրութեան հովը կը ցրուէ
զանոնք հոս ու հոն, թօշնած տերեններու պէս, որոնք
տեղ մը կը դիզուին փտելու եւ նեխելու համար:

Բնութիւնը ոստումներով չի շարժիր, բայց ծանրա-
շարժ այլ ստոյգ բարեցրջումով մը։ Բնութեան նմանինք
մեր տղոց ասպարէզ մը պատրաստելու եղանակին մէջ։
Զարգացումը մի շփոթէք այն վարժութեանց հետ, որոնք
կրկնակ գլխիվայր թաւալում (բաւական) կր կոչուին։ Մեր

տղաքը չմեծցնենք անանկ կերպով մը որ վերջը արհամարհեն աշխատութիւն, գործ եւ ծնողական տան պարզութեան ոգին։ Մեր աղքատութենէն ամէնսալու փորձութեան չարիքին մի ենթարկէք զանոնք, եթէ այնպէս պատահի որ իրենք հարստութիւն ունենան։ Հիւանդութեամբ վարակուած է համայնքը այն օրէն սկսեալ երբ գեղջուկներուն զաւակները կը մոռնան արօրը, երբ նաւազներուն որդիքը կը լքանեն ծովը, կամ գործառը աղջիկներ, պերճուհիներ կարծուելու համար, նախապատիւ կը համարին փողոցներու մէջ պոանձին պտոյտներ ընել, քան իրենց բարի ծնողաց թեւը մտած շրջագայիլ։ Իսկ համայնքը առողջ է. երբ ընդհակառակն ամէն մարդ յօժար է ընելու գրեթէ նոյն բանը ինչ որ իր ծնողքը կ'ընեն, միայն թէ աւելի լան ընելով, եւ իսքաղինքը բարձրացնելով, եւ գոհ ըլլալով ամէնէն հակառակներուն պաշտօներով, եւ խղճմտօրէն կատարելով զանոնք։

Տղայ մը որքան շատ խաղալիկ, պարապուրդ եւ
բացառիկ հաճոյքներ ունենայ, այսքան քիչ կը զուար-
ձանայ: Աստոր մէջ որոշ ցուցանիշ մը կայ: Դեռահաս-
ներուն զբոսանք եւ հաճոյքներ մատակարարելու ատեն
պաղարինութիւննիս չկորսնցնենք եւ, որ աւելին է,
արուեստակեալ պէտքեր՝ չստեղծենք անսոնց համար թե-
թեւօրէն: Ուտելիք, հագուստ, բնակարան, զբոսանք,
ասոնք ամէնը բնական թող ըլլան եւ կարելի եղածին
չափ նուազ բարդ: Կեանքը աւելի հաճելի լնելու հա-
շափ նուազ բարդ:

մար կարգ մը ծնողքներ իրենց տղաքը որկրամոլութեան եւ ծովութեան կը վարժեցնեն, իրենց տարիքին անյարմար յուզումներ կը պատճառեն անոնց, հրափրագիրներ, տեսարաններ եւ հանդէսներ կը բազմապատկեն: Ասոնք ողորմելի ընծաններ են: Շուայլութեան չափազանց վարժուելով՝ տղան անկէ պիտի ձանձրանայ, եւ երբ այս կամ այն պատճառով իր հանգստութիւնը վրդովուի, այն ատեն կը տառապի եւ դուն ալ իրեն հետ եւ, ինչ որ աւելի գէշ է, կեանքի լեծամեծ պատահականութեանց ատեն, երկուքդ ալ, պարզ վախկոտութեան հետեւանքով, մարդկային արժանապատուլթիւնը, ճշշմարտութիւնը եւ պարտականութիւնը զոհելու վտանգին պիտի ենթարկուիք:

Ուստի, ձեր տղաքը պարզ կերպով — պիտի ու-
զէի ըսել նոյն իսկ — խիստ հասարակ, կոշտ կերպով
մեծցուցէք: Զանոնք չարքաշութեան վարժեցուցէք, եր-
բեմն նոյն իսկ զրկումներով: Թող աւելի այն տեսակչն
ըլլան որոնք սքանչելի կերպով պատրաստուած են չոր,
կարծր տեղ պառկելու, յոգնութեանց դիմանալու, քան
անոնցմէ որ սեղանին հաճոյքները եւ անկողինին հան-
գըստաէտութիւնը կը սիրեն: Այսաքս ընելով պիտի ու-
նենանք օգտակար անձեր, որոնք քիչ մը հանգստու-
թեան համար ինքզինքնին պիտի չծախսեն, եւ որոնք
սակայն ուրիշ ամէն մարդէ աւելի երջանիկ ըլլալու կա-
րողութիւնը պիտի ունենան:

Զափազանց հեշտ կեանք մը կորովը կը մեղկացնէ։
Այս տեսակ մէկը յոգնած, յափրացած, երիտասարդ-

ծեր մը կ'ըլլայ, ինքզինք զուարճացնելու կարողութենէն
զրկուած: Որքան դեռահասներ այսօր այս վիճակը ու-
նին: Անոնց վրայ զրոշմուած են մեր ծերութիւնը, մեր
սկեպտականութիւնները, մեր մոլութիւնները եւ յորի
ունակութիւնները: Ի՞նչ ազդարարութիւններ փորագրուած
են մեր ճակատներուն վրայ:

Այս գունատ դեռահամները կ'ըսեն մեզ թէ երջան-
կութիւնը կը կայանայ իրապէս ապրող, գործող էակ մը
ըլլալուն մէջ, էակ մը որ կոյս մնացած է կիրքերու
լուծէն, արուեստական պէտքերէն, վատարող յուզում-
ներէն, որ իր սրտին մէջ պահած է օրուան լոյսը, օդն
ըմբոշիններու կարողութիւնը, ինչպէս նաեւ՝ ամէն սքան-
չելի, պատուական, ազնիւ բան զգալու եւ սիրելու զօ-
րութիւնը :

Արուեստակեալ կեանքը՝ արուեստակեալ խորհուրդ
եւ կեղծ լեզու մը կը ծնի։ Առողջ ունակութիւններ,
զօրեղ տպատրութիւններ, սովորական շփում իրակա-
նութեան հետ՝ բնականաբար անկեղծ լեզու մը յառաջ
կը բերեն։ Ստութիւնը, խաբէութիւնը գերիներու մոլու-
թիւնն ու վատերուն եւ տկարներուն ապաստանարանն
է։ Մեր տղոց մէջ քաջալերենք այն բարեդէպ արիու-
թիւնը, որ առանց բառերը ծամածոելու ամէն բան կ'ըսէ։
Բայց սովորաբար ի՞նչ կ'ընենք — անոնց կեղծաւորու-
թիւն կը սորվեցնենք։ Ի՞ր միտքով խորհիլ, իր սիրտով
զգալ, արտայայտել ինքզինքը, իր էութիւնը, ի՞նչ ան-
քալ, քաղաքավար ընթացք, ի՞նչ ուամիկ, գեղջուկ բան, կը

Մտածենք : Ո՞հ , ի՞նչ վայրագ , ի՞նչ ահուելի դաստիարակութիւն է այն որ կը կայանայ մշտնջենապէս մարելուն մէջ մեզմէ իւրաքանչիւրին ներսիոն ճիշդ այս բանը որ իր գոյ ըլլալուն պատճառն է : Դեռահամսներուն հոգին եղած , ճգմած եւ սպաննած ըլլալուս համար քանի քանի անգամներ ոճրապարտ գտնուած ենք : Երբ պզտիկ են տակաւին , կ'ուզենք զանոնք տեսնել պատկերներու կամ պուպրիկներու նման : Երբ կը մեծնան , կը սիրենք զանոնք , պայմանաւ որ աշխարհի մընացեալ մարդոց պէս ըլլան , — ինքնաշարժ մեքենաներ : Սորվեցնենք մեր զաւակներուն , որպէս զի բուն իսկ իրենց անձը , էութիւնը երեւան բերեն եւ ուրիշ մէկը ըլլան : Հաւատարմութիւնը պէտք մը ընենք անոնց համար , եւ իրենց ամէնէն ծանր սխալմոննքներուն մէջ , եթէ կ'ընդունին , կը խոստովանին այդ սխալմոննքները , յայտնապէս չար ըլլալը՝ գաղտնի , չխոստովանուած չարութեան հետ բաղդատմամբ , արժանիք մը նկատենք :

Դաստիարակութեան մէջ անկեղծութեան հետ սոր-
վեցնենք նաեւ անմեղութիւն։ Մանկութեան այդ ընկե-
րին՝ անկեղծութեան՝ հետ ունենանք նաեւ անմեղու-
թիւնը։ Հոգ չէ եթէ քիչ մը անընտել, անծանօթ բան
մը եղած ըլլայ ան, շնորհալի եւ օգտակար է։ Մի
խրչեցնէք զանիկա եւ մի փախցնէք։ Եթէ տեղէ մը
փախչի, շատ հազուադէպ է որ վերադառնայ։ Անմեղու-
թիւնը ոչ միայն ճշմարտութեան քոյրն է եւ երկուքին

պատկանող յատկութեանց պահապանը, այլ նաեւ դաս-
տիարակութեան մեծ ազդակ մը եւ թաքուն յատկու-
թիւնները երեւան բերող մեծ ոյժ մըն է: Մեր շուրջը
կը տեսնեմ մարդիկ Դրապաշտ անունը առած, որոնք
ահարկու ակնոցներով եւ հսկյա մկրատներով զինուած են
այս անմեղութիւնները երեւան հանելու եւ զանոնք թե-
ատելու համար: Ասոնք աշխարհէն, խորհուրդէն եւ
դաստիարակութենէն կը խլեն անմեղութիւնը եւ կը հա-
լածեն գայն: Զանոնք մարդ ընկելու պատրուակին տակ
տղայ ըլլալէ կ'արգիլէն, իբր թէ աշունին հասուն պը-
տուրէն առաջ գարունին ծաղիկներուն, անուշահոտու-
թեան, երգերուն եւ հուրիներու երկրին պէտք չկինար:

Շնորհ կը խնդրեմ ամէն բանի համար որ անմեղ է եւ պարզ, ոչ թէ միայն այն անմեղ սիրունութեան համար որ գանգրահեր գլուխներուն շուրջը կը հիւսուի, այլ նաեւ հէքեաթներուն, անմեղ երգերուն եւ հրաշալի աշխարհներուն պատմութեանց համար։ Հրաշալիին ըզգացումը անհունին զգացումին այն առաջին ձեն է առանց որոյ մարդ մը անթեւ թուզունի կը նմանի։ Մի գրկէք տղաքը հրաշալիէն, այս երկրաւոր երկրէն ինք-զինքնին վեր վերցնելու կարող ընելու համար զանոնք եւ իբր թէ անցեալ դարերու այս սրտաշարժ եւ երկիւ-ղած խորհրդանշանները վերջը գնահատելու համար։ Ասոնց մէջ մարդկային ճշմարտութիւնը արտայայտութիւններ գտած է, որոնց տեղը մեր չոր ու ցամաք տրամաբանութիւնը երգեք բան մը պիտի չկրնայ դնել։

ԳԼՈՒԽ ՃԳ

ՎԵՐՋԱԲԱՆ

Կարծեմ ըստ բաւականին կարողացայ ներկայացնել Պարզ կեանքին ոգին եւ յատկութիւնները, գաղափար մը տալու համար թէ այդ կեանքին մէջ զօրութեան եւ գեղեցկութեան ամբողջ աշխարհ մը կայ մոռցուած։

Ասոնք, որ բաւական կորով ունին ինքանքին ազատելու մեր կեանքը դժուարացնող այն հազարումէկ սոսկալի սնոտի եւ փուճ բաներէն, կրնան յաղթել ու այդ Պարզ կեանքով ապրիլ։ Ասոնք շուտով խելամուտ պիտի ըլլան թէ հրաժարելով քանի մը հարեւանցի, երկրորդական գոհացումներէ, քանի մը մանկական փառասիրութիւններէ, պիտի զօրացնեն երջանիկ ըլլալու իրենց կարողութիւնը, եւ պիտի յաւելուն արդարութեան համար իրենց ունեցած զօրութիւնը։

Այս արդինքները իրենց կարեւորութիւնը ունին՝ ինչպէս իրենց անհատական կեանքին, նոյնպէս իրենց հանրային կեանքին մէջ։ Անվիճելի է թէ երբ փայլելու տեսդայոյզ ձգտումին դէմ կը մաքառինք, երբ մեր գործունչութեան նպատակը մեր բաղձանքներուն գոհացումներէ կը դադրինք, եւ երբ համեստ ճաշակներու եւ ճշմարիտ կեանքին կը վերադառնանք, միեւնոյն ատեն մեր ընտանիքին բարելաւութեան համար աշխատած կ'ըլլանք։

Մեր տուներուն մէջ ուրիշ ոգի մը պիտի շնչէ, ստեղծելով նոր կենցաղ մը եւ միջավայր մը, որ դեռահասներուն դաստիարակութեան աւելի նպաստաւոր է։ Տակաւ առ տակաւ մեր երիտասարդներն ու երիտասարդուհիները պիտի զգան թէ կ'ուղղուին դէպ ի գաղափարական մը որ աւելի վեհ է եւ աւելի իրականալի։ Եւ այս ներքին փոխակերպութիւնները իրենց այս բարերար ազդեցութիւնը ի գործ պիտի դնեն վերջապէս հանրային ոգիին վրայ։ Ուստի պէտք է հսկենք անհատին լաւ յատկութիւններուն վրայ, որպէս զի ունենայ, թէ հաստատուն նկարագիր եւ հաւատարիմ ոգի մը, եւ թէ իր ներշնչումը ստանայ կեանքին բարձրագոյն նպատակէն։ Ուստի, երբ կը մշակենք Պարզութեան Ոգին, հանրային կեանքին ալ տուած կ'ըլլանք հզօրագոյն մղում մը դէպ ի լաւն ու բարին։

Մարդ որքան յեղյեղէ՝ դարձեալ պէտք եղածին չափ ըսած չըլլար թէ՝ ընկերային դասակարգերու, շրջանակներու, աստիճաններու պղտիկ շահերը, անձնական հանգստութեան եւ դիւրութեան ետեւէ եղած մոլեգին հետապնդումը հրքան հակառակ են հանրային բարօրութեան, եւ հետեւաբար մահողիթ՝ անհատական երջանկութեան։ Այն համայնքը, որոն մէջ ամէն ոք միայն իր անձին հանգստութեան հետամուտ է, մխիթարական, կանոնատր եւ բարգաւաճ վիճակ մը չի ներկայացներ։ Մեր այս սուր եսամոլութեան անսկերջանալի պայքարներէն ուրիշ դաս չենք սորվիր։

Շատ կը նմանինք այն անձերուն, որոնք ընտանեկան

արենակցութիւն կ'ընդունին միայն այն ատեն երբ շահ մը կ'ակնկալեն եւ ոչ թէ պատիւ մը ընելու համար։ Ընկերային սանդուղին ամէն մէկ աստիճանին վրայ նորանոր պահանջներ կ'ընենք։ Ամէնքս ալ պահանջատէրեր ըլլալ կը ձեւացնենք, իսկ պարտական՝ երբեք։ Մեր ընկեր արարածներուն հետ մեր բոլոր վարմունքն է հաճելի կամ դաժան կերպով մը հրափրել զանոնք որ մեզի ոնեցած պարտքերնին վճարեն։ Այդ ոգիով չենք կրնար ու եւ է լաւ արդիմք ձեռք ձգել։

*
* *

Դինան 1882 ին ըրած իր մէկ բանախօսութեան մէջ ըստ թէ ցեղ մը հոգեւոր ընտանիք մըն է, եւ աւելցուց թէ, «Ցեղի մը ոգին, էութիւնը կը կայանայ սա իրողութեան մէջ թէ իր բոլոր անհատները հասարակաց շատ բաներ ունին, եւ նաեւ շատ բաներ մոռնալու են։» — Կարեւոր է գիտնալ թէ մարդ ինչ մոռնալու եւ ինչ յիշելու է, ոչ թէ անցեալին մէջ միայն՝ այլ նաեւ առօրեայ կեանքին մէջ։ Ամէն մարդ իր յիշողութեան լուսաշող կէտին մէջ իր երկրորդական յատկութեանց զգացումը վառ եւ սուր կը պահէ, որ է ըլլալ վաճառական, սեղանաւոր, ճարտարապետ, երկրագործ, պաշտօնեայ, գրագէտ, կրօնական, եայլն։ եւ սակայն կը մոռնայ իր էական յատկութիւնը որ է մարդ ըլլալ։

«ՅիՇէ՛.» «ՄՈՌԻՑԻՌ.» ահա ինչ որ պէտք է ըսենք ամէն առաւօտ մեր բոլոր յարաբերութեանց եւ մեր բոլոր գործերուն մէջ։ Յիշէ էականը. մոռցիր երկրորդա-

կանը։ Որքան լաւ կերպով կատարած պիտի ըլլայինք մեր պարտականութիւնները իր մարդ՝ եթէ մեզմէ ամէնին խոնարհը ու ամէնին բարեկեցիկը այս ոգիով մնանին։ Որքան հաճելի յիշատակներ պիտի մշակէինք մեր դրացիներուն եւ ընկերներուն միտքերուն մէջ՝ անոնց մէջ սիրելի գործեր կատարելով, եւ ինսայելով անոնցմէ այն արարքները, որոնց համար, հակառակ իրենց անձին, ատելավառ սրտերով ստիպուած կը զգան ըսել. «Այդ բանը երբեք պիտի չմոռնամ։»

Պարզութեան ոգին մեծ մոգ մըն է։ Ա՞ն կը հաւասարցնէ անհարթութիւնները, ձորերու եւ անդունդներու վրայ կամուրջներ կը կառուցանէ եւ սիրտերը իրարու կը մօտեցնէ։ Այն ձեւերը, զորս կը հագնի աշխարհի մէջ, բազմաթիւ են եւ բազմապիսի, բայց պարզութիւնը երբեք այնքան հաճելի եւ սիրուն չերեւիր որքան երբ դիրքերու, շահերու, նախապաշարումներու մահառիթ պատուարներուն վրային լոյս կը սփոէ, եւ թոյլ կուտայ որ իրարմէ խիստ հեռու մնալու դատապարտուած անձեր ճանչնան, յարգեն եւ սիրեն զիրար։

Վ Ե Ր Զ

ՆԻՒԹԵՐՈՒՆ ՑԱՆԿԸ

Յառաջաբանիկ	Պ—Ը
ԳԼՈՒԽ Ա.	
Քարդ Աեամբը	9
ԳԼՈՒԽ Բ	
Պարզութան Ազին	22
ԳԼՈՒԽ Գ	
Պարզ Խօսքը	29
ԳԼՈՒԽ Դ	
Պարզ Պարտականութիւնը	42
ԳԼՈՒԽ Ե	
Պարզ Պէտինը	55
ԳԼՈՒԽ Զ	
Պարզ Համոյչը	68
ԳԼՈՒԽ Է	
Վարձկան Ազին և Պարզութիւն	78
ԳԼՈՒԽ Ը	
Համբաւի Մարմաղը և Սնիկունկ Բարութիւններ	92

ԼՂ

ԳԼՈՒԽ Թ

Աշխարհասփռութիւն եւ Ընտանեկան Կեամբ 110

ԳԼՈՒԽ Ժ

Պարզ Գեղեցկութիւնը 120

ԳԼՈՒԽ Ժ.Ս

Հպարտութիւն եւ Պարզախռութիւն 132

ԳԼՈՒԽ Ժ.Բ

Դասիարակութիւն Պարզութեան մէջ 144

ԳԼՈՒԽ Ժ.Գ


Անցարան 162



«Ազգային գրադարան



NL0151422



معارف عمومیه نظارت چلله سنه ١٥ شعبان ٣٢٤ و ١٩٢٢ آیولو
و ٢٤٢ نومروی رخصتنامه سیله آغوب ماطیوسیان مطبعه سنده طبع اوئن Sheldon